



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material


5548

5548

1902

9(47.925)

LN - 44



V/310 304

ՀԵՐ ԳՐԱԲԱՆԱԿԱՆՈՒԹՅԱՆ

ԲԵՐԻՆ

ԵՐ ԿՐԸՆՑ ԳԵՐՏԻՍՐԵՐ

Արտատպութիւն

Երզնայի Գրական Կենտրոնի կողմից

ՕՏ

Կ. Ս. ԵՐԶՆԱ

Երզնայի Գրական Կենտրոնի կողմից

1892

304

1/30

11

9(471925) + 323.1

տ-44⁸



այս. Աստվա՛հ!

ՀԱՅ ԳԱՂԹԱԿԱՆՆԵՐԸ

ԲԱԳՈՒ

ԵՒ ՆՐԱՆՑ ՎԵՐԱԴԱՐՁԸ

1007
33228

Աշխատութիւն

Արզար Առազ Գահանայ Տէր-Յարութիւնեանցի.



ԲԱԳՈՒ

Տպարան Յ. Գ. Գիւլբասարեանի

1902.

3477

საქართველოს მთავრობის

დამსახურება

საქართველოს მთავრობის

Дозволено Цензурою 4 мая 1902 г., Тифлисъ

საქართველოს მთავრობის

საქართველოს მთავრობის

83109-სსს

947-902

საქართველოს მთავრობის

საქართველოს მთავრობის

საქართველოს მთავრობის

2004

Handwritten mark on the right edge.

Նորին վեհափառորէան

ԾԱՅՐԱԳՈՅՆ ՊԱՏՐԻԱՐԻՔԻ

ԵՒ

ԿԱԹՈՒՂԻԿՈՍԻ ԱՄԵՆԱՅՆ ՀԱՅՈՑ

Տ. Տ. ՄԿՐՏՉԻ Ա.

Ի ՆՈՒՆ ԸՆԿԵՂԺ ԸՆՉՆՈՒԻՐՈՒԹԵԼՆ

Ամենախոնարհ յարգակիով

ՆՈՒԻՐԷ

Աշխատասիրողը:

ՅՈՒՆԻՍԿՈՒՆԻՏԻ ՍՈՒՐԵՆՏԻ

ՎԵՐԵՎԵՆՆԵՐ ԳՐԱԳՐԱԿԱՆ

ԿԻ

ՎԵՐԵՎԵՆՆԵՐ ԳՐԱԳՐԱԿԱՆ

Ս. ՎԵՐԵՎԵՆՆԵՐ

ՎԵՐԵՎԵՆՆԵՐ ԳՐԱԳՐԱԿԱՆ

ԿՆՆԱՐԻՆԻ ԳՐԱԳՐԱԿԱՆ

ՎԵՐԵՎԵՆՆԵՐ

ՎԵՐԵՎԵՆՆԵՐ ԳՐԱԳՐԱԿԱՆ

947 900

2008

աման լոջովի վ մ լլա .այնժարասյամ միջոնխորսե
դգլմնդյա՜ր բնագլ մշմլն բնոցմ այնժոյս
-ասնաղման մամնխորսի բնոցմ խոռանոսարս բլՄ
-ա՜՛ր զգոյմա . խոյմնիլ յամբմու միլիւիլ միլցմննիլ կլոմ
-աբարսիլ մ խոյամն . այսար որմս 'բնոցմ' վլլման
վ մնիլխոնոսարս փոփնա զլալ .տոռանա՜ խոյամ
-ամբար մլոս **Վ Ե Հ Ա Փ Ա Ռ Տ Է Ր** .այնվանոց սլոլ
-մի զոյս . յմիտարս զոսպնան սնանխոռասլչա յանլ
-ա՜՛ր մլոլ .

Վիշտն անպակաս եղաւ սրբութեանդ տենչերով
ու յոյսերով զեղուն սրտից . և արտասուում էիք հայ-
րենի տունը կորցրած, աստանդական և սովալլուկ
մնացած զաւակներիդ համար: Սակայն վշտակից էր
Ձեզ հետ Ձեր ամբողջ հօտը. վասն զի ցաւը, որ
արտասուք էր պատճառում պաշտելի Հօրդ, կրումէին
մեր արիւնակից և հոգեկից եղբայրներն ու քոյրերը:
Ոչ մի քարացած սիրտ չէր կարող շարտասուել, տես-
նելով Ս. Լուսաւորչի զաւակներին Տիրոջ խաչը բար-
ձած, թողած հայրենի տուն, հայրենի օջախ, թողած
դարերով պաշտած նուիրական տաճարներ, անցած
փլատակներ ու մոխրակոյտեր և ամենուրէք ձեռք
մեկնած, մի տեղ, մի եւթանդ, մի հալաւ ու մի
փշուր հաց՝ խնդրելիս:

Բազուն հարագատ եղբօր ու քրոջ նման գրկեց,
ամօրեց նրանց վիշտը և ոչ մի ջանք ու ճիգ չ'խնա-
յեց թեթեւցնելու նրանց դառնաղէտ վիճակը:

Սուրբ Օծութեանդ նուաստ ծառայս պատիւ ու-
նեցայ այդ անբաղդներին Բազում խնամող մասնա-

ժողովներին նախագահելու. այլ և ՚ի վերջոյ ճանապարհելու նրանց մինչև իրանց հայրենիքը:

Այդ պատճառով նրանց կացութեան մանրամասնութիւններին լիովին տեղեակ լինելով, ակելորդ չ'համարեցի նրանց՝ տեղն դալու, մնալու և վերադառնալու համառօտ, բայց ամփոփ պատմութիւնն ՚ի լոյս բնծայելու. նաև համարձակուեցի սոյն դուզնաքեայ աշխատութեանս ճակատը պսակել Հայոց վեհափառ Հայրիկիդ պաշտելի անունով, իբրև նշան հաւատեաց մշտապատրաստ հնազանդութեան և անկեղծ անձնուիրութեան:

Չեր Սուրբ Օծութեան միշտ ամենախոնարհ

և ամենահնազանգ ծառայ

Արգար առագ քահանայ Տեր-Յարութիւնեան:

դժՄ քամայիարայր-լաճ մկրտմ քայախնչյով՝ յն
մնանեչոց մարայճղաճ զ յվարօ գաղմաար գանդալ
-ալէ՛ զժՄ մոխիտաճնոճք յ գամ՛ մագցս մ յիմոյա
-առա նայալ բարորարնար մտախ մ գառն յամայր գնին
-մայ

**ՄԿՐՏԻՉ ԾԱՌԱՅ ՅԻՍՈՒՍԻ ՔՐԻՍՏՈՍԻ ԵՒ ԱՆ-
ՀՄԱՆԵԼԻ ԿԱՄՕՔՆ Աստուծոյ Եպիսկոպոսապետ և
կաթողիկոս ամենայն Հայոց Ծայրագոյն պատրիարք
համագրական նախամեծար Աթոռոյ Արարատեան Առա-
քելական մայր եկեղեցւոյ Սրբոյ Կաթողիկէ Էջմիած-
նի. Արժանապատիւ Տ. Արքար քահանայի Տէր-Յարու-
թիւնեան, միաբանի Ս. Ա. Ժածին եկեղեցւոյ Բագու
քաղաքի, հարազատ որդւոյ Մ. Աթոռոյ ոգջոյն և
օրհնութիւն:**

**ԸՍՏ ԲԵՐՉՐԱԳՈՅՆ ԿՍՅՍԵՐԱԿԱՆ հաճութեան
ՔԱԳԱՒՈՐ ԿՍՅՍԵՐ ամենայն Ռուսիոյ հիմնեալ ի վե-
րայ որոշման նախարարական ժողովոյ ի 26 Մարտի
ներկայ ամի կարգադրեալ է յընթացս միոյ ամի վերա-
դարձուցանել ի հայրենիս իւրեանց զգաղթականս
Տաճկաստանի, որ յերկից սամայ հետէ ի գանազան կող-
մանց զաղթեալ էին իկողմանս Կովկասու և Ռուսիոյ:
Որոշումն այն զրուսթեամբ իւրով Տ. Կառավարչապետն
քաղաքական մասին Կովկասու յայտնեաց Մեզ ի 11
Ապրիլի անցելոյ թ. 115, որով և գմերն աջակցու-
թեան զպէտս զգացուցանէր առի զիւրաւ և յաջող
վերադարձուցանելոյ զգաղթականս յիւրաքանչիւր տե-
ղիս: Եւ քանզի Մեզ ևս հաւաստեալ յայտնի էր զրու-
թիւն երկոցունց կողմանցն ևս թէ զաղթականաց և**

Թէ հիւրընկալաց նոցին Հայ-գիւղականաց, Մեր յարմար դատեցար օգտիլ ՚ի Բարձրագոյն որոշմանէն այնմիկ և որքան հնար է գձեռնհասութիւն Մեր չկամիմք զլանալ. ուստի և վասն ցանկացողաց յայտ առաջին նուագի դադթականաց, որք յօժարութեամբ ցանկան վերադառնալ յիւրաքանչիւր տեղիս և են թուով մօտ հազար անձինք ընդ այր և ընդ կին, Մեր այսու Հայրապետական կանդակաւ կարգեմք զքեզ առաջնորդող նոցին և խնամակալ ՚ի ճանապարհի մինչև ՚ի սահման Տաճկաստանի ՚ի Վան քաղաք, որ և վասն դիւրութեան քո և ազատ մուտ գործելոյդ ՚ի Տաճկաստան արդէն պատրաստի ունիւ գարտատահմանեան անցազիր:

Պարտիք քո լիցին ամենայն խնամով և հոգածութեամբ հասու ցանել զթշուառ վտարանդեալս գայնուսիկ ՚ի Վան քաղաք, որ կենդրոնավայր համարի յայտ վերադարձող խմբի, ուրանօր յանձնարարեալ տեղական իշխանութեան աջակցութեամբ հիւպատոսին Ռուսաց, որ ՚ի Վան, վերադարձցիս այսր:

Օրհնելով զճանապարհն քո և զյաջող վերադարձն՝ մաղթեմք յամենակալէն Այ հրեշտակի խաղաղութեան յանձն առնել զքեզ և խումբ գաղթականաց առ ի յաջող և ի հանգիստ հասանել իւրաքանչիւր ՚ի բնակութիւնս:

Ողջ լիւր և օրհնեալ յԱյ չօրէ և ՚իՄէնջ. ամէն:

՚ի 1-Յունիսի 1898 ամի և ըստ տոմարիս ՌՅԽԷ ՚ի Հայրապետութեան մերում Ե ամի յԱրարատ-Մ. Աթոռ Ս. Եջմիածնի. ՚ի Վաղարշապատ: Թ. 682.

Մ. Կ. Ա. Հայոց.

արքայի հարկերն ապա իր անհատական
արքայի հարկերն ապա իր անհատական
արքայի հարկերն ապա իր անհատական
արքայի հարկերն ապա իր անհատական
արքայի հարկերն ապա իր անհատական
արքայի հարկերն ապա իր անհատական
արքայի հարկերն ապա իր անհատական
արքայի հարկերն ապա իր անհատական
արքայի հարկերն ապա իր անհատական
արքայի հարկերն ապա իր անհատական

Հ Ա Յ Գ Ա Ղ Թ Ա Կ Ա Ն Ա Ե Բ Ը
Բ Ա Գ Ո Ւ

1870 թուականներին Համախոյ երկրաշարժը մի կողմից, Ղարաբաղի սովը միւս կողմից, տեղական ժողովուրդներից հարիւրաւոր ընտանիքների ենթարկումն դառն աղքատութեան, սրոնք գէթ մի կտոր չոր հաց ձեռք բերելու համար, շումնն դէպի Բագու, որ նոր էր սկսել մեծ ապագայի գրաւականները տալ: Այդտեղ շատերը մնումն ձեռնունայն և ճարահատեալ, որ գոնէ քաղցից չմեռնելու համար դիմումն վերջին միջոցին—մուրացկանութեան:

Տեղական ունեւոր հայերից ոմանք ի նկատի առնելով որ կոպէկներով ողորմութիւն տալով հնար չի լինիլ մուրացկանութեան առաջն առնելու, այլ դորա համար հարկաւոր է մի օրինաւոր միջոց. ուստի վրձնում են մի աղքատախնամ հոգաբարձութիւն կազմել, որի շնորհիւ կարելի լինի գրամական մի շոշափելի միջոց ժողովել: Եւ որոշումն այդ միջոցը ձեռք բերել թէ անդամակցական տո՛ւրքով և թէ կամաւոր

նուիրատուութեամբ: Եւ Բագու քաղաքում այդ նպատակի համար ընտրուած անդրանիկ հոգաբարձութիւնը կազմուում է 1872 թ. Ապրիլի 1-ն:

Այդ հոգաբարձութիւնը, որ կազմուում էր հինգ անձնաւորութիւնից, բացի անդամակցական տուրքից և կամաւոր նուէրներից, պարտաւոր էր ամէն կերպ զրամական միջոցը ընդարձակել և կարօտեալների համար գործ դնէր ըստ հայեցողութեան յարգելի անդամների:

Եւ նա շնորհիւ բժշկապետ Ռոստոմեանի, Ս. Բաղրեանի, Գ. Թումայեանի, Գրիգոր Աւանեանի, Գրիգոր Դիլզարեանի և այլոց ջանքերի՝ ուղիղ 21 տարի գործելով, այն է 1872 թուականից մինչև 1891 թուականը կատարել է բաւական բեղմնաւոր գործեր:

Նա կազմել է կանոնադրութիւն և առաջարկել է պատշաճաւոր իշխանութեան կողմից հաստատելու, որ զլիսաւորն է, անտուն և անտէր խեղճների համար կառուցել է մի հոյակապ տուն, որ հինուած օրից մինչև օրս իւր յարկի տակ պատասպարել է հազարաւոր սղբատների:

Այդ տունը կառուցուել է հոգաբարձութեան հիմնադիրներից մէկի—պ. Գրիգոր Դիլզարեանի յատուկ վերահսկողութեամբ, որի բարի անունը կ'մնայ ընդ միշտ անմոռանալի այդ տան մէջ ամեն մի պատասպարուածի սրտում: Գ. Գրիգոր Դիլզարեանի աղքատանոցի համար արածների մասին աւելորդ ենք հա-

մարում երկար կանդ առնել: Ահա այդ տունը մի ան-
ընկճուն կոթող է նրա անուան համար և մի փառա-
ւոր վկայ նորա պտղաւէտ գործունէութեան:*)

Թէ որքան ծառայութիւն է մատուցել այդ հիւ-
նարկութիւնը հազարաւոր անբաղկնների 1872 թուա-
կանից մինչև 1894 թուականը, այդ մասին մանրա-
մասն իմանալու համար առաջարկումեմ պ. Ե. Քալս-
տեանի կազմած «Քազայ Հայոց Աղքատանոցի հիւ-
նարկութեան պատմութիւնը» վերնագրով գրքոյկը.
քայց որովհետև իմ նպատակնէ սոյն գրքի մէջ ամ-
փոփել գլխաւորապէս, ճանկահայաստանից այստեղ
ապաստանած և ապա հայրենիք վերադարձած զաղ-
թականների պատմութիւնը, ուստի պատշաճաւոր եմ
համարում աղքատանոցի պատմութիւնը սկսել այն
օրից, երբ նա յանձնուել է իմ խնամքին, մանաւանդ

Եւստակիոսի Զոյի Ի նորամասը դունի Եւստակիոսի Դեզայ

*) Եյստեղ պէտք է յիշել պ. Գրիգոր Աւլանեանին, որի առ թշուա-
ներն ու աղքատներն ունեցած սէրը և հայրական շնորհակալութիւնը հիւ-
ցումն էր բերում իւրաքանչիւր փոքր ի շատ է կենդանի սիրտ ունեցող մար-
դուն: Քազայ այս և այն ընկերութիւնների այդ պատկառելի վետերանը իւր
հոգւոյ վերնութեամբ, իւր անդու գործունէութեամբ և անդադար հագ-
ցողութեամբը կատարեալ իրաւունք ունի Քազայ այստեղայան խեղճների
հայրը կոչուելու: Եւ նրան է դիմում իւրաքանչիւր կարօտեալը, նրան է ձեռք
մեկնում յուսալով, որ ինչպէս հայր՝ ձեռք մէջ քար չի դնի հացի փոխարէն
և ոչ օձ՝ ձկան փոխարէն: Քազու քողարում չկայ մի աղքատ, որին չճանաչէ
պ. Աւլանեանը և չկայ նրանցից մէկը, որ վայելած չլինի Գրիգոր Այսօր
բարիքը: Իւրաքանչիւր տարի Զորհնեաց և Զատիկ տօներին (որ սովորու-
թիւն է հարուստների կողմից օգնութիւն՝ դէպ չբարեբերը) հարիւրաւոր
սփռոցներ է նա կապում լեցուն ամեն տեսակ բարիքներով և այդ բոլորը
պատասխարում են անբաղկների և կարօտների համար: Այդ օրերին մինչ
չքեղաշուք կառքեր, ա՛յ ու ձախ պատասխիւք մերթ քնդ մերթ կանգ են առ-
նում այս և այն տան առաջ, մի ոչ այնքան ծերունի մարդ սև արխալուզով
չղխայով, գօտիով և մորթէ կզակով, այցելութիւններ է անում այս և այն
նկուրներում, խրճիթներում և զանազան նուէրներով ուրախացնում հարիւ-
րուոր որբերի և այրիների: Դա պ. Գրիգոր Աւլանեանն է—բնդհանուրի սի-
րելի Գրիգոր ապերը, (այժմ հանգուցեալ):

որ միայն այդ ժամանակամիջոցում տեղի ունեցաւ հայ գաղթականներէ հոսանքը դէպի Բագու և նրանց վերադարձը հայրենիք։

1893 թուականին, երբ նախկին հոգաբարձութիւնը դադարում է գործելուց, ընտրւում է դարձեալ հինգ հոգուց բաղկացած նոր հոգաբարձութիւն, որ և գործում է ոչ պակաս եռանդով. սակայն մի տարուց յետոյ, այսինքն 1894 թուականի վերջերին, հոգաբարձուներից մի երկուսը հրաժարումեն, մնացածներն էլ դադարում են գործելուց։ Ահա այդ իսկ թուականի ղեկտնմբեր ամսին, (իսկ ես այդ թուականի նոյեմբերին էի նորին Վեհափառութեան հրամանով տեղափոխուել Բագու) Չամախույ Հայոց վիճակաւոր առաջնորդ Սրբազան Մեսրոպ Արքեպիսկոպոսից ստանում մի գրութիւն № 380, որով նորին բարձր Սրբազնութիւնը հրամայում է ինձ նախագահել աղքատախնամ հոգաբարձութեանը։

Ինձ հետ իբրև գործակից զեր. Մեսրոպ Սրբազանի կողմից նշանակուած էր Ս. Լուսաւորիչ եկեղեցւոյ երէցփոխան պ. Ս. Յոնանեանը. իսկ մի երկու տարուց յետոյ նորա փոխարէն նորընտիր երէցփոխան պ. Համբարձում Մելիքեանը, որի հետ և միասին աշխատեցինք Աղքատանոցը բարեկարգել և պահպանել թէ եկեղեցւոյ հասոյթներով, թէ գանձանակադրամով և թէ կամաւոր նուէրներով։

Նկատելով, որ աղքատանոցում ապաստանել են և այնպիսի անձնաւորութիւններ, որոնց ոչ միայն

աղքատ լինելն էր կասկածաւոր, այլ և նրանց բարոյական կողմը, ոյժերի չափ աշխատեցի աղքատանոցը զերծ պահել այդպիսի անձնաւորութիւններից:

Եւ որովհետև այդտեղ արդէն մտածներին զժուար էր միանգամայն հեռացնելը, այլ և ի նկատի առնելով, որ այդ դրութեան մէջ արտաքսելով աւելի կ'մտնենան խորխորատին, ուստի սկսեցի զեռ խրատներ ու յորդորներ կարգալ. խնդրեցի որ հեռու կենան անմաքուր ճանապարհներից, սակայն հնար չ'եղաւ: Ապարդիւն էին անցնում թէ իմ խրատները և թէ իմ յորդորներն ու խնդիրները: Սկսեցի սպառնալ և արտաքսել. բայց դարձեալ գուր, դարձեալ ապարդիւն: Ճարահատեալ առաջարկեցի որ մի որոշ ժամանակամիջոցում իրանց համար տեղ գտնեն և թողնեն, որ Աղքատանոցը մնայ և ծառայէ իւր կոչմանը: Այս առաջարկութիւնն ևս չ'կամեցան քաղցրութեամբ ընդունել, այլ ընդհակառակը իրանց յանդգնութեանը սկսեցին հրապարակական ձև տալ: Այն ժամանակ ստիպուեցինք զիմել մարմնաւոր իշխանութեան ոյժին և դատարանի միջոցով միայն հետզհետէ կարողացանք Անմահ քահանայապետի օրինակը կրկնել. մաքրելով Տիրոջ անդնով շինած տունը՝ առազակներից, աղաւանդաւաններից, սեղանաւորներից, երբոյրորովիւ ոչ բարոյական անձիքներից, և տեղ տալ Փրկչի իսկական քոյրերին և եղբայրներին:

Այնուհետև ժողովուրդը նկատելով, որ Աղքատանոցում տեղաւորուել են իսկապէս օգնութեան և կա-

րեկցութեան արժանի թշուառներ, շէր զլանում օգնութեան ձեռք մեկնել, որի շնորհիւ և այդտեղ պատասպարուած խեղճերին պահպանեցինք մինչև 1896 թուականը, որից յետոյ սկսուեց Տաճկահայաստանից հալածուած հայ գաղթականների հոսանքը:

Իեռ մինչև այդ պէտք է ասել, որ մեծ քանակութեամբ ասորի ընտանիքներ իրանց հայ ձեռացնելով, բաւական ժամանակ տեղաւորուել էին Աղքատանոցում: Սակայն և թէպէտ դրանց Ասորի լինելը ուշ իմացանք, այնուամենայնիւ ամեն կերպ պահեցինք նրանց, կերակրեցինք և մերկութիւնը ծածկեցինք: Իսկ ի նկատի առնելով նրանց պորտաբոյժ բնաւորութիւնը, մանաւանդ նրանց առողջ և յաղթանդամ տղամարդկանց, որոնք ամենահեշտ պարագամուկներն անդամ մերժում էին. ի նկատի առնելով և աղքատանոցի կանոնադրութիւնը, որի զօրութեամբ իբաւունք ունէինք աղքատանոցում միմիայն հայ աղքատներ տեղաւորելու, ասորիներին ամեն կերպ ապահովելով, այլ և առատ ճանապարհածախս տալով, կարողացանք համոզեցնել վերագառնալ իրանց հայրենիքը:

1896 թուականի աշնան սկիզբներին երամ երամով հայ գաղթական ընտանիքներ մերկ, քաղցած և կիսաառողջ թափուեցին Քաղու և սկսեցին թափառել փողոցները «մի փշուր հաց, մի հին հալաւ» խնդրելով:

Մտերացկանութեան առաջն առնելու, այլ և այդ անբաղձների վիշտը փոքր ինչ ամօրելու՝ պ. Տ. Աե-

լիքեանը իբրև ազգու և աշխոյժ երէցփոխան և կարեկից դէպ թշուառներ, անսալով խնդրանացս, բարւոյր համարեցինք հասարակական ժողով կազմել և խնդրել հասարակութիւնից, որ այդ բոլորի համար մի հոգատար մասնաժողով ընտրէ:

Պ. Համբարձում Մելիքեան իւր կողմից ոչ մի ջանք չէր խնայում: Մեծ եռանդով նա նետուում էր ամենուրէք և բարութեամբ ու գթութեամբ լի ձեռք մեկնում ամեն մի թշուառի: Ամէն բոպէ բաղխումէին նրա զուռը և իւրաքանչիւր բաղխողի առաջ երբէք փակ չէր մնում: Տեղական իւրաքանչիւր հայ աղքատ գիտէր իւր սիրելի Համբարձումին, գիտէր նրա սիրտը և հոգին. ուստի և ժամանակ անժամանակ դիմումէր դէպի նա և դիմումէր բուռն հաւատով ու յոյսով: Մի շնչին նեղութիւն, մի շնչին պակասութիւն ճնշումէր հայ զաղթականին և անա նա համարձակ դիմում էր դէպի նա իւր մկրտած անունով Մելիք-Համբարձումեանին, և ի հարկէ առանց մխիթարութեան և առանց սփոփանքի չէր հեռանում նորանից:

Հայ հասարակութիւնն անսալով մեր խնդրին ընտրում է չորս անձինք. տիկ. Եղիսաբէթ Սարգսեանց, պ. պ. Ա. Կաճկաճեան, Յովհաննէս Աղամեանց և Ա. Կրասիլնիկեանց: Մարդասիրական ընկերութիւնն ևս որոշում է զրամական օժանկութիւն, այլ և հասարակութեան ընտրեած մասնաժողովին գործակից լինելու և բարեբարութեան գործն անելի առաջ տանելու համար իւր կողմից ևս ընտրում է եօթը անձինք — երկու տղա-

մարդ և հինգ կին: Ընտրուած տիկնայք՝ Աննուան Մաղաթեան, Եղիսարէթ Կրասիլնիկեան, Սովիա Աղամեան, Հեղինէ Աղամեան և Նատալիա Գատուականեան: Պ.պ. ներսէս Աբէլեանց. Գասպար Տեր Մարգարեանց: Իդէալից վեր եռանդով նուիրեցին իրանց այդ հիւծուած, կիսառողջ, մերկ և քաղցած գաղթականներին: Մոռացին նրանք իրանց տուն, տեղ. մոռացին մինչև իսկ իրանց կեանքի բոլոր ձևերն ու սովորութիւնները, ոմանք զաւակները թողեցին ալախիկների և հարեանների խնամքին և իրանք միշտ անդադար մերթ աղքատանոցն էին բարեկարգում, մերթ այս և այն դուռն էին բազխում և թշուառ գաղթականի համար հաց, օգնութիւն գոչում: Իրանք քննոյշ կեանքի բոլոր պայմաններով մեծացած, անբաղդ գաղթականի դառնաղէտ դրութեան առաջ մոռացան ամենայն ինչ: Գեանքը նրանց համար այլ պատկեր ստացաւ: Եւ դուք միշտ կ'տեսնէիք նրանց աղքատանոցում, գաղթականների կողքին, անձամբ բուժելիս նորանց վերքերը, սփոփելիս այրուած, խորովուած սրտերը, սրբելիս աչքերի արտասուքը և մօր, քրոջ նման՝ սիրտ, մխիթարութիւն ներշնչելիս: Գերակուրը երբեմն իրանք էին պատրաստում, իրանք օգնում նրանց մաքրուելու, լուացուելու և տանջուած տոչորուած մարմիններին հանգիստ շնորհելու:

Իսկական բանաստեղծի ձեռք է հարկաւոր նկարագրելու այդ վեհանձն տիկիկները սրտի խորքերը: Մայր էին նրանք այդ մաշուած անբաղդների համար

93-746



ՏԱԿԱՀԱՅ ԳԱՂՔԱԿԱՆՆԵՐ ԲԱԳՒՈՒՄ.

Дозволено Цензурою 4 Мая 1902 года, Тифлисъ.

Типогр. Я. Г. Гюльбасарова, Бану.



մայր՝ բառիս իսկական նշանակութեամբ: Քոյրեր էին—սրտակից քրոջ սրտի բոլոր գօրովով խանդով ու եռանդով:

Աննաման էր տիկին Աննամանի անձնւիրութիւնը, որին մինչև իսկ գործի մէջ ուժասպառ լինելուն ակա- նատես եմ եղել:

Մի օր, համաձայն իմ սովորութեան, առաւօ- տեան ժամասացութիւնից յետոյ շտապեցի աղքա- տանոց և ինչ.—տիկին Աննաման Մաղաթեան արդէն այնտեղ, գլուխ էր անցել օրուայ ճաշի և սխտոյք- ների կարգադրութեան: Նա խոհանոցում գոգնոցը կապած, դանակը ձեռին հաց էր կտտորում և կերա- կուրների համար այս և այն մթերքները կանոնաւո- րում: Նրա մատներից մի քանիսը փաթաթուած էին: Եւ իմ հարցին թէ ինչ է պատահել իւր մատների հետ, նա ժպտալով պատասխանեց.—սովորում եմ, տէր հայր, սովորում եմ. այս ոչինչ. շատ հաց կտտո- րելուց և ձեռներս այսպէս գործի անսովոր լինելուց, կաշին պոկուել է. բայց այս բոլորը մի մազի չափ նշանակութիւն ունին իմ հազարաւոր քոյրերի և եղ- բայրների վէրքերի հետ համեմատելով:

Իայց ինչո՞ւ այդ բոլորը ծառաներին չէք յանձ- նում, հարցրի ես:

Իմ հարազատները հեծեծում են հազարաւոր վէր- քերի և վշտերի տակ, և որ գլխաւորն է դեռ քաղցը լիովին չեն յապեցրել. հաց են ուզում, տէր հայր, դեռ հաց, ես ինչպէս համբերեմ և ձեռս ի ծոց նստիմ:

Մոյն խօսքերն էին կրկնում և տիկնայք Սարգսեանց, Կրասիլնիկեանց և զրեթէ Բագուայ բոլոր տիկինները:

Եւ եթէ տիկին Մաղաթեան օրուայ այդ պահուն ճաշի հոգացողութիւնն էր կրում, այդ իսկ ըսպէին անշուշտ տիկնայք Ալամեան, Կրասիլնիկեան, Թումայեանց Մելիքեան և այլք ղեռ շլուացուած, նրանց համար ուպիտակեղէն ու այլ զանազան հագուստներ էին կարում. իսկ տիկնայք Սարգսեանց, Պատուականեանց և ուրիշները այս ու այն դռներն էին բաղխում, օգնութիւն, բժշկութիւն խնդրում:

Այստեղ յիշենք, որ միշտ դովելի եռանդով բժիշկներ պ. պ. Աղամիրզեան և Զալեան բացի կարևոր օգնութիւնները հասցնելուց ամենայն օր և զրեթէ օրուայ ընթացքում մի քանի անգամ յաճախել են աղքատանոցը, այցելել նորա բոլոր բնակիչներին և հիւանդների համար մանրամասն կարգադրութիւններն արել:

Գաղթականների համար այդքան մխիթարիչ հոգացողութիւնները տեւցին մինչև ամառուայ սկիզբները, որից յետոյ մասնաժողովի անդամները շոգերի պատճառով ցրուեցին դէպի զանազան ամարանոցներ և աղքատանոցը իւր հարիւրաւոր բնակիչներով հանդերձ մնաց իմ խնամքին:

Ամառուայ տօթերին և քաղաքում ժողովրդի բացակայութեան միջոցին, որքան էլ ծանր լինէր իմ զրութիւնը, այնուամենայնիւ ամէն ջանք գործ դնե-

լով, ամենքին էլ պահպանեցի մինչև աշուն և ապա ընկերակիցներիս հետ մինչև 1897 թուի հոկտեմբերը, որից հետոյ տաճկահայեաստանից դարձեալ սկսեցին խումբ խումբ գաղթականներ թափուիլ Բագու:

Նորեկները մօտ 250 հոգի, ամէնքն էլ առանց բացառութեան մերկ էին, բոբիկ և մեծ մասը քաղցածութիւնից, անվերջ տառապանքից և առաւել կեդտի տակ ճընշուելուց, հիւանդ և կիսառողջ: Իսկ կանանց և մանուկների մեծ մասը միանգամայն անտէր և անխնամ:

Այնուհետև աղքատանոցի բնակիչների ընդհանուր թիւը հասաւ 500-ի,

Հոգսերի այսքան բարդութիւնը մի կողմից, աղքատաց խնամատարութեան գործի տակաւին կազմակերպուած շլիինելը միւս կողմից, այլ և հասարակութեան տուած օգնութիւնը առհասարակ պատահական բնաւորութիւն ունենալով, անհրաժեշտ կարիք էր զգացուում, որ մարդասիրական ընկերութեան խորհուրդը իւր խնամքի տակ առնէր վերոյիշեալ թըշուառներին՝ նրանց մի մասը աղքատանոցում տեղաւորելով, միւս մասը ընկերութեան շինութեան ներքնահարկում: Այլ և աշխատէր հայրենիք վերադառնալ ցանկացողներին տալ ճանապարհածախս. իսկ մնացածներից գործի ընդունակների համար որոնել պատշաճաւոր պարապմունք, հիւանդների համար դէղօրայք, մերկերին հագուստ, քաղցածներին հաց:*)

*) Տիկին Եղիսարէթ Սարգսեանն առաջարկեց մասնաժողովին Արքաբաղից գորգեր հիւսող մի կին բերել, որպէս զի այդ արհեստը նա սովորաց-

Այս կարիքները լրացնելու համար ընկերութեան խորհուրդը անհրաժեշտ համարեց մի յատուկ մասնաժողով ընտրել: Եւ ընտրուեցին 18 անձինք. տիկնայք՝ Եղիսաբէթ Կրասիլնիկեանց, Մարիամ Մելիքեանց, Նեկտարինէ թումանեանց, Թամար Կանկանեանց, Մարգարիտ Կանկանեանց, Սոփիա թումայեանց, Նատալիա Պատուականեանց, Սաթենիկ Արտէմեանց և Շուշանիկ Տէր-Մարգարեանց. և պարոնայք՝ Համբարձում Մելիքեանց, Աստուածատուր Կանկանեանց, Յովհաննէս Աղամեանց, բժիշկ Աղամիրզեանց, բժիշկ Զալեանց, Արշակ Թումայեան, Ներսէս Արէլեանց, Գասպար Տէր-Մարգարեանց և Աստուածատուր Գալստեանց: Վերջինս վարում էր և մասնաժողովի քարտուղարի պաշտօնը:

Սոյն մասնաժողովի անդամները՝ տիկնայք և պարոնայք մեծ սիրով յանձն առան զանազան հոգսեր տանելու. ոմանք ճաշի, ոմանք հագուստեղենի, ոմանք աշխատեցին գաղթականների համար յարմար պարապմունքներ որոնել: Եւ այս բոլորն անում է սիրով և անխոնջ եռանդով:

18 հոգուց բաղկացաց սոյն մասնաժողովը իրանց ստանձնած գործերը վարում էին մասնակցութեամբ մի շարք կողմնակի տիկիներին և օրիորդներին, այլ և դարձեալ իմ նախագահութեամբ:

Նէ գաղթական կանանց. Սյո առաջարկութիւնը մասնաժողովի կողմից ընդունուեց մեծ սիրով: Վարպետ կինը եկաւ ոստայններ կանգնացրին և զօրծն սկսուեց ու մեծ աջողութեամբ առաջ գնաց, սակայն ցաւ ՚ի սիրտ գաղթական կանանց ձեռով սկսած առաջին գորգը կիսատ մնաց, վասն զի այդ մի շոցին ստացուեց հոյրենիք վերադառնալու բաձրագոյն հրամանը:

Կարճ ժամանակամիջոցում ամէն ինչ կարգի մտաւ: Հիւանդներին տրուեց մաքուր հագուստ և անկողիններ, ամենայն օր կազդուրիչ կերակուր, բժշկական հսկողութիւն և ամենայն տեսակ հարկաւոր դեղօրեայք: Իսկ առհասարակ բոլոր մեքիկերը լիովին ծածկուեցին յարմար հագուստներով և ցրտերի դէմ պատսպարուեցին աղքատանոցի մաքուր և տաք սենեակներում:*)

Հայրենիք վերադարձան միմիայն 31 հոգի: Եւ դրանք վերադարձան ապահովուած՝ թէ ամեն տեսակ հագուստներով և թէ դրամական բաւարար պաշարով: Մնացածներին մի քանիսին կարողացանք զանազան պարապմունք յանձնել. իսկ մեծ մասը՝ թւով չորս հարիւր հոգի մնացին մասնաժողովի խնամքին, որոնք և միշտ լաւ կերակրուել և հանգիստ ապրել են մինչև 1898 թուականի Մայիս ամիսը—այսինքն մինչև բազուից հայրենիք վերադառնալու օրը:

Եւ երբ բարձրագոյն հրամանն ստացուեց, որ տաճկահայ զաղթականները, Ռուսաց պետութեան մէջ ուր և գտանուամեն, պէտքէ մի տարուայ ընթացքում

*) Վեհափառ հայրապետ բազու գտնուած միջոցին մասնաժողովի բոլոր անգամները ներկայացան նորին ս. Օծուիթեան և արժանացան Հայրապետական օրհնութեան: Երբ Վեհափառին պատմեցի կանանց գործունէութեան մասին, ծերունագարդ հայրապետը խորին հրճուանքով լսելուց յետոյ դարձաւ ինձ ու ասաց. «Ասիկա բոլոր դուռն սովորացրե՞լիս:—Ոչ, վեհափառ Տէր, ասացի, այս բոլորը անկեղծ սրտերից բղխած են, որ սովորացնելու հարկ չկար: Հա՛, աւելացրեց Հայրապետը, ասոնք զթութեան քոյրերու դեր կ'հատարեն ապա դարձաւ տիկիներին, օրհնեա՛լ ըլլաք, այն ատեն երբ տիրութիւնը զիս կ'ձնչէ, ձեր այսպիսի օգնութիւն տեսնելով կ'մխիթարուիմ, հա՛, շատ կ'մխիթարուիմ: Ապա նորից օրհնեց Վեհափառ Հայրիկը և ամենքը ուրախ սրտով հեռացան.

վերադառնան իրանց տեղերը, սկսուեց նոր հոգացողութիւններ, վասն զի այդ անբաղղների համար հարկաւոր էր ճանապարհածախս, դրամական պաշար, բժշկութիւն և մինչև հայրենիք՝ ամայի ճանապարհների բնթացքում օրինաւոր հսկողութիւն:

Վեհափառ Հայրապետի բարեհաճութեամբ և իմ ցանկութեամբ, մի կողմից էլ Մելիքեանի խրախոյս յորդորանքով, հսկողութիւնը ես յանձն առի և խօստացայ նրանց ուղեկցել մինչև իրանց բնակավայրերը—Վան:

Այժմ մնում էր այդ անբաղղներին նիւթապես ևս ապահովացնել և հաւ այս անգամ քաղաքիս ոստիկանապէտ իշխան Վոլկոնսկին, որ մի առանձին սէր և գութ էր տածում զէպի այդ հիւժուած թշուառները պ. Յ. Մելիքեանի հետ ամենաեռանդով նետուեցին այս ու այն կողմը և կարճ ժամանակում ժողովեցին մի պատկառելի գումար, որով հոգացուեց ոչ միայն գաղթականների լիառատ ճանապարհածախսը, այլ և այդ գումարի մի մասը որոշուեց բաժանել նրանց՝ հայրենիք հասած ժամանակ, որպէս զի հնար ունենան առ ժամանակ խոսպանացած օջաղները վերականգնել և գէթ մի լերկ պատսպարան շինել բնութեան պատուհասների դէմ:

Իշխան Վոլկոնսկու և պ. Համբարձում Մելիքեանի աշխատանքն այս դէպքում՝ յաւիտենական օրինակ պիտի լինի թէ մեր ունեւորների և թէ ներկայ ու գալոց սերնդների համար—Օրինակ առ աղքատն և առ հայրենագուրկ թշուառն ունեցած սիրոյ և խղճի զգացմանց:

Հ Ա Յ Գ Ա Ղ Թ Ա Կ Ա Ն Ն Ե Ր Ի

Վ Ե Ր Ա Դ Ա Ր Զ Ը :

Մայիսի 24-ն էր Գարնանային գեղեցիկ օրերից մէկը: Երկինքը պարզ էր ինչպէս փրփուկայ: Արևելեան հորիզոնը շառագունել էր և ջերմ արեգակը պատրաստվում էր քանի ըոպէից սփռել ճառագայթները և խուրձ խուրձ յանձնել կասպից ծովի խաղաղ ալիքներին:

Օրուայ այդ պահուն Բագուայ աղքատանոցը խորին իրարանցման մէջ էր: Նրա բոլոր բնակիչները ոտքի վերայ էին: Կեանքն ամէն անկիւնում եռում էր, սակայն սրտերում ծփող զգացմունքներն բոլորովին այլ էին: Աղքատանոցի բնակիչներից նրանք, որոնք Ռուսիոյ հպատակ էին, զարթել էին ճանապարհ ձգելու իրանց արիւնակից եղբայրներին, որոնք տարագիր դարձած, հայրենիքից այստեղ գալով, նորից հայրենիք էին վերադառնում:

Գողթական. — այս անունն էին կրում նրանք, այս անունով էին խօսում նրանց մասին: Գառն ճակատագիրը այդ բաժինն էր հանել նրանց համար:

Թրից, կրակից ազատելու համար շտապեցին դէպի մեզ, տուն, հանգստութիւն որոնելու և ահա այստեղից ստիպւած են ևս հեռանալ. նորից ճաշակել ճանապարհորդութեան բոլոր դառնութիւնները և գնալ հայրենիք, փնտռել մոխրացած տուն, տեղ, փլատակ ու աւեր դարձած գիւղ, աւան.

Աղքատանոցի ամբողջ բակը սրտառուչ տեսարանէր ներկայացնում այդ օրը: «Մնաս բարե» ները արտասանում էին լացով, հեկեկանքով: Այստեղ ու այնտեղ կոյտ կոյտ թափուել էին գաղթականների իրերը, որոնք բաղկացած էին հնացած հագուստներից ու կիսամաշ անկողիններից:

Այդ ժամանակ մենք պ. Հ. Մելիքեանի հետ այդտեղ էինք:

Արևն արդէն դուրս էր եկել գիշերայն հանգրուանից, Քապուն արդէն ժպտում էր նրա պայծառ շողերի տակ, երբ աղքատանոցից սկսուեց գաղթականների ընթացքը, որ նմանում էին տարագիր կռուակների իրամներին:

Առջևից գնում էին սայլեր, բեռնաւորուած գաղթականների իրերով, նրանց ետևից ընթանում էին իրանք գաղթականները: Գնում էին նրանք լուռ, տխուր մերթ մերթ արտասուք գլորելով և սրտի խորքերից ալեխարշ հառաչներ դուրս ցայտելով:

— Ոչ խաչակիրների նման Երուսաղէմ էին փնտռում նրանք, ոչ իսրայելացւոյ նման աւետեաց երկիր էին գոչում: Գէպի հայրենիք, դէպի քաղցր վա-

Թան, դէպ իրանց սրբազան որրան: Մակայն ինչ պիտի տեսնեն, ինչ պիտի գգուին, ո՛ւր պիտի ապաստանեն. այդ մտքերն ու այդպիսի խոկմունքները դառնագոյն թախիծով վարագուրել են նրանց դէմքերը և զնում են նրանք մրրկապատ և յոյժ տըրտմալից:

Տխուր տպաւորութիւն էին թողնում նրանք ամեն մի անցաւորի վերայ: Այդպիսի ըոպէներում, այդպիսի անբաղոութեան առաջ մարդս բնագզմամբ որոշում է իւր երջանկութիւնն ու իւր բաղդը:

Եւ յիրաւի Բագւայ փողոցներում իւրաքանչիւր անցորդ առանց կրօնի և ազգի խտրութեան, այդ անբաղդների երամին նայելով, ըոպէաբար սուզում է պէս պէս մտածմունքների մէջ և ակամայից առնում է գտակը. մեկնում դեպի նրանց ու «բարի ճանապարհ» մաղթում, այո՛, միայն «բարիճանապարհ»:

Իսկ «բարի ճանապարհը» անցկացնելուց յետոյ թէ՛ մոխրակոյտ դարձած հայրենիքը մտնելով ինչօր, ինչ կեանք պիտի տեսնեն այդ խեղճները, այդ իրանք գիտեն և այդ միմիայն իրանք են երեւեկայում ու իրանք սարսափում:

Պ. Համբարձում Մեկիքեանի բարեխիղճ հոգատարութեամբ թէ՛ ապրանքատար զնացքներից մէկը, բազմաթիւ վագոններով արդէն պատրաստ կանգնած էր երկաթուղու կայարանում և թէ՛ դրամական պատկառելի ճանապարհածախսի գումարը: Այդտեղ էր և Բագւայ ոստիկանապէտ ազնւաշուք իշխան Վօլկոնսկիյ:

իւր օգնականով և մի շարք ոստիկաններով: Այդտեղ էր և ժանդարմերի խումբը իւր գլխաւոր սպայով: Այդտեղ էր և մեր ծերունագարդ Աստուածատուր Կաճկաճեանը, որը նոյնպէս մեծ երախտիք ունի դէպ զաղթականները իւր եռանդուն գործունէութեամբ և բարեսիրտ բնուորութեամբ: ցաւ ի սիրտ այդտեղ չէին մեր մասնաժողովի անդամներից շատերը, որոնց բացակայութիւնը ի հարկէ նկատուում էր: Կայարան հասնելուն պէս զաղթականները խաժամուժ աղմուկով, սաստիկ իրարանցման մէջ ընկած, նետուում էին դէպի վազոնները: Ամէն մէկը վաղօրօք կամենում էր յարմարուիլ իւր տեղում: Կարծես վազոններն էին այդ անբաղձների վերջին սպաստարանը. կարծես տարիներով օթեան պիտի դառնան նրանց համար, որ ոչ հրաման և ոչ մի խօսք չ'լսելով, աղմուկով, գոռում գոչումով թափուում էին ներս:

Ճշմարիտն ասած այդպիսի խառնաշփոթութիւնը այդպիսի իրարանցումը, որոնք տեղի էին ունենում դեռ ոստիկանապետի, ոստիկանների և ժանդարմերի հսկողութեան տակ. փոքր ինչ իմ մտքերը երեքման ենթարկեց, խուլ, անմարդաբնակ ճանապարհներում կարգ պահպանելու մասին: Այսու ամենայնիւ աներկբայ չէի, որ երկաթուղուց դուրս, բնութեան հանդարտ գրկում նրանք կ'խաղաղուին և տեղի չեն տալ այդպիսի իրարանցման:

Ինձ հետ իբրև ուղեկիցներ միացել էին աղքատանոցի կառավարիչ Յովհաննէս Յովակիմեան՝ երե-

ւանցի և պ. Մելիքեանի գործակատար Սմբատ Տէր-Վարդանեան մեր զազախեցի: Վերջինիս վաղօրօք ուղարկել էի Աղստաֆա, որպէս զի նա այնտեղ կանխօրէն վարձէ ֆուրգօններ, այլև մեծացնէ հացի և ուտելեաց պաշարեղէնը: Յովհաննիսին ուղեւորեցի գաղթականների հետ, իսկ ես մի քանի կարևոր գործերի պատճառով մեկնեցի հետևեալ օրը,

Գնացքը շարժուելու ժամը հասաւ: Զանգակի խորհրդաւոր ղողանջիւնը թնդացրեց Գաղթականների սրտերը, որոնք գնացքը շարժուելուն պէս օդը դղրդացրին «Մնաք բարեւ» և «Կեցցէ Բազմն խօսքերով:

Վիթխարի վիշապի պէս թնդագին գողոցով, վաղօրդեան օդը ճեղքելով, գնացքն առաջ սլացաւ և հարիւրաւոր գաղթականների «բարևներն ու կեցցէները» մնացին իբրև խաղալիք մայիսեան քաղցրաշունչ զեփիւռներին:

Երկու օրից յետոյ հասանք Աղստաֆա: Երեկոյ էր. կայարանի կառավարչից խնդրեցի մի իջևան գիշերելու համար, սակայն նա առարկելով, որ յարմար իջևան չկայ այսքան գաղթականների համար, ուստի և որոշուեց այդ գիշեր վագոններում անցկացնելու: Այդպէս էլ արինք: Առաւօտեան ժամը 8-ին նախաճաշ տուի ամէնքին, ճշտեցի ընդհանուր թիւը, ապա սրատուերեցի, որ իւրաքանչիւր ոք որոշէ իւր իրերը որպէս զի հնար լինի ամէնքը մի նշանակած ֆուրգոնում տեղաւորելու: Ֆուրգոնչիների հետ պայմանա-

ւորուած էինք իւրաքանչիւր ֆուրգոնում 20 հոգի և 50 պուզ իրերտեղաւորելու,

Վագոններից դուրս գալու և իրերի հետ ֆուրգոնները թափուելու իրարանցումը աննկարագրելի էր: Օդը դղրդում էր այդ աղմուկներից, նետոււմ էի այս և այն կողմը, մերթ խնդրում աղաչում, մերթ հրամայում բարկանում, սակայն հազիւ հազ էի կարողանում հանդարտացնել նրանց: Այդ բոլորը ես նախազգում էի և դորա համար նախընթաց օրը, երեկոյեան պահուն զնացել էի Ղազախ քաղաքը, որ ընկած է Աղստաֆայից իննը վերստ հեռաւորութեան վերայ: Այդտեղ զիմեցի գաւառապետին իմ վաղածանօթ պ. Վանշելիին, որպէս զի ոստիկաններ նշանակի կարգ պահպանելու համար: Նա ասեց որ այդ կարգադրութիւնն արել է, բայց ցաւ ի սիրտ վերագառնալով Աղստաֆա, մենք շհանդիպեցանք ոչ մի ոստիկանի և կարգը պահպանելու համար դարձեալ մեզ էր մնում:

Իսկ ոստիկանապետը, որ չէր եկել կարգապահելու, ստացաւ խիստ նկատողութիւն, գաւառապետի կողմից,

Մենք վարձել էինք 23 ֆուրգոն, բայց այդ միջոցին բաթումից Աղստաֆա հասան 40 հոգի ևս գաղթականներ, որոնց նոյնպէս յանձն առանք ուղեկցելու մինչև հայրենիք և միացնելով նրանց մեր խմբի հետ ստիպուեցանք երկու ֆուրգոն ևս վարձել, ձեռպահտէ աղմուկը դադարեց: Ամէն մէկն ար-

դէն տեղաւորուել էր և կուշտ ու հանգիստ նստել էր իւր տեղը: Այդ ժամանակ որոշեցի քսան հոգի ընտրել իբրանցից իբրև իմ օգնականներ կարգը պահպանելու համար: Եւ որպէսզի նրանցից իւրաքանչիւրը կարողանայ հեշտութեամբ օգնել գործին, ամէնքի համար էլ որոշեցի այն գաւառացիները, որոնց պատկանում են և իրանք: 'Այսպէս Վանեցիների համար Վանեցիներ, Մշեցիների համար—Մշեցիներ և այլն:

Յովհաննիսին կանխօրէն ուղարկեցի Քարվանսարայ իջևանը ուտելեաց պատրաստութիւն տեսնելու: Եւ ապա սկսուեց փուրգոնների ընթացքը: 23 փուրգոն շարէշար գնումէին և իրանց մէջ տանում հարիւրաւոր հայրենագուրկ անբաղղներ: Տեսարան էր: Մարդկութեան բաժին դարձած հազար տեսակ հանդէսներից մէկը:

Միասին են ծնւում շարն ու բարին, միասին և լացն ու ուրախութիւնը և մեր երիտասարդ զրոյի սոյն գեղեցիկ խօսքերից, 25 ֆուրգոնում գետեղած 500 անբաղղների համար բնութիւնը միայն լացն է որոշել ճակատագիրը յարատև կռիւ շարութեան դէմ: Եւ ահա սոյն այս ընթացքը բնութեան պճնուած գրկում մարդկութեան բիւրաւոր վերքերից մէկնէր շօշափուում:

Առջևի ֆուրգոնի վերայ գնում էր Սմբատը, իսկ վերջի ֆուրգոնում աղբատանոցի ծառայ Արշակն (Ղազախեցի), որ իւր պարթև հասակով, յաղթանդամ տեսքով ու անյողողող ոյժով մեծ օգնութիւն էր հասցնում ընդհանուր կարգապահութեան:

Մնացեալ ֆուրգոններում իւրաքանչիւրի մէջ մէկն էր գտանւում այն քսան ընտրեալից, որոնց մասին յիշեցինք սկզբում: Յովհաննէսի կիինն էլ, որ ուզեկցում էր մեզ մինչև Երևան, գլխութեան քրոջ դեր էր կատարում, հասնելով ամէն մի հառաչողին, օգնելով հիւանդին, և իւրաքանչիւր տկարին:

Մօտենալով Քարվանսարային, ես շտապեցի առաջ, գիշերվայ օթեան պատրաստելու: Այստեղ պահապանների գլխաւորին խնդրեցի թոյլ տալ զազթականներին գիշերելու բանտարկեալների իջևանում, որ խնդիրս չ'մերժեց և իսկոյն հրամայեց բանալ իջևանի դռները և մաքրել բոլոր սենեակները: Իսկ Բագալ Ղազումեանցը խնդրեց որ մի մասը իւր քարվանսարայում գետեղուի, մնացեալներին էլ ուրիշ բնակարաններում:

Ֆուրգոնները ուշ հասան: Երեկոյեան ժամի 9-էր: Յորդառատ անձրեք ողողում էր սար ու ձոր: Պ. Բագալը հային յատուկ հիւրասիրութեամբ իւր հօրեղբայր Գրիգորի նման առանձին սէր տածելով դէպ իւրաքանչիւր թշուառը ամէն կերպ աշխատեց հեշտացնել ճանապարհորդ գազթականների դրութիւնը:

Գիշերը անցկացնելուց յետոյ, առաւօտեան շարունակեցինք ճանապարհը: Այժմ այլևս իրարանցում չ'կար. որովհետև իւրաքանչիւրն արդէն ճանաչումէր իւր ֆուրգոնը և առանց շփոթուելու, առանց շտապելու գնում տեղաւորւում էր:

Անձրեային գիշերը տեղի էր տուել պարզ ժրպ.

տալից օրուան: Մայիսեան անձրևի կաթիլները անհամար աղամանդների պէս ծածկել էին դաշտ, անտառ, հովիտ ու մարմանդ: Իսկ արև ճաճանչների տակ ամբողջ բնութիւնը վառւում էր կանաչ գմբուղտի նման:

Փուրզոնները ճանապարհուեցին. իսկ ես մի գործով մօտ երկու ժամ ուշացայ:

Ճանապարհին՝ իմ բացակայութեան ժամանակ մի փոքր միջնադէպ է տեղի ունենում, որը որքան էլ անախորժէր, այնու ամենայնիւ անխուսափելի:

Գաղթականները հասնելով «Մօլլա-դայայ»ի կոչւած տեղը, որ ութ վերտ հեռու է Քարվանսարայից, հանդիպում են դէպի լեռները շուող թուրքերի խմբերին, որոնք իրանց հօտերով և հարիւրաւոր շներով բռնում են գրեթէ ամբողջ ճանապարհը և շատ անգամ անանցնելի դարձնում ճանապարհորդների համար:

Այսպիսի խմբերի արանքներով պիտի անցնէին և գաղթականների ֆուրզոնները: Թուրքերի շները սկսում են յարձակուիլ յետիոտս գնացողների վերայ և նրանք պաշտպանուելու համար քարեր են նետում արիւնածարաւ գազանի նման շներին: Իսկ թուրքերից շատերը աւելի են խրախուսում այդ գազաններից: Գաղթականներից արձակած քարերից մէկը դիպչում է շներին խրախուսող թուրքերից մէկին, որ իւր կողմից չէ զլանում քարեր թափել դէպի գաղթականները: Նրա հետ միանում են ուրիշ շատ թուրքեր և ապա ժողովումնն այդտեղ գտնուած բոլոր

չւողները և միահամուռ ոյժով քարեր են նետում գաղ-
թականներին: Վերջիններս թափում են ֆուրզոննե-
րից և քարերի հեղեղով փախցնում են թուրքերին:

Այդ դէպքից յետոյ ես ուղևորուեցի իջևանից և
շտապեցի հասնել ֆուրզոնների խմբին: Նոյն տեղը
իմ ճանապարհս բռնեցին թուրքերը և գանգատուե-
ցին հայերի իբր թէ անիրաւ վարմուկքի մասին և
ցոյց տուին մի ծերունի և մի պառաւ կին մահճի
մէջ ընկած, որոնց որպէս թէ կիսամահ են դարձրել
գաղթականները: Հանգստացնելով նրանց, խօսք տա-
լով մեղաւորին պատժել, ճանապարհը շարունակեցի,
ապա փոքր տեղ անցնելով յետ նայեցի և տեսայ,
որ մահճում փաթաթուած իբր թէ կիսամահ եղած
պառաւն ու ծերունին ուրախ խօսելով բարձրանում
են դէպի մօտակայ բլուրը: Ես այնուհետե հասկացայ
թուրքերի խաբէբայութիւնը: Սակայն նրանք դրանով
չվերջացրին: Լեռնականին, այնէլ կիսավայրենի լեռ-
նականին յատուկ անզգամութեամբ մի թուրք կին
շտապումէ ճանապարհներին ժամանակաւոր հսկողու-
թեան նշանակուած կողակների գլխաւորին յայտնել,
որ ֆուրզոններով աւագակների խմբեր են արշաւում,
որոնք և կեղեքել ու թալանել են իրանց: Միամիտ
կողակն էլ հաւատ բնծայելով խաբէբայ կնոջը, կանգ-
նեցնում է ֆուրզոններին գանազան հարց ու փորձ
անելու: Այդ միջոցին վրայ հասայ, կանչեցի կողակին,
յայտնեցի, որ ինքն իւրաւունք չ'տայ մի լեռնական
կնոջ անիրաւ խօսքով հարիւրաւոր ճանապարհորդ-

ների անհանգստացնել: Այլ և աւելացրի թէ՛ եթէ ինքն այդքան միամիտաբար հաւատումէ նրա ասածներին, թող դնայ և ուր որ հարկնէ հաղորդէ: Իսկ ճանապարհորդներին առաջ դնալու արդելք լինել իրաւունք չունի: Կոզակն իհարկէ թողեց, հեռացաւ իսկ եւ նրանից յետոյ գաղթականներին դարձեալ կրկնեցի իմ խրատները առարկելով, որ այդպիսի անախորժութիւնները միշտ արգելք կըլինին առաջ գնալու. ուստի պէտքէ զգոյշ լինել և խուսափիլ այդպիսի դէպքերից: Թուրքերի այդ թափառական խմբերն էլ որ ընկած են մինչև Դիլիջան. այնուհետև ճանապարհն արձակէ և յոյս կայ, որ ոչ մի այլ անախորժ դէպք չի կարող տեղի ունենալ:

Սակայն որքան էլ ճնշուած էին այս տարագիր անբաղդները, որքան էլ հալածական էին դարձել կեանքի անողորհ հալածանքների առաջ, այսու ամենայնիւ երևան էին գալիս մերթ ընդ մերթ իրար դէմ ունեցած ծանր ատելութիւն, մինչև իսկ թշնամութիւն, որոնց դէմ ստիպուած էի կռուիլ, առաջն առնել, կարելոյն շափ հասկացնել իրանց զրուժիւնը և ցոյց տալ այն վտանգաւոր ուղին՝ որ դէպ անդունդնէ տանում և թէ կ'զոլորուին նրա մէջ, եթէ այդպէս շարունակեն և միշտ լարուած յարաբերութիւնների մէջ մնան:

Նրանց վատ վարմունքներից մէկը հէնց այն իսկ միջոցին տեղի ունեցաւ, երբ արդէն մի կերպ հեռացրէլ էի մալորուած կոզակին:— Գաղթական մի կին

Ֆուրգոնից իջնելով, մազերը փետելով, վազում էր գէպի մօտակայ գետակը և անդադար գոռում. «ես ինձ ջուրը պիտի նետեմ, որ ազատուիմ իմ մարդուց, նա ինձ ծեծումէ, սպանումէ»:

Եւ իսկապէս նա մօտեցել էր ջրին, որ մեր քաջարի Արշակը հասաւ, բռնեց ձեռներից՝ ու հասցրեց ինձ:

Իմ հարցին թէ «ինչո՞ւնես այդպիսի յիմարութիւններ անում». նա կրկնումէ միևնոյնը. թէ ամուսինը ծեծումէ և նեղացնում է իրան,

Ստուգելով իմացայ, որ յիրաւի անիրաւ մարդը ծեծելիս է եղել խեղճ կնոջը: Կանչեցի այդ մարդուն խրատներ և սպառնալիքներ թափեցի գլխին: Սակայն փոքր ժամանակից յետոյ տեսայ որ ծծկեր երախան առած այդ մարդը իջնումէ ֆուրգոնից:

Հարցնումեմ «ո՞ւր», պատասխանում է թէ ինքն անկարող է իւր կնոջ հետ շարունակել ճանապարհ ուտի կամենում է վերադառնալ Բագու: Ուրիշ հնար չ'գտայ սորան խրատելու, անմահ Փրկչի խարազանն օրինակ առի ինձ և կառապանի մտրակն առնելով մի քանի անգամ հասցրի այդ համառին, որից յետոյ նա հեզացաւ, խոնարհուեց և շարունակեց ճանապարհը:

Բաթումից եկող գաղթականները, որոնց համար, ինչպէս յիշեցինք, վարձուած էր երկու ֆուրգոն, երկու օրով ուշացան Աղստաֆայում: Իսկ մեր գաղթականները հետ հասնելով Թարսաշայ, ամէներին տեղաւորեցի, հանգստութիւն տուի սակայն ես մնացի ան-

հանգիստ՝ վարանման մէջ. որովհետև մեր ընթացքի
և իմ կարգադրութեան համաձայն, այդ երկու ֆուր-
գոններն էլ պէտքէ մօտեցած լինէին, բայց նրանք
չէին երևում: Սմբատին Թարսաշայից յետ էի ուղար-
կել մինչև Մօլլա-Ղայի կոչուած տեղը, որպէս զի
ճանապարհին նրանց հետ էլ մի անախորժութիւն
չ'պատահի, նա էլ լուր բերաւ, որ Ուզունթալայից
եկող ճանապարհորդները շեն տեսել երկու ֆուրգոն-
ներին:

Մեր գաղթականներին Թարսաշայում ամէն կերպ
հանգստացնելուց յետոյ ձանապարհ ձգեցի զէպի Դի-
լիջան իսկ ինքս երկու ֆուրգոնների համար հօգսով
անհանգիստ առաջ անցայ, որպէսզի գաղթականների
համար բնակարաններ վարձեմ և այնտեղից հեռագիր
ուղարկեմ Ղազարիս երկու ֆուրգոնների մասին տեղե-
կանալու:

Խճուղների կառավարչից հեռագրիս պատասխան
տտացայ թէ մեծ հեղեղի շնորհիւ խճուղու վերայ քն-
կած կամուրջը փլուեց և այդ պատճառով երկու
ֆուրգոնները ուշացան: Նոյն իսկ օրն առաւօտեան
նրանք ճանապարհուելով, երեկոյեան ժամը 9-ին հա-
սան Դիլիջան: Նրանց պատմելով, իրանք մեծ վտան-
գից են ազատուել: Այնպէս որ իրանց ֆուրգոնները
մի քանի քայլ շ'մօտեցած կամրջին, կանգն առնու
ճանապարհների (գաստավայի) պահապանների շնոր-
հիւ, որովհետև կարկտախառն հեղեղից, որ այդ միջո-
ցին թափուելիս է եղել, նրանք երկիւղ են ունեցել,

ուստի և մարդասիրաբար շտապել են ազատելու այդ խեղճերին: Եւ իսկապէս երբ ֆուրգոնները կանգ են առնում, քանի ըսպէ չ'անցած, գաղթականները տեսնումեն, որ ջրերի ահագին զանկուածները փլումեն կամուրջը և բաւական տեղ գլորում առաջ:

Ուրախութիւնս մեծ էր: Ինձ թուաց որպէս թէ Աստուած հրաշքով փրկելէ այդ 40 հոգուն և ուղարկելէ ինձ: Նրանց ևս միւսների հետ հանգստացնելով ու կուշտ կերակրելով, առաւօտեան մի ֆուրգոն ճանապարհ ձգեցի դէպի Ղարս—Արզրում, իսկ քսան և չորս ֆուրգոն դեպի Երևան: Յովհաննիսին առաւօտեան ճանապարհել էի դեպի Ելինովկա. ինքսէլ գաղթականների թիւը նորից ճշտելով, բոլորին ֆուրգոններում տեղաւորեցի և ճանապարհ ձգեցի նախ Սիմնովկայ, դէպ ուր ես առաջ ընթացայ և աւելի շուտով այստեղ հասայ: Ապա եկան գաղթականները, որոնց բաւական հանգստութիւն տալուց ճանապարհեցի Ելինովկայ, ուր և դարձեալ ես առաջ գնացի՝ իջևանելու համար կարևոր հրահանգներ տալու:

Իջևանելով Ելինովկայում ճանապարհի վերահսկիչ Եարալեանցի մօտ, որ իմ ազգականսէր, իմացայ որ նոյն անդն է գտնւում և նոր-Քայազետի գաւառապետ իշխան Չերքեզովը. իմ ուրախութիւնս կրկնապատկեց: Իշխան Չերքեզովը—Ղաղախի գաւառապետի նախկին օգնականը իմ մօտիկ ծանօթս էր, առ որ յոյս տածեցի կարևոր դէպքում օգնելու ինձ: Եւ ես չ'սխալուեցի: Յովհաննէսը վաղօրօք այդեղ գալով,

արդէն պատմել էր նրան գաղթականների, իմ առաջ-
նորդութեամբ, գալու մասին. Իշխանն արդէն վաղօրօք
լսած լինելով այդ, համաձայն իւր մարդասէր և վեհ
հոգւոյն, պատուիրել էր մալականներին կարևոր
պիտոյքները հասցնել և ամէն ինչ որ կարելի էր
շնորհով: Սիրալիր ողջոյններից յետոյ, գաղթական-
ների մասին ամփոփ տեղեկութիւններ տալուց, իշ-
խան Չերքեզովը յայտնեց, որ ինքն ամէն ինչ արդէն
յարմարեցրել է: Գաղթականների համար հացէր հար-
կաւոր և որովհետև մի հացթուխ անկարող էր մի
օրուայ ընթացքում մեզ հարիւր պուղ հաց հասցնել,
ուստի Իշխանի հրամանով Ելինովկայի տանուտէրը
կարգադրեց ամբողջ գիւղում, որ իւրաքանչիւր տուն
մէկ կամ երկու պուղ հաց պատրաստի միւս օրուայ
համար, իհարկէ վճարը լիովին ստանալու պայմանով:
Գաղթականներին գիշերելու համար էլ հրամայուեց
պատրաստել դատապարտեալների համար շինուած
իջևանի սենեակները: Այդ օրը երեկոյեան անեղ որո-
տումները դըրդացին, կայծակը փայլատակեց սար ու
ձոր և հժկու հեղեղը սառնաշունչ քամու հետ ողողեց
ամբողջ բնութիւնը: Թախիծը նորից պատեց ինձ:
Տխուր, շուարած կանգնում էի դրսում, հայեացքս
առնում մերթ դէպ ամպամած երկինք և մերթ դէպ
խճուղին, որտեղով պիտի գային գաղթականների
Քուրգոնները: Զանազան մտքեր պաշարել էին ինձ:
Ի՞նչ եղան արդեօք, թրջուեցին, նեղացան, ինչևիցէ,
անվերջ վարանման մէջ երկու ժամ անցկացնելուց

յետ, վերջապէս երևաց ֆուրզոնների ընթացքը: Սրտատրոփ դիմաւորեցի նրանց և ահա ճիշ, ազադակ, բարկութիւն, ցասումն, մինչև իսկ անէծք թափուելին շուրջս: Ճշմարիտն ասած զարմանքն ինձ պատեց: Ինքս կիսով չափ ցեխի մէջ կորած, մինչև ոսկոր թրջուած: Սակայն այդ բոլորը մոռացած նրանց էի նուիրուել, նրանց հանգստութեան համար էի աշխատում, իսկ իրանք մոռացած հայրենիքում կրած դառն տանջանքները, սառնամանիքներում անցկացրած օրերն ու ամիսները, ապառաժների ու մացառների մէջ կրած շարշարանքները, այսօր ամեն տեսակ բարիք վայելելուց յետ, մի երկու ժամուայ անձրևից նեղանալով այդքան յուզուել և վրդովուել էին: Մարդիկ, որքան անյագուրդէք, աւելի քան նոյն իսկ անտառաբնակ առիւծը:

Մալականները 90 պուդ հաց հասցրին, իսկ ես որոշեցի, որ զաղթականները ամբօղջ օրը այդտեղ մնան, որպէսզի օրուայ յոգնածութիւնից և երեկոյեան կրած նեղութիւնից կապուելուին: 2^{րդ} նայած, որ ֆուրզոնչիները մի օր աւելորդ կորցնելով անվերջ տրտնջում էին, այնուամենայնիւ ՚ի նկատի առնելով ՚իւանդներին, պառաւ կանանց, որոնց օրուայ հանգստութիւնը անհրաժեշտ էր, հաստատ մնացի իմ որոշման մէջ, ֆուրզոնչիներին էլ բաւականացրի մի օրուայ ծախք ևս տալով: Այդ օրը փառաւոր ճաշ տուի ամենքին, ապա դիմեցի մէկին, միւսին, սիրտ տուի, խրախուսեցի և հասցրի բաւական ուրախ

տրամագրութեան: Այդ իսկ օրը հեռագիր ուղարկեցի
պ. Խորէն Խրիմեանին, որ խոնարհաբար յայտնէ
Վէհափառ Հայրապետին թէ երկու օրից յետոյ (500)
հինգ հարիւր գաղթականների հետ Ս. Էջմիածնումս
կ'լինիմ: Իսկ միւս օրն առաւօտեան խորին շնորհա-
կալութիւն յայտնելով գաւառապետ Իշխան Չերքեզ-
վին, ճանապարհների վերահսկիչ պ. Եզոր (իմ ազ-
գական) Եարալեանցին, ճանապարհեցիք դէպի Էյլար:

Արեւն իւր ճաճանչներով ոսկեգօծել էր Գեղամայ
լեռների դազաթները և դեռ նոր էր պատրաստվում
անցնել իւր քնարանը, երբ մենք հասանք Էյլար
իջևանը: Գաղթականներին տեղաւորեցի այդ իջևանի
մօտ գտնուող մի ընդարձակ քարվանսարայում: Միւս
օրը Մախի 31-ին ճանապարհ ընկանք դէպի Ս. Էջ-
միածին: Եւ որովհետեւ Երևանի միջով պիտի անցնէ-
ինք, ի նկատի առնելով, որ այտեղ քաղաքում գաղ-
թականներից կարող են ցրուել ու կորչիլ, այդ պատ-
ճառով ես առաջ շտապեցի և բռնեցի Ս. Էջմիածին
տանող ճանապարհի սկիզբը ու երբ Ֆուրգոնները
հասան այդտեղ, այդտեղից ուղղակի քշել տուի դէպի
«Աւարդարի» բաղը, որտեղ կարգադրեցի փոքր ինչ
հանգիստ առնել, ապա ճանապարհը շարունակել Ս.
Էջմիածին: Այդ միջոցին մի քանիսները յանդգնեցին
քաղաք վազել, իբր թէ կարևոր պիտոյքներ ձեռք
բերելու, մի քանի հոգի էլ գնացին բարեկամների
այցելութեան. վերջապէս դրանց ժողովելով ուղևորու-
եցի դէպի Ս. Էջմիածին, որոնցից առաջ ինքս շտապեցի:

իմ հեռագիրս ստանալով, այդ օրը Ս. Էջմիածնում
ճաշէին պատրաստել բոլոր գաղթականների համար:
Ժամը 1-ին հասայ Մայր Աթոռ:

Վեհափառ Հայրիկին իմ գնալն յայտնելով,
հրամայեց արժանացնել ինձ իւր տեսութեան:

Որքան էլ բազմ էի ունեցել ներկայանալու Հա-
յաստանեայց եկեղեցւոյ Վեհափառ Պետին, բայց պաշ-
տելի Հայրիկի տեսնելու ցանկութիւնը ամեն ընդէ-
վանէր իմ մէջ և այդ օրը բուն իղձերով մտայ նո-
րին Սուրբ Օծութեան սենեակը, ծունկ շորեցի, յայտ-
նեցի իմ խոնարհ անձնուիրութեան հաւաստիքը և
ապա հազորդեցի գաղթականների մասին կարևոր
տեղեկութիւնները:

Հայոց ժողովրդի սրտակից Հայրը խանդավառ հո-
գով օրհնեց Բազւայ բարեպաշտ հայերին, բուն
շնորհակալիք յայտնեց ամենքին, ապա իւր Վեհ օրհ-
նութեան արժանացնելով նուաստիս դարձաւ ու ասաց
«Լաւ պաշտօն ես յանձն առեր, Տէր Արգար, կ'օրհնեմ
զքեզ, թող Ամենակալ Աստուած ուղեկից ըլլայ քեզ
անվտանգ հասնել և անփորձ վերադառնալ: Իրաւ է,
մեծ բեռես յանձն առեր, նեղութիւնը շատ է, վասն
զի ես լաւ գիտեմ թէ որչափ մեծ տանջանք է հար-
կաւոր այդ հիւժուած խեղճերուն կառավարելու,
բայց մեծ ալ մխիթարութիւն կ'բերես ինչպէս անօնց,
այնպէս ալ ինձ և իւրաքանչիւր քրիստոնէի: Ես ալ
բեռդ փոքր ինչ պէտքէ մեծացնեմ, կ'յուստմ, որ կը-
նաս տանել, Էջմիածին ալ գաղթականներ կան,

անոնց ալ պէտքէ տանէս, ինչ ընեմ, անոնց ալ այս-
քան վիճակուած է, կրնայ ըլլալ, որ օր մընալ այդ
վիճակ կ'փոխուի, հա՛, աշխարհիս երեսին ամէն ինչ
փոփոխական է»:

Պ. Յովհաննէսն ու Սմբատն էլ ևս բազմ ունե-
ցան ներկայանալ Ազգիս Սրբազնասուրբ Հայրապե-
տին և արժանանալ նորա Վեհ օրհնութեան:

Վեհարանից դուրս եկանք, արդէն ժամի 2-ն էր.
Փուրզոնները հասել, կանգ էին առել Ղազարապատի
դռան մօտ: Փողովուրդն իջաւ այդտեղ, իջեցրին և
բոլոր իրերը, որոնց առնելով տարան, տեղաւորեցին
իրանց համար արդէն պատրաստուած օթեանում:

Ինչպէս յիշեցի, ճաշն արդէն պատրաստ էր: Կա-
նայք և երեխայք ճաշելու նստեցին մեծ սեղանա-
տանը իսկ տղամարդիք ներսի սեղանատանը: Փա-
ռաւոր ճաշը կուշտ վայելելուց յետոյ, ամենքին առայ,
ինքս անձամբ տարայ և տեղաւորեցի արդէն պատ-
րաստուած, լայն ընդարձակ բնակարանում:

Վեհափառ Հայրապետի հրամանով մեր գաղթա-
կանների համար պատրաստուած էր 90 պուղ շոր
հաց, այդ ՚ի հարկէ բաւական չէր, ուստի աչքի առաջ
ուսենալով այն ճանապարհը, որ ընկած է դէպի
Վան որ հաստատ չ'գիտէինք թէ ուրիշ ինչ տեղից
կարելի էր հաց ձեռք բերել, վճռեցի Յովհաննիսի
հետ գնալ Երևան և 120 պուղ հացէլ այնտեղ պա-
տուիրել:

Երևանում այդ պատուէրը կարգադրելուց յետոյ

վերադարձայ Ս. Էջմիածին: Ազատ ժամերս նուիրեցի Մայր Աթոռի այս և այն նշանաւոր անկիւններն այցելելուն: Էջմիածին, որ յաւէրժակականգուն կաղնիի պէս կանգնած է Մասիսի կրծքին, իւր ստուերում զետեղելով աշխարհասփիւռ գաւակների սրտերը, ձրգում, քաշում է դէպ իրան, իւրաքանչիւր Հայի հոգին: Եւ ես, շնայեամ, որ մի քանի տասնեակ անգամ բողբ եմ ունեցել այցելել Հայութեան պարծանք Ս. Էջմիածնին և միշտ համբուրել Հայաստանի Մեծ Լուսաորշի ձեռով կերտած տաճարի քարերը, Հայի նախնեաց արիւնով ներկուած սուրբ վայրերը, սակայն տակաւին անյսօգ, տակաւին ծարաւ, նոյն սիրով, նոյն տենչով, նոյն իղձերով, նոյն հաւատով ու յուսով դիմումեմ առ Ս. Էջմիածին: Մայր տաճարին, իմ համբոյրները, նորա սրբակերտ քարերին տալուց յետոյ դիմեցի նորակառոյց թանգարանը, որ կանգնել է Վեհափառ Հայրիկ, իւր աշալուրջ հսկողութեամբ: Վասպուրականի Արծուին, Տարոնոյ Արծուիկը, Վարագ. Ս. Կարապետ պայծառացնելով, զարգարելով, Հայոց երկրի խաւար անկիւններին լոյս սփռելով, անկարող էր անտարբեր մնալ և Մայր Աթոռ.—Ս. Էջմիածնում: Հայրիկը, շինարար Հայրիկը իւր անմահ նախնեաց յիշատակարանները մացառներից, առապարներից դէպի հարթը, դէպի լոյսը տանելուց, ուրիշ հոգս չէ ունեցած և Ս. Էջմիածնայ նորակառոյց թանգարանը, որի հոյակապ կանգման նա այնքան նուիրուած է, ասածիս պերճ ապացոյցներից մէկն է:

Եւ ես Հայրիկի կանգնած այդ նոր կոթողի ներսումն էի, դիտում էի քաջ և սուրբ հարանց յիշատակարանները, մտքերի մէջ սուզուած՝ անցնում, սաւառնում էի հեռու հեռու անցեալներ, հայրենի մարած, բայց տակաւին կրակոտ օջախներ, գեղածիծաղ օրեր, ժպտալից փառքի ստուերներ. յանկարծ այդ միջոցին ներս մտաւ Սուրբ Հայրապետը—Հայոց ժողովրդի սրտակից Հայրը: Այդ իւր սովորութիւնն էր, որ ճաշից յետոյ միշտ այտտեղ էր հանգստանում: Խոհերը ծփում էին Սիգապանտ ճակատին, Տիտանեան կրծքի տակ հագարաւոր զգացմունքներով ալեկոծուած սրտի արտայայտութիւնը կարդացուում էր արծուանիշ աչքի մէջ: Կեանքի հոսանքներն, իրաւ է, ակօսներ է ձգել նուիրական դեմքին, սակայն բիւրաւոր իղձերն ու փափազները տակաւին պահպանել են հոգւոյ արիութիւն:

Այո՛, վիշտը, հագարաւոր գաւակների լացն ու արտասուքը ճնշել են նորան, բայց այդ բոլորի նահանջի յոյսը, այդ բոլորի փայլուն պսակի առնելու տէնչն է, որ տակաւին պահպանել են և պահպանում են նրա հայրագործով սիրտը:

Հայրիկ, ո՛հ, Հայրիկ,
Քո քաղցր անուան
Լինիմ ես զուրբան.
Սիրեմ այն հողը
Որ ծնաւ քեզ պէս
Հրեշտակ պահապան:

Բանաստեղծի սոյն խոսքերը ակամայից մրմնջումէի նրան տեսնելով և իմ խորին պատկառանքն արտայայտելով կամեցայ դուրս գնալ, սակայն նանշան արեց որ մնամ: Նստեց Հայրիկն իւր սովորական աթոռի վերայ, կանչեց ինձ իւր մօտ ու մի քանի հարցերից յետոյ ասաց. «Էջմիածին եկերէք, կ'տեսնամ, որ սրտագին հաւատով կ'երկրպագես Հայոց նախնեաց ձեռով կերտած սուրբ քարերը, սուրբ տաճարներ. բայց այժմ երբ կ'ուղեւորուիս դէպի այդ իսկ նախնեաց որրան, դէպի անոնց ծննդավայր, կ'պատուիրեմ դքեզ հոնալ այցելել բոլոր սրբավայրեր. Լիմ, Կտուց անապատ, մեր Վարազայ վանք.— ախ, Վարագ, Վարագ. օր մընալ տեսնեմ զքեզ, քո քաղցր ջուր խմեմ, քո անոյշ օդ ծծեմ. . . . ախ, ալ չ'պիտի կրնամ, հա՛, ատոնց կարօտով գերեզման պիտի իջնեմ: Կ'գնաս, Դու, Տէր Արգար, կ'տեսնես այն ծաղկաւէտ դաշտէր, այն դալար հովիտներ, սարեր, ձորեր, անոնք բոլորն ալ թէպէտ անմուռնչ, բայց քեզի շատ բան կ'պատմէն. վասն զի անոնց իւրաքանչիւր անկիւն, նախնեաց արիւնով ու արցունքով է լուացուած»: Նա լռեց և իւր խօսքը ծրարեց, մի խոր հառաչում, ապա բարձրացաւ տեղից ու յայտնեց, որ պէտքէ Ս. Գայանէի վանքը գնայ նախատօնակի հանդէս կատարելու: Օծեալ Հայրիկը հրամայեց նուաստիս հետեիլ իրան:

Նա գնում էր գլխակոր, լուռ, մտախոհ և մերթ ընդ մերթ հառաչները Մասիսի հովերին յաձնելով:

Քանդարանից դուրս գալուց՝ անցաւ լճի ափը. թողեց դէպի Գայանէ տանող ուղիղ ճանապարհը և մտաւ Գայանէի պարտէզը, սէգ քայլերն ուղղեց առաջ, նորաբողբոջ ծառերի արանքով:

Ինչո՞ւ նա ուղիղ ճանապարհից շեղուեց, ինչո՞ւ անցաւ այդ ծառերի արանքները, այդ հասկացայ ես իսկոյն: Ուղիղ ճանապարհի վերայ ընկած էին հարիւրաւոր գաղթականներ: Ամենքն էլ մաշող կարոտով սպասումէին անձկալի Հայրիկի աջը համբուրելու — գուցէ վերջին անգամ նրա քաղցրալի ձայնը լսել, որ, ո՞վ գիտէ, էլ երբ պիտի տեսնեն, էլ երբ պիտի համբուրեն նրա Օծեալ աջը և էլ երբ պիտի ականջ զնեն նրա գորովալից խօսքերին: Մակայն սրտագորով Հայրը այլ ևս չի կարողանում հանդուրժել տերեւսփիւռ դարձաց որդւոյ հեկեկանքներին: Նա, որ իւրաքանչիւր վայրկեան քաղցրէ համարել նրանց հետ լինել, նրանց սիրով ուրախանալ, նրանց խօսքերով հրճուիլ, իսկ այժմ այժմ, ո՞հ, մարդկային սրտերը դիտողդ Աստուած, Գու միայն կարողես տեսնել այն սև ալիքները, որ ծփումեն գորովով և կորովով զեղուն սրտի մէջ: Եւ գիտէր Հայոց Հայրիկը, որ բացի լացից, արտասուքից, հառաչից այլ ոչինչ չ'պիտի տեսնէր և գիտէր, որ մի ծանր կասարէ սիւն ևս պիտի աւելացնէր վշտամօրմոք սրտի վրայ ուստի և հեռացաւ ուղիղ ճանապարհից և մտաւ բնութեան լուռ, անդորր գիրքը. որ կարծէս Փրկչի նման կամենումէր մենաւորութեան մէջ աղօթէլ և խնդրել երկն-

քի և երկրի Գահակալին, որ յիշէ նրանց և անցցէ այդքան դառն բաժակը նրանցից: Սակայն գաղթականներն ըստ սամարացւոյն կարողացան հասնել նրան և վազելով մինչև Վանք բռնեցին նրա ճանապարհը: Ո՛հ, իմ գրիշին այլ ևս անգօր է նկարակրել այդ տեսարանը: Հայրիկ, գոչում էին նրանք. Հայրիկ աղաղակում և ամեն որ ճիգ թափում գէթ նրա փնշերը համբուրել: Ուրուրից փախչոխ ճնճողակներէ նման կարծես ամէնքնէլ ծուարուել էին ցանկանում նրա Հայրախնամ թեքի տակ:

Հայրիկ հաց, Հայրիկ ջուր, Հայրիկ հալաւ, ոտնաման, ճանապարհի ծախս, աման Հայրիկ, պահիր մեզ, գթա՛, ով Հայրիկ, մերկենք, բոբիկ ենք Նարեկացու ձիրքէ հարկաւոր նկարագրել Հայրիկի սիրտը: Նա կանգնած՝ մերթ հայեացքն առնում էր երկնքին, մեշթ իւր շուրջն նայում, աչքերը ադիլճեր գարձնում, կաթ կաթ շիթերը թօշնած այտերն ուռգում, նա յետ նայեց.— հեռուում Մասիսն էր կանգնած, մուսյուտ դէմքով, ալէծուփ, չալմաներով, Ս. էջմիածինն էր ընկած նրա ստորստում և իւր շուրջը Լուսաւորչի տարագիր գաւակները, որ «Յգնութիւն, օգնութիւն», էին աղաղակում:

Աչքերից հոսող դառնալից կայրակները, գետին գլորելով, դարձաւ նրանց ու ասաց. «Ամէն հոգացողութիւն յանձնուածէ Տէր Աբգարին, նա ձեզի կ'գոհացնէ»: Իսկ ես հրաման առնելով Վեհից յայտնեցի, նախ՝ դրանք ստացելեն ամեն մի կարևոր հագուստե

դէնը. իսկ նրանք որոնք որևէ պակասութիւն ունին, անձամբ կ'հսկեմ և բոլորին էլ լիովին բաւարարութիւն կ'տամ:

Նախատօնակից յետոյ Վեհափառը վերադարձաւ վեհարան, այս անգամ գաղթականներից այլևս նեղութիւն չ'կրելով: Իսկապէս մտնելով Հայոց Հայրապետի դրութիւնը, տեսնումես, որ անշափ ծանր է: Բազու քաղաքում, հազարաւոր ժողովուրդի մէջ 17 հոգուց բաղկացած մասնաժողովը հազիւ էր կարողանում բաւարարութիւն տալ 500 գաղթականների, հապա երևակայեցէք թէ որքան ծանր և որքան դժուար է մի վանքի ստուերում կառավարել հազարաւոր գաղթականների, Այսուամենայնիւ պաշտելի Հայրիկը իրան յատուկ եռանդով բաւարարութիւն է տուել բոլորին, ծուարել է իւր թեւերի տակ և պահպանել սրտացաւ Հօր խնամքով:

Հետևեալ առաւօտեան ֆուրգոններն արդէն կազմու պատրաստէին: Ամէնքին հաց բաժանեցի և երբ թիւը նորից ճշտեցի, տեսայ որ մի ծերունի, որ վաղուց միտումէր փախչելու, չկայ: Նա դեռ Ելինովկայումն էր կամենում իւր այդ դիտաւորութիւնը իրագործել, բայց Փըրկչական խարազանի ոյժը երբ հա տեսել էր, ջերմեռանդ երզումով խոստացել էր, այլ ևս այդպիսի յիմարութիւն չ'անել, այնուամենայնիւ նա մեզ խաբեց:

Յունիսի 2-ն էր: Արարատեան չքնաղ առաւօտներից մէկը: Օդը բուրում էր լի ամենայն քաղցրու-

Թեամբ: Մասիսի գլխի շալման բարձրացրել էր մինչև եթեր: Կարծես կամենում էր դիտել իւր անբաղդ որդւոց և բաց ճակատով նրանց ողջ երթ մաղթել: Բայց երբ ֆուրգոնները շարժուեցին և գաղթականներն սկսեցին իրանց ընթացքը, Մասիսը մռայլուեց և ամպի վէտ վէտ զանգուածները ծանրացան նրա գլխին: Գաղթականներից ոմանք մնացին Ս. էջմիածնում միւս օրը դուրս գալու դիտաւորութեամբ: Պատճառը ֆուրգոնների պակասութիւնն էր իսկ մեր գաղթականները օղը թնդացնելով «կեցցէ էջմիածին, կեցցէ Հայրիկ, կեցցէ Բագուա Հայեր», ճանապարհ ընկան դէպի Մասիսի միւս երեսը:

Ես Յովհաննիսի հետ դնացի Վեհափառի մօտ, հայցել նորա սուրբ օրհնութիւնը, որ զօրաւիզն լինի մեզ այսքան ծանր լուծը տանելու: Չորքած եմ Հայրիկի առաջ, կամենում եմ խօսել, բայց արտասուքը խեղդում էին և ազի կաթիլները թափւում Վեհի ոտներին: Ի՞նչ բնազդումն էր արդեօք, որ թախիծը ծփում էր իմ սրտիս մէջ . . . Օրհնեց Վեհափառ Հայրապետը, խրախուսեց, սիրտ տուաւ և յանձնեց ինձ սրբատաւ Կոնդակը, որ գետեղումենք գրքիս եօթներորդ երեսում: Նորից իմ համբոյրներ հեղեղելով Ս. Հայրապետի աջոյն, դուրս եկայ Վեհաբանից և դիմեցի դէպի Մայր տաճար: Չորեցի Սուրբ Միածնի Իջման տեղոյն առաջ, խնայ, գոչեցի, Ամենակալ խնայ, օգնիր ինձ, ոյժ, զօրութիւն տուր, որ ծանր պարտքս կատարեմ, ինձ յանձնուած հօտը անվտանգ տեղ



О. РЕНДЪ.

ՏԱՃԿԱՀԱՅ ԳԱՂԹԱԿԱՆՆԵՐ ԲԱԳՒՈՒՄ.

Дозволено Цензурою 4 Мая 1902 года, Тифлисъ.

Типогр. Я. Г. Гюльбасарова, Бану.

հասցնեմ և անփորձ վեռադառնամ դէպի բազմանդամ ընտանիքիս, որ շուարած ինձ են ակնկալում: Ապա հրաժեշտ տալով Գերապատիւ և արժանապատիւ հայրերին գուրս եկանք ճաշարանից պ. Խորէն Խրիմեանի հետ, որ ուղեկցեց մեզ մինչև Ղազարապատ և կարօտակէզ համբուրիւ մեզ բարի ճանապարհ մաղթեց:

Յունիսի 5-ին ֆուրգոնները հասան Մարգարայ կոչուած փոստային իջևանը: Այգտեղ մենք կառք վարձեցինք և առաջ գնացինք, որպէսզի վաղօրօք պատրաստութիւններ տեսնենք:

Ժամը 4-ին մեր կառքը հասաւ Իգդիր և վանդ առաւ Հայոց եկեղեցւոյ գռան առաջ: Հարցրի տեղական քահանայի մասին, որովհետև նրա մօտ պէտք է իջած լինէր արժ. Սիօն վարդապետը, որ եկել էր այդտեղ Վեհափառ Հայրապետի հրամանով մի քանի պատրաստութիւններ տեսնելու: Այդ միջոցին այգտեղ մօտեցաւ մի երիտասարդ հայ և թախանձանօք խնդրեց, որ իւր մօտ իջնեմ: Հայի հիւրասիրութիւնը ինձ յայտնի էր, բայց պարոնի առաջարկութիւնը չ'կարողացայ ընդունել նախ քան Սիօն Հայր սուրբին տեսնելը: Հայր սուրբի հետ տեսնուեցանք և նա յայտնեց, որ միակ յարմար իջևանը ուսումնարանի շինութիւնն է, որը փակ դռներով ընկած էր եկեղեցւոյ բակում: Եւ Հայր սուրբի հետ գնացինք դէպի այդ շինութիւնը, որպէս զի նախ քան ֆուրգոններ դալը ինչ որ հար-

կաւոր է կարգի բերենք: Այդտեղ մինչ մենք դիտուք էինք սենեակները, նոյն երիտասարդը, որի անունը Սուրէն էր, կանգնեց մեր առաջ և սկսեց իւր տուն գնալու թախանձանքները: Աբրահամու, Իսահակայ և Յակովբայ կենակցութիւնը դեռ պահպանուած է հայի սրտում: Ճանապարհորդի առաջ իւր վրանի դռները բանալը, իւր քրտընքի պտղից բաժին հանելը իւրաքանչիւր հայի նուիրական սկզբունքն է: Եւ Սուրէնը նոյն ոգւով տողորուած խնդրում էր մեզ, յոգնած ճանապարհորդների. իւր վրանի տակ հանգչիլ և յագնալ այն սփռոցից, որ ստացել է նա բոլոր բարիքների ստեղծողից: Այժմ նա խնդրում էր գնալ իւր մօտ ոչ միայն մեզ, այլ և Հայր սուրբին: Սրտի խորին բերկրութեամբ դարձայ նրան ու ասացի «եղբայր, մենք քահանայ ենք և մենք ձանձրութիւն տալ միայն կարողենք մեր զինակիցներին, չ'նայած որ ես շատ ուրախ կ'լինէի եթէ այստեղ հիւրանոց լինէր. այն ժամանակ ձանձրութիւն չէի պատճառիլ ոչ մէկին և ոչ միւսին»:

— Նախ՝ մեր տունը քահանայի տունէ, ասաց Սուրէնը, երկրորդ՝ քահանան իբրև հայր անխնտիւր պիտի մտնէ ամէնքի տունը, իսկ հօր ներկայութիւնը երբէք ձանձրութիւն չի բերիլ և ոչ մէկին:

Մենք համաձայնուեցինք հիւրասէր հայի հետ և Հայր սուրբի հետ միասին ուսումնարանի սենեակները կարգի բերելուց, դիմեցինք դէպի Սուրէնի տունը: Այդտեղ էր և գործակալ քահանան և մի

նորընծայ և տեղական բոլոր քահանաները, որոնք միշտ վայելում էին երիտասարդի առատ սեղանը և օրհնում այգպիսի ընտանիքները, որոնք հանդիսանում են իբրև օրհնեալ շառաւիղներ, օրհնեալ նահապետներ:

Երեկոյեան ժամը 7-ին ֆուրգոնները եկան: Նրա մէջ եկող ժողովրդին տեղաւորեցինք՝ ումանց ուսումնարանի սենեակներում, ումանց դալարապատ բակում: Ճշմարիտ է երէցփոխան Եփրէմը փոքր ինչ գոհ չէր որ կանաչ մարմանդի խոտերը կոխկրտում էին, այնուամենայնիւ նա էլ չէր զլանում իւր օգնութիւնը հասցնել:

Հետեւեալ առաւօտեան մեզ մօտ եկան Իգդիրի տանուտէրը, երէցփոխանը և երկու պատուաւոր անձինք և յայտնեցին, որ իրանց հասարակութիւնը կամենումէ ճաշ տալ բոլոր գաղթականներին՝ որոնց թիւը 800-ի է հասնում: Ճաշն առատ էր և ամէն ինչ համսձայն Իգդիրի ժողովուրդի բարեպաշտ ոգւոյն: Առհասարակ այգպիսի հիւրասիրութիւնները առանձին ոգևորութիւն էին բերում գաղթականներին և նրանք չափազանց գոհ մնացին Իգդիրի ամբողջ հասարակութիւնից. սակայն ցաւ ՚ի սիրտ մի անախորժ դէպք ծանրացրեց բոլոր տպաւորութեանը և դէպի հեղինակը, ամաչելով պիտի ասեմ որ մի քահանայ էր: Չեռքին խաչ և աւետարան բռնողը, անշուշտ պիտի հասկանայ թէ ինչպիսի լուծ է առնում իւր ուսերին: Աստուծոյ և մարդկանց մէջ միջնորդի դեր ստանձնողը

ոչ միայն արտաքինով պիտի ճանաչէ մարդկանց, այլ գլխաւորապէս պիտի իմանայ նրա սիրտը և նրա հոգին: Սակայն Իգգիբրի քահանան ուրիշ տեսակ է հասկացել ժողովրդին: Նրա կարծիքով աղքատութեան մէջ խրուողը իսպառ կորցնում է և հոգու վեհութիւնը և պատուասիրութիւնը: Այլ կերպ նրա կարծիքով աղքատի հետ կարելի է վարուիլ ինչպէս գրաստի հետ: Եւ այդ սկզբունքով տողորուած քահանան մտնում է գաղթականների մօտ և զանազան խոսակցութիւններով զգուեցնում նրանց:

Նա ի միջի այլոց հարցնում է թէ չկայ մէկը նրանց մէջ, որ պսակուել կամ նշանուել կամենայ և աւելացնում է թէ՛ եթէ կամեցողներ կան՝ ինքը պատրաստ է և կարող է իսկոյն պսակել:

Այդ առաջարկութիւնից՝ ոգևորուած չորս երիտասարդ յայտնում են, որ իրանք վաղուց նշանուել են այս և այն աղջկայ հետ և պսակուելու յարմար առիթ էին սրտնում, ուրեմն եթէ քահանան առանց արգելառիթ հանգամանքի կ'պսակէ իրանց, իրանք պատրաստ են:

Քահանան նորից պնդում է իւր պատրաստակա-
նութիւնը:

Երիտասարդներն ուրախացած այս առաջարկու-
թիւնից, շտապում են իրանց վաղեմի ուխտը կա-
տարել: Նշանուած աղջկերքը հանում են այդ օրուան
յարմար մի կերպ ձեռք բերած քօղերը, զարդարում
և ամէն մէկը իւր փեսացուի հետ, շրջապատուած

խաչ եղբօր և ազգականների հետ, գիմուճ են եկեղեցի։ Սակայն ինչ։ Պսակել խոստացող քահանան այդտեղ չէր։ Նա մի կատակ է, որ արել է այդ անբաղձների գլխին։ Ամենքն էլ կատաղումեն։ Կատակ անել կարելի է, սակայն պատուախնդիր հայր որքան էլ ազքատ լինի, երբէք թոյլ չի տալ, որ կատակ անեն այն բոլորի հետ, որոնց նա սուրբ է համարում։ Ուրեմն չի կարելի կատակ անել և պսակի խորհրդի հետ, քանի որ դա հայի սրբութիւններից մէկն է։

Այդ պատճառով սաստիկ յուզուած գաղթականները գրոհ են տալիս դէպի քահանայի տունը, կամենալով դուրս քաշել նրան և խաղալիք շինել իրանց բռունցքներին։

Աղմուկը լսելով, Սիօն հայր սուրբի հետ շտապով վազեցինք դէպի եկեղեցի և գործի էութիւնն իմանալով, մի կերպ հանգստացրինք նրանց. յայտնելով թէ կ'հեռագրենք Վեհափառին և քահանան կ'պատժուի։

Մենք հանդարտացրինք ժողովրդին, սակայն մեր սրտերը չէին հանդարտում. երբ տեսանք խեղճ ազգիկները համեստագոյն քողով ծայկուած, շօշափուած պատուասիրութեամբ, արտասուք էին թափում և անիծում քահանային, եկեղեցուց դուրս գալով դէպի բնակարանը։

Փնօք տուի Արարչին, որ այսպիսի դառն փորձանքից էլ ազատուեցինք։

Միւս օրը Սիօն հայր սուրբի, տեղական բարեկարգչի և Յովհաննիսի հետ դնացի Գաւառապետ պ.

Քլապալաւսկի մօտ: Հայր սուրբը ողջունեց Հայրապետի կողմից, յայտնեց մեր խնդիրը և ասաց, որ Ս, Հայրապետն էլ յոյս է տածել ղէպ նա, որ անշուշտ չի խնայիլ իւր օգնութիւնը: Պ. Գաւառապետը մեծ սիրով ընդունելով մեզ, նախ խնդրեց Հայր սուրբին, որ իւր խոնարհ յարգանաց յաւաստիքը յայտն է նորին Վեհափառութեան, ապա աւելացրեց, որ մեզ առաջնորդելու համար ինքը մի ձիաւոր կը նշանակէ: Բայց մենք խնդրեցինք, որ բացի ձիաւորը մի պաշտօնեայ ևս նշանակէ, որի միջոցով կարողանանք հեշտութեամբ անցնիլ սահմանից, այլ և մի կերպ վայելել Բայազէտի Փաշայի օգնութիւնը:

Թէ պարոն Գաւառապետը և թէ Փաշան՝ իբրև սահմանապահ հարեաններ, յաճախ գործ էին ունենում իրար հետ և յաճախ դիմում էին իրար զանազան հարցերի՝ կեղեքումների, յարձակումների մասին և միշտ, ՚ի հարկէ աշխատում էին իրար օգնել և իրար սիրտ շահել: Ահա այդ պատճառով Գաւառապետի կողմից նշանակեաժ փոքր ՚ի շատէ դիրք ունեցող մարդը կարող էր մեզ շատ օգնել. զորա համար և մենք կրկնեցինք մեր խնդիրը, որ վերջը որոշեց ձիաւորի հետ նշանակել և իւր թարգման պ. Ռուբէն Բաբաջանովին, որ մեզ հետ Բայազէտ եկաւ և երկու օր մնալուց յետոյ կրկին իգդիր վերադարձաւ:

Գաւառապետի սոյն խոստումն աւանդուց յետոյ եկանք Ֆուրզոնների հոգացողութիւնը անելու:

Մեր 25 Ֆուրզոնները վարձուած էին մինչև Իգ-

դիր, իսկ այդտեղից առաջ գնալու համար ահագին վարձեր էին պահանջում: Իսկ ինչ անէինք: Սայլ էլ չ'կար և ոչ քարւան: Քաղթականների թիւն էլ 500-ի տեղ այժմ 800 է: Մնացել էի շուարած. ինչպէս հսկել. ինչսպէս տեղաւորել: Վերջապէս վճռեցի 23 ֆուրգոն վարձել. իրերը, կանանց, երախտաններին ու ծերերին տեղաւորել այդ ֆուրգոններում, իսկ առողջ տղամարդկանց որոշել յետիոտս՝ հերթով հետեւի նրանց: Այդպէս էլ արինք: Սակայն մինչև տեղաւորեցի, կարգադրեցի ամէնքի դիրքն էլ որոշեցի, համարեա կիսամեռ եղայ: Ամէն ինչ կարգի ձգելով, խորին շնորհակալութիւնս յայտնեցի Սիօն Հայր սուրբին, բոլոր Իզդիրցւոց և մեզ հիւրասիրող օրհնեալ տանտիրոնց, որ այնքան սիրով ընդունեցին մեզ և խաչ հանելով երեսներիս, ճանապարհ ընկանք և երեկոյեան հասանք Օրգով: Վարձուած ֆուրգոններում տեղ չ'իներու պատճառով մի քանի տասնեակ հոգի մնացել էին Իզդիրում: Գրանց Սիօն Հայր սուրբը հետեւեալ առաւօտեան երկու ֆուրգոնում ճանապարհ էր ձգել, որոնք գիշերը պալով, հասան մեզ մօտ, Օրգովի մաքսատունը:

Այդտեղ ես այնպէս յարմարեցրի, որ այդ երկու ֆուրգոնների մարդկանց տեղափոխեցի մեր ֆուրգոնների մէջ և այդ երկուսի վարձը տալով արձակեցի: Մենք կառքով էինք գնում. կառապանը Իզդիրցի էր և մի շատ փորձուած մարդ, ուստի և մենք որոշեցինք այդ կառքով գնալ մինչև Վան և այն տեղից վերադառնալ Իզդիր:

Գիշերը մնացինը Յրզովում: Մաքրատան գլխաւոր ծառայողը— պ. Թուխարելին՝ մի պատուական վրացի երիտասարդ հիւրասիրեց մեզ իւր մօտ և իւր նեղ բնակարանը, (շնայած որ ընտանիք էլ ունէր), դրեց մեր տրամադրութեան ներքոյ: Մեզ ամեն տեսակ պատիւներ անելով հանդերձ պ. Թուխարելին հսկում էր նաև գաղթականներին: Նա իրան յատուկ աշխուժութեամբ ճշտեց 800 գաղթականների թիւը, ամենքի վկայականներն էլ այդ գիշերն մուծեց մատեանների մէջ և ժամը 12-ին ցերեկուայ արգէն ամեն ինչ պատրաստ էր, որ մենք խորին շնորհակալիք յատնելով պարսնին, շարունակեցինք մեր ճանապարհը:

Յունիսի 8-ն էր: Արևի ոսկեղօծ ճաճանշները ծացկել էին լեռների ծաղկափթիթ գագաթները, որ մեր ֆուրգոնները հասան 2ինգլիլիի բարձրաբերձ բլրի ստորոտը, որտեղից պետք է բարձրանայինք դէպի վեր: Որովհետև ձիերն անկարող էին այդ առապարներով վեր բարձրանալ, ուստի բացի ծերէրից և մանուկներից, ամենքն, էլ ֆուրգոններից իջան և փուռեցին ամբողջ բլրի շուրջը: Մեծ շարշարանքով էին բարձրանում մեր ֆուրգոնները: Հերթով մէկի ձիերը լծումէին միւսին և այնպէս մէկ մէկ վեր բարձրանում: Իսկ բարձրաւանդակի շուրջն ընկած ժողովուրդը մի խայտաբղէտ տեսարան էր ներկայացնում: Գոյնզգոյն հագուստները դալար բլրի երեսին այստեղ ու այնտեղ փռուած ծաղիկների էին նմանուում: Եւ շշն-

չում էին ամէնքը հայրենի օդը, հայրենի հովը ու սշտապարար ցնծութեամբ ամենքն էլ երգ էին շնչում. «մըր սմը, մըր ձոնը, մըր ծան, մըր ծաղիկ, մըր ջոնը, մըր հովիտ ու դաշտ» կանչելով: Սքանչելի է բնութիւնը: Ժամը 7-ին հասանք բլրի գլուխը և ահա բիւրաւոր պատկերները գոյն գոյն մարպերով, հովիտներով, գմբուխտավառ մարմանդներով բացուած է մեր առաջ: Ամպերը կոյտ առ կոյտ անցնումէին մեր մօտով կարծես գորգեր էին փռուած մեր ոտքերի տակ: Մի տեղ լանջով սահումն առունները և արծաթ շերտերի նման շրջանակում դաշտեր ու բլուրներ: Չինգէլիի գլխից երևում էին և Բայազետի ընդարձակ հովիտները՝ ծածկուած կանաչ թաւիշով: Իսկ տարուայ այդ ժամանակին այստեղ ցուրտը խիստ զգալի էր:

Սահմանազլխի վերայ, սահմանապահ զօրքերից ապրում էին մօտ 30 հոգի: Սկզբում այդտեղ պահում էին ընդամէնը 20 հոգի. բայց քիւրդերի հետ պատահած մի ծանր ընդհարումից յետոյ նրանց թիւը հասցրին 30-ի որ կարծեմ շուտով էլ 50-ի կը հասցնեն: Իսկ այդ ընդհարման պատմութիւնը հետևեալն է. — Քիւրդերը սովորութիւն էին արած եղել իրանց անասունները յաճախ անցկացնել Ռուսաց սահմանը: Ռուս զինուորները քանիցս զգուշացրել են նրանց և առանց պատժելու հեռացրել: Այնուամենայնիւ վայրագ քիւրդերը, ռուսներից մի բան որսալու գիտաւորութեամբ, շարունակել են իրանց յախուռն վար-

մունքը և մինչև իսկ ընդհարման տեղիք տալու համար իրանց անասունները անցեն կացրել Ռուսաց սահմանից աւելի ներս: Ռուսները մի անգամ խլում են 50 գլուխ անասուն, որ և որոշումեն ուղարկել Օրգով իրանց մեծաւորին: Քրդերը յարձակւումեն Ռուսների վերայ, կամենալով ուժով յետ խլել իրանց ապրանքները, սակայն զինուորները չեն տալիս և պաշտպանւումեն հրացաններով: Վրայն հասնում և տաճկաց զինորները և երկու կողմից տեղի են տալիս անվերջ հրացանաձգութիւն: Այդ միջոցին քրդերի քաջարի կանայք նետովումեն Ռուսաց սահմանները և իրանց ապրանքը յետ քշում: Ապրանքներից մի քանիսը մնում են: Կռուի մէջ մարդասպանութիւն չի լինում իսկ գործի համար քննութիւն է բացւած, որի հետեանքը յատնի չէ մեզ:

Երկու Իգդիրցի հայեր, որոնք այդտեղ Ռուս զինուորների համար բնակարան էին շինում, խնդրեցին մեզ իջեանել իրանց վրանում և յոգնածութիւնից փոքր ինչ կազդուրուել: Թէյը, որ միակ կազդուրիչ միջոցն է յոգնած ճանապարհորդների համար, այդ վրանի տակ վայելեցինք մեծ ազահութեամբ: Այստեղ պէտք է յիշել «որ արքոռացե ի միռում փորքրակասնցս աչսցանե քաժակ մի ջոռը (ըստ մեզ թեյ) վարձս մարգարեի սոցե»: Քիչ յետոյ հացի փողը բաժանեցի բոլորին, որովհետև այդ մասին մեզ զգուշացրել էր Օրգովումը — պ. Թուխարելին, յայտնելով որ, Բայազետի քրդերը ոսկու մի շնչին փայլ տեսնեն, կ'կարծեն

թէ դաղթականների մօտ նրանից հազարներով են գտանուում և այդպիսով շլացած կարողեն ճանապարհներին յարձակումներ անել. ուստի բարւոք է դրամները Ռուսաց սահմանում բաժանել:

Այստեղից—գօրքերի վրաններից մինչև տաճկաց սահմանը մօտ 200 սաժէն տարածութիւն է և սահմանական տեղը այդ լեւոն է, որ Մասիսի լեռնաշղթաններից մէկն է և շարունակուում է մինչև Ղարսս լեռաները:

Յովհաննէսին 600 ըուբլի էի տուել, որ տանի Իգդիրում մանրացնէ: Մանրը ստանալուց յետոյ, երբ ամենքն էլ իրանց բաժինը ստացան, ցրտին ու սառքամուն ուշ չզարձնելով, գնացին, փռուեցին լեռան գաղաթին և սկսեցին հայրենի երկնի տակ, հայրենի օդում փոքր ինչ ուրախանալ:

Այդ սքանչելի տեսարաններով գմայլուած, կամենում էի այդտեղից իսկ աւելի հեռուն դիտել, աւելի հեռուով գմայլուիլ: Եւ ինձ հետ վերցնելով Ռուբէնին, Յովհաննէսին և տեղական զինուորների գլխաւորին և ի հարկէ ոչ առանց հրացանի, գնացինք բարձրացանք սարի գլուխը: Հետս հեռադիտակ ունէի, որ ցոյց էր տալիս բաւական հեռաւոր տարածութիւն: Եւ այդ բարձրութիւնից դիտումէի բիւրաւոր նուիրական տեղեր: Քայազէտ քաղաքը շատ պարզ երևում էր, նրա շուրջն ընկած հովիտներն հասնում էին մինչև հօրիզոնը, իսկ քաղաքի մօտ կանգնած էր անառիկ բերդը: Յիշեցի այստեղ հայ ազգի զօրաւոր

Արշակ Տէր-Ղուկասեանին: Մենք կանգնած էինք այն լեւան վերայ, որի գագաթից դղրդացրելեն նրա գօրքերի թնգանօթներն ու հրանօթները,—այն լեառն՝ որ բազում անգամ պատնէշ է հանդիսացել տաճկից հալածուած բիւրաւոր քրիստոնեաների համար: Այստեղ է ծածանուել հօր Ռուսիոյ երկգլխեան արծուանիշ գրօշը.—այն գրօշը, որի ծալքերում գետեղուած է եղել ազատարար կայսրի շողշողուն գաղափարները: Եւ մինչդեռ ես դիտում էի հեռուն, դիտում էի բնութեան հրաշալիքները, իմ շուրջը հանդէս էր կատարւում: Անապատում ուրախութեամբ վազվզում էին գաղթականներ, տղայ, աղջիկ պարեր էին բռնել. մանուկները ուրախ ճշալով խաղում էին, մինչև անգամ ծերունիները մեկնուած փափուկ խոտերի վերայ ուրախ ուրախ խօսում էին, գրուցում էին:

Ա՛խ, վաթան, վաթան իրքան քաղցրես, իրքան նուիրական:—Նա այնտեղից հալածուել է, նրա իւրաքանչիւր անկիւնը ներկուել է իւր սիրելիների արիւնով և դարձեալ նա քաղցրէ, նուիրական է, սիրելի է: Ա՛խ, նա հարազատ է, նրա կրծքի տակ սիրելիների դիակների հետ և բիւրաւոր իղձեր և յոյսեր են թաղուած, նրանք պիտի պսակուին և կորուսածների փոխարէն կրկնակին և երկինքը առնեն:

Ա՛խ, և ո՞վ գիդէ թէ էլ ինչպիսի մտքեր, ինչ յիշողութիւններ, ինչպիսի անցեալ և ապագայ գալիս, անցնում էին նրանց աչքերի առաջով, որ այնպէս

սրտամորմոք կարծես չէին ուզում բաժանուիլ այդ կանաչ բուլուրից:

Այն միջոցին մինչդեռ մենք դիտում էինք մեր շուրջը, զմայլում բնութեան հրաշալիքներով, թրքաց սահմանապահ երեք զինուորներ մօտեցան մեզ և զարմանքը զէմբերին հարցրին գաղթականների մասին: Պասկածն ու զողը միշտ սրտումը պահած տաճիկը ո՞վ գիտէ, ինչ է կարծել, բայց երբ նրանց հասկացրինք, որ սրանք տաճկահպատակ գաղթականներ են, այժմ վերագառնում են իրանց հայրենիքը, միմիայն այն ժամանակ զինուորների տրոփող սրտերը հանդարտուեցին: Ես պատուիրեցի նրանց, որ շուտով յայտնեն իրանց գլխաւորին, որպէսզի վաղը առաւօտը ժամը 6-ին մի քանի զինուորներ նշանակեն 10—20, մի խօսքով որքան կարելի է շատ, որպէսզի մեզ ուղեկցեն մինչև մաքսատուն: Տաճկին յատուկ կեղծաւորութեամբ զինուորները, խոր դլուխ խոնարհեցնելով, հեռացան:

Գիշերը շնորհիւ վերոյիշեալ երկու երիտասարդների անցկացրինք հանգիստ, խաղաղ և արշալոյսը չբացուած, զարթեցինք բոլորովին կազդուրուած:

Հայեացքս սևեռել էի Հայաստանի արևելեան հորիզոնին, որ այդ պահուն ոսկէզէն շերտերը ցոլում էին բիւրաւոր ճաճանշներ: Անձրեածին կաթիլները կանաչ մարմանդի երեսին բոսորավառ արշալոյսի դիմաց ադամանդիը էին դարձել: Իսկ լերան լանջերը կարծես ամբողջովին թաղուած էին զմրուխտների

աակ: Ա՛հ, Հայրենեաց քաղցրաշունչ հովերը ողջունուր էին մեզ և ես նրա թովիչ վզոցին կցորդել էի երանելի Հայրապետի սրտագին մրմունջը «Առաւօտ լուսոյ, արեգակն արդար, առիս լոյս ծագեա»: Այո՛, բայց ոչ միայն առիս, այլ առ այն 800 հոգին, որոնց խնամքն ու պահպանութիւնը ինձ է յանձնուած: Կանգնած եմ երկու պետութեանց սահմանագլխի վերայ. — մէկի՛ որի դրօշն է այն խաչն, առ որ սեւոած է քրիստոնեայ հայի հայեացքը. միւսի՛ որի լուսնաձև դրօշի ծալքերում ամենայն մոլեռանգութեամբ դեռ պահպանուած են Իսլամի գաղափարները: Եւ ահա այդ իսկ սահմանում քայլ պիտի անեմ և խաչի ստուերից 800 խաչակիրներ պիտի յանձնեմ Իսլամի խնամքին:

Ա՛հ գառներ, ումնեն պահ տալիս. . . : Ահա այսպիսի մտածմունքներ պաշարել էին ինձ, որ որքան հեռուն էի սուզուում, անցեալն էի անցնում, ալեկոծւում էր սիրտս, մինչև իսկ երկիւղ տիրում ինձ: Բնութեան պճնուած գրկում, հարանց արիւնով ներկուած հողի վերայ արեազալի երգը մրմնջալով, այլև բիւրաւոր մտքերի խորքը անցնելով, հայացքս դարձրի դէպի վեր, դէպի երկնի և երկրի Արարչի գահը և ինքս ինձ շնչացի. «Տէր, պահիր այս անբաղդներին. այսպէս տարագրումեն սրանք, միայն նրա համար որովհետև խաչ են կրում կրծքերին և որ հայեացքները Գողգոթա են դարձրած»:

Ա՛խ, ես օգնութիւն էի խնդրում Ամենակալ

Արարչից յանուն իւր Որդոյ. ոչ ապաքէն գրեալ է թէ
«գոր ինչ խնորհցեք ՚ի Հօրե յանուն Իմ, տացցի ձեզ».

Զարթել էին և գաղթականները: Իւրաքանչիւրը
նրանցից հայեացքն ուղղուում էր դէպ երկինք, երե-
սին խաչակնքում ու լռիկ շրթունքները դողացնում:
Ի՞նչ էին խնդրում Աստուածանից. կեանք և միայն
ազնիւ կեանք:

Երբ ֆուրգոններն արդէն պատրաստ էին և իրերն
ու այն բոլոր անձինք, որոնք պէտք է գետեղուէին
նրանց մէջ, արդէն տեղաւորուել էին, ինձ շրջապա-
տեցին այն մի խումբ երիտասարդները (թուով 70
հոգի), որոնք պէտք է ոտով ընթանային ֆուրգոն-
ների յետևից, ասացի գրեթէ աղաչանքով. «անա մի
քայլ ևս և մենք կ'անցնենք տաճկաց դրօշի ստուերը,
այժմ ճանապարհի իւրաքանչիւր անկիւնում պէտքէ
մեծ զգուշութիւն պահպանել. կարող ենք հանդիպել
վայրագ քրդերին՝ պէտքէ բնաւ ուշադրութիւն չդարձ-
նել նրանց վերայ, նրանք կարող են մինչ և իսկ վայ-
րենաբար ձեզ հայհոյել կամ մի անվայել խօսք ասել,
դուք պէտքէ լռեք. իսկ ձեր փոխարէն ես կ'պատաս-
խանեմ, մինչև անգամ եթէ յարձակումն էլ գործեն,
դարձեալ չ'պիտի շարժուիք առանց իմ հրամանի:
Բոլոր շարիքների առաջ ես պիտի կանգնեմ, ես պի-
տի պատասխանեմ, որ Աստուած մի արասցէ՛ եթէ
մի անբաղտութիւն պատահէ. առաջ ինձ հետպա-
տահէ: Այլև պատուիրեցի, որ ոչ ոք ֆուրգոններից
առաջ չ'անցնի, այլ միշտ աշխատէ միասին լինել:

Ապա կարգադրեցի նրանց, որ երկու շաբթով ընթա-
նան ֆուրգոնների կողքով. իսկ իմ կառքը քշել տուի-
ամենքից առաջ՝ որևէ անբախտութեան առաջին ան-
գամ ինքս հանդիպելու նպատակով:

Երեսներին խաչ հանելով ճանապարհ ընկանք դէ-
պի առաջ: Փուրգոնները հասել էին տաճկական սահ-
մանը, որ մեզ դիմաւորեցին միմիայն 5 հոգի թուրք
զինուոր: Իմ հարցին թէ ինչո՞ւ այսքան քիչ թուով
են եկել պատասխանեցին թէ ոչինչ երկիւղ չ'կայ-
հարկաւորէ միայն փոքր ինչ զգոյշ լինել և շարունակ
միմեանցից ու ֆուրգոններից անբաժան ընթանալ-
Այդ թուրքերի զլխաւորին էլ պատուիրած է եղել
զգոռչոռ. թիւն և ստոնասարտոռ. թիւն բառերը յայտնեք
հայերին:

Եւ 'ի հարկէ, իրանք էլ լաւ համոզուած են որ
որ եւ ամօթոյ կամ թիւ չեն թողել, համոզուած են
որ հայը վիրաւորուած սրտով այլ ևս անկարող է
վիրաւորանք տանել. բայց և այնպէս նոյն պատուէրը
մենք ևս կրկնելով կամաց կամաց առաջ շարժուե-
ցինք, մինչև որ հասանք Ղարաբուլաղ կոչուած տեղը
այսինքն մինչև թուրքաց մաքսատունը:

Մեզ հրաւիրեցին մաքսապետ Մահմադ և սահմա-
նապահ զօրքերի զլխաւորի.— Ասլան էֆէնդիների մօտ:

Սրանց մաքսատունն ընկած է Բայազէտի հովտի
մի ծայրին, ոռոսաց սահմանից վերցրած Մասիսի
սարի ստորոտից 10 վերստ հեռաւորութեան վերայ
իսկ այստեղից մինչև Բայազէտ դեռ 30 վերստ տարա-

ժուլթիւն կայ, այստեղը տափարակ է և ճահճային: Մաքսատունն էլ բաղկացած է երկու խրճիթանման սենեակներից:

Միջնադարեան նախասենեակից անցանք երկրորդ սենեակը, որ մի ընդարձակ խրճիթ էր և ծառայում էր թէ իբրև դիւանատան և թէ ննջարան և թէ ընդունարան: Սենեակի ամբողջ կահկարասիքը բաղկացած էր մի ընդարձակ թախտից, անդրջրհեղեղեան երեք աթոռից, մի սեղանից և մի զզրոցից, որ հիշմեղանշեհք, կարող ենք ասել որ դա ընկած պիտի լինի նոյի տապանից և հասած այդ տանկի ձեռը: Եյդ զզրոցում պահպանուով դիւանական բոլոր թրղթերը, իհարկէ տանկական սիստեմով: Սակայն բնութեան վարայդ արտադրութիւնների շարքում, բարի յատկացեալների համար ծնւում են և բարի յատկացուցիչներ: Մաքսապէտ Մահմեդնէլ հէնց այդպիսիներից էր: Երբ ներս մտայ սենեակը, նա պահպանուած քաղաքավարութեամբ ընդունեց ինձ և ապա փոքր ինչ խօսակցութիւնից յետոյ սկսուեց իրերի քննութիւնը:

Ամէնքից առաջ նա պահանջեց իմ իրերը: Իմ իրերը ընդ ամէնը սպիտակեղէնի պայուսակն և անկողինների կապոցը դրի նրա տրամադրութեան ներքոյ: Նա մի առ մի խուզարկելուց և իհարկէ ոչինչ չզրտնելուց յետոյ յանձնեց ինձ:

Նա ինձ հետ վերցրել էի և զանազան դեղօղչայք քինաքին, փորացաւի, աչքացաւի և այլ հիւանդութիւն:

ների համար զանազան հեղուկներ: Այդ բոլորը մաք-
սապետ Մահմեդը գետեղեց մի արկղի մէջ կնքեց և
առաջարկեց ինձ ևս կնքել—իմ կնիքով: Այդ առաջար-
կութիւնն էլ կատարեցի: Ապա նա յայտնեց, որ ին-
քը կասկածում է այդ հեղուկների անմեղութեան մէջ,
ուստի դրանք այդ կնքուած արկղի մէջ կ'ուղարկէ Բայա-
զէտի փաշային. եթէ նա նրանց մէջ ոչինչ արգելք
չի տեսնիլ, ուրեմն կ'վերադարձնէ ձեզ:

Ինչ արած: Դեռ սկզբումն էինք, ես խոնարհուե-
ցի Մահմեդ Էֆենդիի այդ տեսակ ծիծաղելի կար-
գազրութեան առաջ: Ապա յարգելի Էֆէնդին յայտնեց,
որ ինքն փոքր ինչ զժուարանում է հաւատալ մեր
կառքի վերադարձին: Նա կասկածում էր, որ մենք
կարող ենք կառքը վաճառել Բայազիտում. իսկ այդ-
պիսով նա կ'զրկուի այն մաքսավճարից, որ օրէնքով
պէտքէ ստանայ ինքը, բայց լիովին հաւատալու հա-
մար, Էֆէնդին յայտնեց, որ մենք կարող ենք գրա-
ւական թողնել և երբ նոյն կառքով վերադառնանք
այդտեղ, մեր գրաւականը յետ կ'վերցնենք: Էֆէնդիի
այդ կարգադրութիւնն էլ ընդունեցի և իբրև գրաւա-
կան քառասուն ուրբի տուի նրան:

Այժմ հերթը հասաւ ֆուրզոնների խուզարկու-
թեան: Ամէնքին մանրամասն խուզարկելուց յետոյ,
թէ գինուօրների գլխաւորը և թէ Մահմեդ Էֆէնդին
յայտնեցին, որ ոչ մի կերպ չեն կարող թոյլ տալ ֆուր-
զոնները տանելու: Աղաչանք, պաղատանք, բոլորը
գուր, բոլորը ապարդիւն: Ճարահատեալ վճռեցի ժամ

առաջ Բայազէտ գնալ և տեղական փաշայից թոյլ-տուութիւն խնդրել:

Այս դէպքում դժուարութեան գլխաւոր առիթ տուողներէց մէկը մի անպիտան հայ Իզդիրցի էր, որ մեզ հետ եկել էր իբրև Ֆուրզօնների կառուարիչ: Այդ տմարդին Ասլան էֆէնդիի հետ արդէն ծանօթ լինելով և նրա հետ մի շարք խարերայութիւններ անելով, կամեցաւ մեզ ևս խաբել, նեղացնել և արաւ:

Նա մօտեցաւ ինձ և առանձնապէս յայտնեց թէ էլ ուրիշ հնար չ'կայ, բացի Ասլան էֆէնդիի բերանը մեզը քսելուց:

Սկզբում իմ զգուանքը յայտնեցի այդպիսի ստոր միջոցի դէմ, սակայն ՚ի նկատի առնելով այն նեղ դրութիւնը և կարգապահութեան այն կատարեալ ամայութիւնը, որոնց մէջ մենք գտանվում էինք, վճռեցի մի ոսկոր ձգել քաղցածի առաջ և Ասլան էֆէնդուն ընծայեցի տասը ուրբի: Էֆէնդին երկու փայլուն հինգանոցներն իւր ափն առնելուն պէս, ժպիտն առաւ երեսին և խորին զոհունակութիւն յայտնելով ու զանազան յոյսեր տալով, հրաւիրեց մեզ իւր վրանի տակ մի գաւաթ թէյ խմելու:

Այդ խնդիրն էլ չ'մերժեցինք և Ռուբէնի ու Յովհաննէսի հետ մտանք այդտեղ իբր թէ մի բոպէ հանգստանալու: Եւ ահա Ֆուրզոնները փրփրադէզ բարկութեամբ թափուեցին վրանի առաջ և սկսեցին անվերջ գոռալ:

Թէյ խմել, ինչ թէյ, այդպիսի տեղը ոչ թէ թէյ,

այլ կատարեալ գահընթաց: Գոռում էին ֆուրգոնչի-
ները և անվերջ տրտունջներ հեղեղում իմ հասցէին:

Ինչ էք ուզում, հարցնում եմ նրանց:

Այն՝ ինչ որ դու ես վայելում:

Եղբարք, ասումեմ, հազիւ մի ըոպէ լինի որ ես
մտայ այդ թուրքի վրանը, մի բաժակ թէյն էլ չէք
թողում որ խմեմ եւ վերջապէս սա ինչ յանդգնու-
թիւն է, ինչ պահանջ է:

Սակայն ամօթն ո՞վ է տուել Վաղաշապատցի
ֆուրգոնչիներին: Այնքան լկտի, այնքան աներես, որ
զրանց մօտ լուծիւնը մեծ խոհեմութիւն պէտք է
համարել: Եւ մինչդեռ ես խօսում էի զրանց հետ,
յանկարծ նրանք քրքջալով բացականչեցին:

—Օ՛, Տէրտէր, այդ ինչ լաւ ներկուելես:

«Ինչ ներկուիլ, ինչ էք ասում»:

—Լաւ նայիր փարաջայիդ:

Փարաջայիս փեշերն առաջ քաշեցի և ինչ.—ամ-
բողջովին ծածկուել էին տաճկաց կեղտոտութեան
արգասիք—զգուելի միջատներով:

Մնում էր ինձ իսկոյն հանել փարաջաս, որ ապա
ճիպոտներով հազիւ կարողացանք մաքրել, նրանց:
Զգուանքն ու գարշանքը պատեցին ինձ, և աւելորդ է
ասել, որ այլևս քայլ անէի ղէպի այդ գօրական կոչ-
ուած էֆէնդիի վրանը: Երբ ես այդ բոլորը ցոյց տա-
լով յանդիմանեցի այնտեղ գտնուած մի քանի գինուոր-
ների, նրանք խորհրդաւոր կերպով գլուխները շար-
ժեցին ու ասացին. ինչ են հանդիմանում մեզ, ո՞վ է

մաքրութեան մասին մտածում, մինչդեռ շատ անգամ օրերով քաղցած ենք մնում:

Մտածեցի ֆուրգոնչիների և ձիերի համար ևս հոգալ և որովհետև միայնակ չէի կարող այդտեղ մի բան անել, նորից ընկայ խաբեբայ իզդիրցու ձեռքը, որ և դարձեալ կեղեքեց ինձ:

Իզդիրցին յայտնեց, իբր թէ ոչ մի տեղ գարի չկայ. այստեղ միայն Ասլան Էֆէնդին ունի: Այն ինչ այդ խաբեբան Ասլան Էֆէնդիի ցուցմամբ գնում է մօտակայ Արճակ— հայաբնակ գիւղը, որ 8 վերստ հեռաւորութեան վրայ էր ընկած, գարի է գնում պուզը 40 կօպէկով և մեզ վրայ հաշվում է 1 ու. 20 կ., աւարկելով որ Ասլան Էֆէնդին դրանից պակաս չի տալիս: Ուրիշ ճար չ'ունէի, այդ էլ վճարեցի և ֆուրգոնչիներին բաւարարութիւն տուի: Ասլան Էֆէնդին էլ թէպէտ տաս ուրբլին առել էր մեզանից, իբր թէ թոյլ տալու ֆուրգոններն առաջ ընթանալու, բայց նա էլ խափեց, յայտնելով, որ այդպիսի թոյլտուութեան ամենևին հնար չ'կայ, այսուամենայնիւ մի փոքրը ծառայութիւն արաւ Փաշայի հասցէին նամակ տալով և յայտնելով, որ այդտեղ ոչ ֆուրգոնները պահելու տեղ կայ և ոչ ձիերը կերակրելու ուտելիք:

Մահմէդ Էֆէնդին ոչ միայն Ասլանի հակադատկերն էր, այլ ուղիղն ասած հազարից մէկը, սաճիկ պաշտօնեաների թվում: Նա քաղցրաբարոյ և սիրարժան ամէնքին խուզարկելուց յետոյ, սիրտ տուաւ մեզ, խրախուսեց և միամտացրեց, որ անվտանգ և

առանց որևէ նեղութեան կարող եմ գնալ Բայազէտ
և ամենայն հեշտութեամբ թոյլտուութիւն ստանալ: Ես
այդպէս էլ արի: Այդտեղ ամեն ինչ վերջանալուց յե-
տոյ ուղևորեցի դէպի բայազէտ:

Ճանապարհն ընկած էր լուռ, ամառի հովիտներէ
մէջտեղ: Վանանչ թաւշանման խոտը հիւսուած գորգե-
րի պէս ծածկել էր ամբողջ տարածութեան երեսը:
Մասիսի բարակ գեփիւռները հանդարտ սուլում էին
և կարծես շնչում էին մեր ականջներին. «Դուք գնում
էք այդ ամառի դաշտի երեսով և ձեր աչքերից կա-
թիլներ չէք թափում այստեղ. չէ որ իւրաքանչիւր
հայի համար նուիրական են այս հողերը, այս սիզա-
ւէտ հովիտները և այս ծաղկահիւս արօտները: Այժմ
այսպէս մեռալային լուծիւն է տիրում ձեր շուրջը,
բայց չէ որ եղել է ժամանակ, ախ, իրջանիկ ժամա-
նակ. որ այս ճանապարհի վրայ աջ ու ձախ ընկած
են եղել զիւղեր, աւաններ, տներ ու տաճարներ. այս-
տեղ իւրաքանչիւր անցւորական լսել է հայ գեղջուկի
քաղցրալիւր ողջոյնը, հայ գութանի հօրովելը, հայ քա-
հանայի «այէլուան», այստեղից անցնողը դժուար է
խուսափել հիւրասէր «Աբրահամներ»-ից, բայց այժմ
նա դարձել է անապատ և նրա վրայ մենք ենք մի-
այն շրջում, մենք և Մասիսի գեփիւռները վզգում ու
իւրաքանչիւր անցւորի ականջում ծերուկ Մասիսի
ողջոյնը երգում:

Այո՛, թախիծը տիրել էր մեր սրտերին. նայում
ենք մեր շուրջը՝ անսահման անմարդաբնակ դաշտեր,

նայում ենք հեռուն, դէպի հորիզոնը, տեսնում էինք միմիայն անգղերին ու ազաւաներին: Եւ զնում էինք առաջ լուռ ու մտախոհ: Տեղ տեղ ճանապարհի աջ ու ձախ կողմերում ընկած էին մի քանի գիւղեր, տները բաղկացած ցեխէ կիսափուլ խրճիթներից: Բայց ինչ գիւղեր են զրանք, որ նոյնպէս լուռ են, ձայն, ծպտուն չկար, կատու, շուն անգամ չէին երևում, մեզ ուղեկցում էին երկու տաճիկ ձիաւորներ. նրանցից հարցրինք, նրանք ասացին որ զրանք քիւրդերի գիւղօրայք են և այժմ դարտակ են, որովհետև քիւրդերն այստեղ չեն. նրանք անցել են լեռները:

Այո, այդ երկրում բնութեան բարիքները միայն քիւրդերն են վայելում: Ամառը կ'ըարձրանան հովասուն լեռները, ձմեռը կիջնեն հովիտները. իսկ թէ ո՞վ պիտի հսկէ արտը, ո՞վ պիտի հաց մատակարարէ նրանց, այդ կողմից սպահով են, որովհետև լաւ գիտեն թէ որքան աշխատասէր է հայի դուժմանը և որքան քրտնաթոր՝ հայ գիւղացին:

Հեռո՞հեռէ մօտենում էինք քաղաքին և մենք ոչինչ փոփոխութիւն չէինք տեսնում. այսինքն դարձեալ նոյն հողակոյտերը, նոյն հովիտներն, որոնք մենք նըշմարել էինք Չինգիլիլի լեռան գագաթից:

Վերջապէս ժամը 2-ին հասանք Բայազէտ: Միայն փողոցներում կանգնած քարվանսներից կարելի է տարբերել Բայազէտը՝ գիւղից: Մէկ մէկ երևում էին և մարդիկ: Մեր ուղևորների առաջնորդութեամբ մտանք իբր թէ նշանաւոր փողոցը, ընկած կիսափուլ տների

մէջ տեղ, որոնց արանքով հազիւ գնում էր մեր կառ-
քը: Յանկարծ շգիտեմ որ ծակից դուրս եկաւ մի
տաճիկ, թուրը ձեռին, իսկ ուսերից կախուած թելի
վիլաներ. որը՝ ըստ երևոյթին վաճառելու էր շրջում:
Բայց այդ միևնոյն մարդը Փօլիս-ոստիկան էր և նա
կանգնեցրեց մեր կառքը և յանդգնաբար սկսեց հարց
ու փորձ անել մեզ: Նրան յայտնեցինք մեր ով լինելը:
Եւ երբ նա իմացաւ, որ մենք Ռուսաստանցի և պաշ-
տօնական անձնաւորութիւններ. նա իւր դիւրքը փո-
խեց և մինչև անգամ պատրաստականութիւն յայտ-
նեց ուղեկցել մեզ մինչև Փաշայի դիւանատունը: Իմ
հարցին, թէ շի կարելի փոքր ինչ հանգիստ առնել,
լուացուել, մաքրուել և ապա ներկայանալ Փաշային,
նա պատասխանեց, որ անկարելի է և թէ իրանց օ-
րէնքով նախ պէտք է Փաշային ներկայանալ և ապա
դիմել հանգստութեան:

Փօլիսը մեզ առաջնորդեց դէպի Փաշայի ապա-
րանքը. բայց երբ աջ ու ձախ տանելուց յետոյ նա
կանգ առաւ մի կեղտոտ տան առաջ, ես փոքր ինչ
երկիւղ կրեցի, կարծելով թէ՛ անիրաւը մեզ խարել է
և քշել է ուղղակի դէպի բանտը: Սակայն ոչ: Ճշմա-
րիտ է, այդ Փաշայի ապարանքն է,—մի տուն որի
մէջ մեր երկրի ոստիկանները հազիւ թէ համաձայ-
նուէին ապրելու:

Մի կեղտոտ, նեղ, գուցէ մի քանի տարուայ ցեխ
երեսին կուտակուած սանդուղքներով բարցրացանք
դէպի վեր և Փօլիսի առաջնորդութեամբ անցանք մի

մութ, ժանգ—ահօտ նախասենեակ, որ եթէ մի ըուպէ աւելին մեզ այգտեղ պահէին, այլ ևս չէի մեղանշիլ եթէ իսկապէս ընդունէի, որ մենք *զնդաւունումն Կիւր* տաճկաց բանտումը. բայց այգտեղից մեզ տարան մի այլ սենեակ: Մի անկիւնում թախտ էր դրած, գորգերով ծածկուած, մի գորգ էլ փռուած էր յատակին. սենեակի մի կողմում փոքրիկ սեղան կար կարմիր կտորով ծածկուած և մի փայտէ մահճակալ: Այդ բոլորի հետ կեղտոտ պատերի մօտ աններդաշնակօրէն ընկած էին Եւրոպական մի քանի աթոռներ: Այդ սենեակին կից մի այլ սենեակում, որի յատակը ծածկուած էր կեղտոտ փսիաթներով, ընկած էր մի սեղան ծածկուած կանանչ կտորով: Այդ էլ ատենադպիրի սենեակն էր: Երևում էին և մի երկու նկուղներ, որոնք սենեակների տեղ էին ծառայում. դրանց մէջ Փաշայի պալատականներն էին ապրում:

Ինչպէս վերջը տեղակացանք, այս և այն հրամանները գրում էր ինքը Փաշան, իսկ հրամանատարներն էին ատենադպիրը և ինչ էք կարծում, և այն միևնոյն Փոլիսը, որ ձեռին թուր ունէր և ուսերին վաճառելու թելեր:

Քանի ըուպէից մտաւ ինքը՝ Փաշան: Նա ձեռք չ'սեղմեց, ըստ արևելեան սովորութեան, իւր ձեռք տարաւ նախ՝ դէպի ճակատը և ապա խոնարհեցրեց. նոյն ձևը կրկնեց նաև իմ ուղեկիցներին, ապա կրկնեցին իւր հետ ներս մտնող աստիճանաւորները:

Փաշան բազմեց թախտի վրայ, դարձաւ դէպ

ինձ և ասաց. «Բարով էք եկել, ինչպէս է ձեր կողմերում հանգստութիւն, առատութիւն» և պատասխանողեռ չ'ստացած՝ դարձաւ Ռուբէնին ու հարցրեց «Ինչպէս է պ. Բոսլաւսկին»:

Պ. Ռուբէնը բարև յատնեց զաւառապետի կողմից, յայտնեց իւր դալու պատճառը. ապա յանձնեց նրան զաւառապետի տուած թղթերը: Փաշան կարծեց թէ թղթերը հայերէն են գրուած, որովհետև նա չ'բացաւ կարդալու. իսկ ես պ. Ռուբէնին ասացի, որ յայտնէ նրան թէ, թղթերը գրուած են թուրքերէն:

Եւ երբ Ռուբէնը յայտնեց, Փաշան բացաւ ծրարը, նամակը կարգաց և յայտնեց իւր ատենադպիրին, որ ամէն ինչ իսկոյն կարգադրէ: Յետոյ դարձաւ ինձ ու ասաց. «Մուրախաս էֆէնդի», այսինքն «Տէր առաջնորդ», ես իսկոյն ընդհատեցի նրան և ասացի, որ ես շահանայ եմ:—Փաշան ուշ չ'դարձրաւ, չ'չեղվեց իւր քաղաքաւարական ձեռից և շարունակեց ինձ «Մուրախաս էֆէնդի» անուանել ու այդպէս նորից դարձաւ ինձ ու հարցրեց.—Ո՛րտեղից էք գալիս և ո՛ւր էք գնում:

Պատասխանեցի, որ Բագուից եմ գալիս: Այնտեղից 500 գաղթական վերցրած եկայ Ս. Էջմիածին, 300 հոգի էլ այդտեղ աւելացրի և ամէնքին անվտանգ հասցրի մինչև այստեղ. այստեղից էլ Վան պիտի տանեմ:

«Բարի, բարի», ասաց Փաշան և հրամայեց ծառաներին սուրճ բերել մեզ համար:

Սուրճը վայելելուց յետոյ նրան յայտնեցի իմ գալու նպատակը, թէ ֆուրգոնները մնացել են Ղաբաբուլաղում և շատ կրիտիքական գրութեան մէջ են և թէ այդտեղից շեն թողնում առաջ անցնել. ուստի և եկել եմ դիմել՝ իւր աջակցութիւնը:

Նկատեցի, որ Փաշան ընկաւ վարանման մէջ, ուստի շտապեցի դժուարութիւնների պատճառը, մանրամասն պատմել:

— Առաջին՝ ասացի, եթէ երկու օր ուշացաւ, էլ ժողովրդի համար հաց չի կարելի ճարել. երկրորդ՝ եթէ անգամ կամենաք քարւանով տեղափոխել, այդ անհնարին է, քանի որ քարւան բնաւ չի կարելի ձեռք բերել. իսկ եթէ այստեղից քարվան վարձելու լինենք և տանենք այնտեղ, այդ չափազանց դժուար է. վերջապէս ֆուրգոնչիներին վարձատրուած է մինչև Բայազէտ բերելու:

Վերջին պատճառաբանութիւնս նա գուցէ ուշագրութեան չ'առաւ. սակայն առաջին կէտերը լիովին հիմնովին գտնելով և դարձեալ փոքր ինչ մտածելով, վերջը հրամայեց, որ իւր պահանջած ժամանակին՝ իսկոյն պատրաստ գտնուին մի աստիճանաւոր և մի զինուոր:

Հրամանը կատարուեց և ըսպէսբար երկուսն էլ ներս մտան ու խոնարհութեամբ կանգնեցին նրա առաջ: Նա գրեց հրաման Ասլան էֆէնդիի վերայ, որ թոյլ տայ բոլոր ֆուրգոններին անցնել, ապա աւելացրեց հրամանատար աստիճանաւորին, որ ֆուրգոն-

ները գալուց, կարգադրեն քաղաքից դուրս մի հովտի վերայ կանգ առնելու:

Ճնորհակալութիւն յայտնելով Փաշային, ներկայացրինք մեր անցագրերը, որ ըստ իւրեանց սովորութեան արձանագրեցին և մուծին մի ինչ որ մատեանի մէջ, ապա դուրս եկանք անցանք քաղաքը մեզ համար օթեան որոնելու:

Մենք իզգիլից նամակ ունէինք Քայագէտի Տէր-Ներսէսի վրայ. բայց մեզ ասել էին, որ այդտեղ ապրում է և մի Սարգիս աղա, որի գոները միշտ բաց է իւրաքանչիւր ճանապարհորդի համար: Պատեհաբար Տէր Ներսէսը այդտեղ չէր, իսկ Սարգիս աղայի մասին յայտնեցին, որ մի տարի առաջ է մեռել: Ուրեմն ինչ անէինք: Որին գիմէինք: Այդպիսի քաղաքներում եթէ բարի մարդիկ չլինին, մեզ պէս անփորձ ճանապարհորդները դրսում կ'մնան: Մենք մնացել էինք շուարուած:

Այդտեղ իմանալով որ Սարգիս աղան վաճառական որդի ունի, իսկոյն որոշեցինք գնալ նրա մօտ և մեր դրութեան մասին պատմել:

Գնացինք և ասացինք: Նա փոքր ինչ մտածեց և ապա մեզ ներկայացրեց մի երիտասարդ՝ Սմբատ անուճով և ասաց, որ այդ Սմբատը կաշխատէ մեզ համար վարձով բնակարան ճարել: Այստեղ ես գորմացայ: Տիրասիրութեամբ զովաբանւած հայից այս անսպասելի էր: Սակայն ըստ երևոյթին նիւթական ճնշումների, եկամուտների սակաւութիւնը խլել

են այդ մարդկանցից և հոգւոյ վէհութիւնն և սրտի արձակութիւնն և այս բնական է. ուստի մենք ոչ այնքան նեղացած այսպէս հիւրասիրութիւնից. հետեւեցինք այդ Սմբատին և նա մեզ տարաւ մի այրի կնոջ փոքրիկ խրճիթը: Խրճիթի ամբողջ կահ կարասիքը բաղկանում էր մի հասարակ թախտից և յատակին փռուած մի քանի հնամաշ օթոցներից: Որքան էլ նա նեղ էր, որքան գուրկ յարմարութիւններից, այսուամենայնիւ իսպառ անապատում չ'մնալու համար զբանից էլ գոհ մնացինք:

Միւս օրը յունիսի 9-ին ֆուրգոնչիները եկան և հանգիստ առան քաղաքից մէկ վերստ հեռաւորութեան վերայ ընկած Զանգեզօր կոչուած փոքրիկ գիւղի մօտ: Դիմեցի Փաշային որ մի քանի պահապաններ նշանակէ ժողովուրդի համար. որպէսզի ազատ մնան թէ քիւրդերի և թէ զանազան անկարգութիւններից:

Եւ նա հրամայեց, որ թուով 10 զինուորներ հերթով հսկեն նրանց:

Այս այդպէս կարգադրելուց յետոյ գնացի եկեղեցի: Իւր արտաքին տեսքով, արտասուք է շարժում նա իւրաքանչիւր քրիստոնէի աչքում: Ամբողջովին շինուած է փայտից և ներկայ խղճալի շինութիւնը անցեալի կմախքն է, որովհետև ինչպէս հետագօտեցինք, իմացանք որ սկզբում եկեղեցին շինուած է եղել քարից. իսկ ինչ ինչ հարուածների ժամանակ աւերակ են դարձրել և ահա աւերակների վերայ կանգնել էին այդ փատեայ անշուք շինութիւնը: Մոմի փո-

խարէն եկեղեցում վառում էին ձէթ և այդ պատճառով նրա ծխից ամբողջ պատերը սևացել էին: Քահանան մի զառամեալ ծերունի էր: Չեռնափայտին հինուած դողդոջուն ձայնով մրմնջում էր. «Լճը ձայնից մերոց»: Աղօթքի խորհրդաւոր խօսքերը, տան անշուք տեսքը աւելի և աւելի ազդու կերպով շարժում էին իմ արտասուքը:

Հետեեալ օրը ներկայ գտնուեցայ Սուրբ պատարագին փոքրիկ խումբը Հայաստանեաց եկեղեցւոյ հնաւանդ եղանակներով ոգեպարար ուրախութիւն էին բերում իմ սրտին: Քաղցրալիք եղանակները, որ հրնշում էին մեծ Քերթողի շնորհած աւանդութեան համաձայն, միանգամայն մոռացութեան տուին ինձ այն տխուր տպաւորութիւնները, որմէր ստացել էի եկեղեցւոյ արտաքին տեսքից: Իմ ջերմեռանդ աղօթքները վերառաքելով ամենագէտ գահակալին, գնացի ճանապարհորդների մասին մտածելու: Իսկ երբ ընակարանս վերադարձայ, ինձ մօտ եկան երկու անծանօթ աստիճանաւորներ—Նազմբէյ և Բաքիր աղան:

Այս երկուսն էլ տաճկաց այդտեղի աստիճանաւորների շարքում աչքի էին ընկնում իրանց բարի ընաւորութեամբ և փոքր ինչ լուսամիտ դատողութիւններով:

Դեռ նախընթաց օրը՝ երբ Փաշային այցելութեան գնացի և խնդրեցի, որ մի քանի զինուորներ նշանակէ ժողովուրդը հսկելու համար, նա իսկոյն հրամայեց Բաքիր աղային, որ այդ մասին կարևոր

կարգադրութիւն անէ:

Ամէն կարգադրութիւն անելուց յետոյ, Բաքիր աղան ինձ մօտ եկաւ և փոքր ինչ գէսից գէնից խօսելուց յետոյ, խնդրեց ինձ գնալ իւր ընկերակից Նազըմ բէյի մօտ, առարկելով թէ՛ նա լուսամիտ անձնաւորութիւն է և մեզ այս և այն գործում կարող է օգնող ու աջակցող լինել:

Համաձայնուեցի և հետևեցի Բաքիր աղային: Նազըմ բէյը տարիքով մօտ երեսուն, բարձր բոյով երիտասարդ էր. բաւական զբաւիչ արտաքինով, աշխոյժ և նուրբ քաղաքաւարական շարժումներով: Եւ նա ամենաքաղաքաւարութեամբ ընդունելով, խնդրեց նըստել. իսկոյն սուրճ բերել տուաւ, ապա խօսք բաց արաւ նախ՝ մեր ճանապարհորդութեան մասին ընդհանրապէս և ապա՝ մեր մասիե մասնաւորապէս: Նրա խօսակցութիւնը շափած, ձեւած էր և իսկապէս այդ երիտասարդը բացառութիւն էր կազմում Բայազէտի բոլոր պաշտօնեաների մէջ: Սուրճից յետոյ նկատեցի որ ծառան նախաճաշի սեղան է պատրաստում: Տեղիցս շարժուեցայ հրաժեշտ տալու՝ սակայն չեղաւ. նա սկսեց իւր թախանձանքը և մենք վերջապէս մնացինք: Նախաճաշից յետոյ, կամենալով քաղաքաւարութիւնը—քաղաքաւարութեամբ հետ վճարել, երկու պարոններին խնդրեցի, որ երեկոյեան ընթրքի՝ ինձ մօտ շնորհ բերեն: Նրանք չմերժեցին և երեկոյեան եկան:

Կովկասից ինձ հետ վերցրած չոր ձկնեղէնը,

խաւեարը՝ կարմիր գինու հետ, զարդարեցին մեր սե-
զանը, ապա այդ բոլորը տեղի տուին տաճկական
փլաւին և մենք կարողացանք քաղցր տրամագրութեան
հասցնել տաճիկ հիւրերին: Ընթրիքը՝ մեզ մինչև իսկ
մտերմութեան հասցրեց և երկու պաշտօնեաները սկ-
սեցին պատմել իրանց մասին: Նազմ բէյը՝ իւր պատ-
մելով բուն Պօլսեցի էր. յայտնի ընտանիքի որդի՝
այժմ հեծեալագօրաց 19-րդ գնդի հարիւրապետ. սկզ-
բում եղել է Փադի-շահի թիկնապահներից մէկը, կըր-
թութիւն է ստացել Պարիզում և տաճկական գինու-
րական ուսումնասիրանում: Փոքր ինչ տոգորուած լի-
նելով ազատամիտ աշխարհայեցողութեամբ, ենթար-
կուել է նկատողութեան և ուղարկուել՝ ամայի Բայա-
զէտը: Իսկ Բաքիր աղան, Կովկասցի—Ղուբայից: Ման-
կութեան օրերում ընկել է թիւրքիա և մնացել այդ-
տեղ. ըստ արտաքինի՝ շերքեզի էր նմանում: Նա ևս
հարիւրապետի պաշտօն անէր Համիդէի 90-րդ գօրա-
գնդի մէջ: Դա մօտ 40 տարեկան տղամարդ էր. սև,
խոժոռուած դէմքով, բարցրահասակ, բնաւորութեամբ
և խօսակցութեան ձևով—նազմ բէյի հակապատկե-
ւըն էր: Նա խօսում էր քիչ և իւրաքանչիւր խօսք
արտասանում էր կասկածանքով:

Բաքիր աղայի համար, Փաշայի մօտ՝ մուտքը ա-
զատ էր, սակայն նազմ բէյն գուրկ էր, այդ արտօ-
նէութիւնից: Այդ երեկոյեան ինձ մօտ, ընթրիքի ժա-
մանակ նազմ բէյը գործ էր ածում թէ օղի և թէ
գինի, իսկ Բաքիր աղան ոչ մէկը և ոչ միւսը՝ այդ



ՏԱԿԱՀԱՅ ԳԱՂԹԱԿԱՆՆԵՐ ԲԱԳՈՒՄ.

Дозволено Цензурою 4 Мая 1902 года. Тифлисъ.

Типогр. Я. Г. Гюльбасарова, Бану.

О. РЕНАРЪ

երեկոյ անցաւ շատ ուրախ:

Ընթրիքից յետոյ, Բաբիը ազան դարձաւ ինձ ու
ասաց. «քէշիշ Էֆէնդի, հիւրասիրութեան հերթն այժմ
իմն է, նա մանաւանդ որ մենք մի երկրացի ենք, ու-
րեմն պէտքէ իմ տունն էլ յարդես ու դաս ինձ մօտ:
Եպա բարի գիշեր մաղթելով գնացին:

Կիւրակի օրը, երբ եկեղեցուց տուն վերադար-
ձայ, Նազմ բէյին ու Բաբիը ազային այդտեղ հանդի-
պեցի, ինչպէս որ արդէն յիշել եմ: Վերջինս յայտնեց՝
թէ մեզ ճաշի է սպասում ինքը մի նշանաւոր այգում,
որտեղ պէտք է լինին Փաշան և ուրիշ հիւրեր: Խօսք
էր տուել, ուստի չէի կարող այդ հրաւէրը մերժել:
Իսկ Նազմ բէյը յայտնեց, որ իւր ձիերից երեք հաս-
ընտրել՝ և իմ տրամադրութեան ներքոյ է թողել, ա-
ւելացնելով, որ այդ ձիերը մեզ կ'ծառայեն մինչև
մեր գնալու օրը:

Ձիերը հեծնելով դուրս եկանք քաղաքից: Մեզ
ուղեկցում էր Նազմ բէյը՝ իւր ծառայ գինուորներով:
Քաղաքից դուրս պատահեցինք մի անախորժ գէպքի:
Մի քանի հայեր գալիս էին քաղաք: Ճանապարհին
զրանց հանդիպած քրդերն ու թուրքերը՝ սկսեցին
հայհոյել և քարեր արձակել նրանց վրայ: Նազմ բէյը
այդ տեսնելուն պէս, մտրակ հասցրեց իւր ոսկեղոզ
ձիուն, որ վեր ու վար անելով գետինը զրուիւնով,
թռաւ, սլացաւ և հասաւ քիւրդերից մէկին: Նրան յի-
տեց իւր գինուորականներից մէկը, իսկ մենք փոքր ինչ
արագացրինք մեր ձիերի քայլերը: Սակայն երբ աւ-

սայ, որ անիրաւ քիւրդը հառաչում է նազմ բէյի մըտ-
րակների տակ, մտածեցի՝ որ այդ դէպքը կարող է
վատ հետեանք ունենալ, որոշեցի շուտով հասնել և
մի երկու անգամ մտրակելով ձիուս, բլրից վայր ար-
շաւելով, քանի ըոպէից կանգնեցի նրա մօտ: Խնդրե-
ցի որ վերջ դնէ իւր հարուածներին, բայց նա շուտ
էլ չ'սաց և ես զբեթէ քիւրդին ուժով ազատեցի
նրանից:

2է, քէշիշ էֆէնդի, ուրիշ կերպ չես կարող խրա-
տել այդ անիրաւներին և լաւ է, որ փախչելու փորձ
չ'արեց, ապա թէ ոչ՝ զինուորիս գնդակի համը կ'տեսնէր:

Նազմբէյին յայտնեցի, որ նախ քան այգին գնալը
կամենումիմ ժողովրդին այցելել: Նա մեծ սիրով հա-
մաձայնեց և միտոին գնացինք գաղթականների մօտ:
Այս և այն հարց ու փորձն անելուց յետոյ, իմացայ
ամէնքի գոհունակութիւնը: Ապա նազմբէյը խօսեց, սիրտ
տուաւ ամէնքին ու ասաց. «հանգիստ և ուրախ եղէք,
եթէ որևէ պակասութիւն ունենաք, ուղղակի դիմեցէք
ինձ»: Պահապան զինուորներին էլ հրամայեց, որ
աշալուրջ լինին և աշխատեն մի մազի չափ նեղու-
թիւն չ'լինելու նրանց համար:

Այստեղ ամէն ինչ կարգապահելուց յետոյ, մենք
միասին դիմեցինք դէպի Բաքի՝ աղայի հիւրասիրու-
թեան տեղը, որը այդտեղից երկու վերստ հեռաւորու-
թեան վերայ էր ընկած:

Այգին իւր ճոխ ծառաստաններով սքանչելի
պատկէր էր ներկայացնում: Թաւախիտ ծառերը,

հոտաւէտ ծաղիկները, կարկաշիւն աղբիւրը, իւրաքան-
շիւր մարդու հոգի ու կեանք են ներշնչում:

Եւ առհասարակ Բայազէտը ճանապարհորդնե-
րին զրաւելու համար, բացի երկու այգուց ուրիշ
ոչինչ չունի: Այգիներից մէկն այգ էր. իսկ միւսն
պատկանում է Սարգիս աղային:

Բաքիր աղան մէզ դիմաւորեց այգուց դուրս և
ընդունեց վերին աստիճանի քաղաքաւարութեամբ:
Այդտեղ հրաւիրուած էին և ուրիշ շատ հիւրեր,
իրենց հաշտարար դատաւորը, արքունական դանձա-
պահը, պարսից հիւտատոսը և այլք: Ամէնքին էլ մեզ
ներկայացրեց ինքը՝ Բաքիր աղան: Փոքր ժամանակ
անցնելուց յետոյ եկաւ և Փաշան, որից յետոյ վերա-
նորոգեցին թէյը: Թէյ լամելու միջոցին, երբ ես խօ-
սում էի փաշայի հետ, յանկարծ դաղթականներից
մէկը առաջ եկաւ, սաստիկ հեւալով և ինչ որ բան
փափսաց Յովհաննէսի ականջին: Յովհաննէսը իսկոյն
յուզուեց. թէպէտ և ոչինչ չ'խօսեց, բայց ես նրա
դէմքի այլայլուելուց շատ բան հասկացայ և այլևս
չ'համբերելով հարցրի նրանից դաղթականի գալու և
իւր դէմքի այլայլուելու պատճառը: Նա ասաց թէ՛
ինչոր պաշտօնեաներ մտել են ժողովրդի մէջ և անցա-
գրի ու այլ գանազան իրերի պահանջներ անելով
խուզարկումեն բոլորին:

Իմ յուզմունքն էլ ի հարկ է վառուեց և ես խ-
կոյն դարձայ փաշային ու այդպիսի անօրէն վար-
մունքի համար յայտնեցի իմ դժգոհութիւնը, այլ և

խնդրեցի որ վերջ դնէ այդ բոլորին: Եւ նա անսա-
լով իմ խնդիրքին կարգադրեց մի ձիաւոր նշանակել
Յովհաննիսի հետ և ուղարկել եղելութեան տեղը և
իրը թէ վերջ դնել անկարգութիւններին: Նորա
գնացին:

Կարճ ժամանակից յետոյ Յովհաննէսը լուր բե-
րաւ թէ՛ մի ինչ որ մաքսապետ խուզարկելով ժողո-
վրդին, տուգանքների սլաութրուակով առել է նրանցից
մօտ 25 լիբա դրամ, այլ և շատերին հայհոյել է ու
անպատուել: Այդ միջոցին այգտեղ եկաւ և այդ յան-
գունգն մաքսապետը: Յովհաննիսի բերած տեղեկու-
թիւնից աւելի յուզւած՝ դարձայ նրան ու ասացի.
«Ի՞նչ իբրաւունքով դուք մտնումէք ժողովուրդին այդ-
քան նեղացնում, եթէ զրամ ժողովելու հարկ կար,
ինչո՞ւ նախ ինձ չէիր գիմում»:

Լկտի մաքսապետը դարձաւ ինձ ու ասաց. այդ
ձեր գործը չէ, դուք այդ ժողովրդին հասցրել էք
մինչև այստեղ, ուրեմն բաւական է, այսուհետև դուք
պարտաւորէք վերադառնալ, նրանք մերն են և մենք
դիտենք թէ ինչպէս պիտի վարուինք նրանց հետ:
Ո՛չ, պատասխանեցի նրան, բարկացած ձայնով.
«Նրանք պիտի ապրին Սուլթանի խնամքով, որով-
հետև այստեղ զալը կարգադրուած է Ռուսաց կայ-
սէր անօրէնութեամբ և Փաղիշահի կամքով: Մեծա-
փառ կայսեր բարձրագոյն հրովարտակի համաձայն,
հայ զօղթականները պիտի վերադառնան իրանց
հայրենիքը և այլևս նեղութիւն չպիտի կրեն. ուստի

և ձեր վարմունքի դէմ ես կ'ըողորէմ՝ ուր հարկն է»։
Այս խօսքերն ասելով ջոյց տուի և մեր ողորմած
կայսէր հրովարտակի համաձայն տուած, հետևեալ
ուուէրէն վկայականներից մէկը, — ահա պատճէնը։



ՊԱՏԱԿՆ. № 135

ПРОХОДНОЕ СВИДѢТЕЛЬСТВО.

Дано сіе изъ Бакинскаго Городскаго Полицейскаго Управленія турецко подданному Симону Микиртичянцу «съ семействомъ, состоящимъ изъ.....душъ а имено
лѣтъ и дѣтей»

Въ томъ, что онъ перечисленнымъ семействомъ принадлежитъ къ числу армянъ беглецовъ и согласно изъявленному желанію отправляется изъ города Баку обратно на родину въ Турцію по слѣдующему маршруту: по желѣзной дорогѣ на станцію Акстафу, а оттуда черезъ Дележанъ, Эриванъ и Игдирскую таможенную заставу на карантинно-таможенный постъ «Орговъ» въ гор. Ванъ.

При этомъ предъявитель сего свидѣтельства съ семействомъ согласно Высочайше утвержденному въ 26 день Марта мѣсяца сего года постановленію Комитета, имѣеть прослѣдовать чрезъ границу безъ соблюденія таможенныхъ обрядностей.

Изложенное подписью и приложением казенной печати удостоверяется.

Мая 24 дня 1898 года г. Баку.


Помощникь Бакинскаго Полціймейстера
Капитань К.

Секретарь А.

№ 176.

1898 г. мая 24 дня.

Помощникь Столоначальника М.



Мѣсто для печати.

Որ գտանվում էր ինձ մօտ և որ իրանք տեսնելով զլուխները կորացրին, համոզուելով, որ իրանց վարմունքը միանգամայն հակառակ է օրէնքին:

Ապա աւելացրի «Ռուսաց ոլորմած պետութիւնը խզճիւ և գթութեամբ ուղարկեց նրանց իրանց հայրենիքը, առանց մի փարայն առնելու, իսկ դուք իւրաքանչիւրից մէկ լիբայ էք պահանջում. տեսէք ուրեմն, եթէ Ռուսաց կառավարութիւնը ձեզ նման վարուէր, նա պիտի մօտ 400,000 ռուբլի առնէր գրանցից որովհետև գաղթաւիանաց թիւը հասնում է մինչև 40,000-ի բայց նա այդ չ'արաւ. նա մարդասիրաբար և անկեղծ խզճմտանքով վարուեց: Իսկ չ'նայած, որ սրանք ձեր ժողովուրդներն և սրանց հետ դուք առաւել գթութեամբ պիտի վարուէիք, ընդհակառակն՝ կեղեքում էք՝ և այսքան շարշարանքի ենթարկում, յամենայն դէպս արէք, եթէ կամենում էք ես իսկոյն կ'հեռագրեմ Արզրումի մեր հիւպատոսին և թող նա խօսի Վալլի հետ. իսկ թէ ինչ կարգադրութիւն կ'անի Վալլին՝ այդ կ'տեսնենք. բայց ծայրահեղ դէպքում հաւատացէք, որ այս ժողովուրդը ես նորից Ռուսիա կ'վերագարձնեմ և այնուհետև ի հարկ է դուք մեծ պատասխանատուութեան կ'ենթարկուիք, իսկ դուք, փաշա էֆէնդի, յուսովեմ, որ իմ հեռագրելուն դեմ չէք լինիլ:

Ո՛չ, ինչպէս կամենում էք, պատասխանեց փաշան և աչքի նշանով իմաց արաւ մաքսապետին, որ հեռանայ այնտեղից: Ապա դարձաւ ինձ ու ասաց.

«Միամիտ եղէք, գնացէք հեռագրեցիք, ես ես կ'հեռագրեմ Վալիին. եթէ նա հրամայեց այդ փողերը վերցնել, այն ժամանակ կ'վերցնենք, իսկ եթէ հրամայեց վերադարձնել, այն ժամանակ մենք փողերը կ'ուղարկենք Վան՝ իրանց տէրերին բաժանելու»: Այս ասելով, փաշան ներողութիւն խնդրեց և մի քանի ընդունակ հեռացաւ: Երա հետ դուրս գնացին և իւր ընկերները նորա մօտ քաւորդ ժամ ուշացան: Մենք մնացինք վարանման մէջ. ինչեր ասէք, որ մեր մտքովը չէր անցնում. զանազան կասկածներ պաշարեցին մեզ: Իսկապէս մեզ համար սա մի վտանգաւոր ընդէք. բայց միւս կողմից մենք ուրախ էինք, որ մեզ մօտ էր գտնվում ազնիւ՝ Նազմբէյը իւր ընկերակից Բաքիր աղայի հետ. նորա երեւի նկատելով մեր շփոթուած դրութիւնը յաճախ մօտենում էին մեզ, սիրտ էին տալիս, խրախուսում և ցոյց էին տալիս նրանց հետ վարուելու կարևոր ճանապարհները:

Նազմբէյը միշտ կրկնում էր. «Սրանց մօտ Դուք ձեզ բոլորովին վախեցած մի ցոյց տաք. միշտ խրոխտացէք և շտապէցէք հեռագրել Վալիին. եթէ մինչև անգամ նրանից բաւարար պատասխան չ'ստանաք, այնուհետև հեռագրեցէք ուղղակի Սուլթանին. մի խօսքով նրանց հետ մի գործ առաջ տանելու համար հարկաւոր է միշտ անվախ լինել և բնուր երկիւզ չ'կրել. այլապէս սրանք իրանց ձեռները ձեր գրպաններին էլ կ'հասցնեն»:

Նոյնը կրկնում էր և Բաքիր աղան, որը՝ նոյնպէս

հաճախ մօտենում էր մեզ, մերթ ներողութիւն խընդրում, որ իւր վրանի տակ այսպիսի անախորժութիւններ տեղի ունեցան, մերթ խրախուսում: Նա յուզմունքից կատաղել էր: Իւր բարկութիւնը ոչնչով չէր ցոյց տալիս. սակայն նրա դուրդուն խօսակցութիւնը, դէմքի վրդոված արտայայտութիւնը վկայում էին, թէ սրտի խորքերում ինչեր չէր կատարում:

Քիչ ժամանակից յետոյ փաշան իւրայիններով վերադարձաւ իւր վրանը: Իսկ մենք դեռ այդպէս մտախոհ նստած էինք մեր վրանում և ահա Բաքիր աղան մօտեցաւ մեզ և ամենայն քաղցրութեամբ ներողութիւն խնդրելուց յետ յայտնեց, որ փաշային առանձին թողնելը անյարմարէ, ուստի և խնդրեց գնալ նրա մօտ:

Զմերժեցինք հիւրասէր տիրոջ խօսքը. այլև մի նոր տեղեկութիւն իմանալու համար գնացինք փաշայի վրանը: Փաշան մեզ տեսնելուն պէս, ժպիտն առած շրթունքներին՝ ասաց, «Էֆէնդի, ինչպէս երևում է շատ էք նեղացել. ինչ արած ես ոչինչ չէի կարող անել. այդ մաքսապետը Վալլի անմիջական իշխանութեան ներքոյ է, ապա թէ ոչ, ես թոյլ չէի տալ նրան այսպէս վարուելու» և աւելացրեց, որ ես նեղութիւն չկրեմ հեռագրելու Վալլիին, այլ այդ հեռագիրը կ'ուղարկ է ինքը և ամեն ինչ էլ կ'կարդադրէ ինքը: Ես համաձայնեցի: Վերջումը նազմբէյին մեզ մօտ եկաւ և ասաց, որ իմ բարկութիւնը շատ տեղին էր և որ այդպէս էլ հարկաւոր էր. նրանք

արդէն վախեցան, երբ լսեցին որ ես ուզումեմ Վալիին հեռագրել, որովհետեւ մաքսապետը իրաւունք չունէր նրանց խուզարկելու և մինչև անգամ դրամ ժողովելու և աւելացրեց նաև այն, որ Կայսեր հրովարտակի իմաստը ազդեց նոցա վրա և հենց այդ բոլորի համար էր, որ առանձնացան և խորհրդակցեցին իրանց սխալը շուտով հարթելու:

Փաշայի մօտ մի քանի բոլոք մնալուց յետոյ, վերադարձայ մեզ համար որոշած վրանը: Այդտեղ մեզ հիւրասիրող Բաքիր աղաւին յայտնեցի որ ես այլևս մնալու անկարող եմ և ճաշելու էլ ամենևին հնարաւորութիւն չունիմ ժողովուրդի դրութիւնը ես երեակայումեմ որովհետեւ մաքսապետի հասցրած վիրաւորանքը շատ դառն է, ես դիտեմ, որ նրանք շատ են վշտացած, ուստի և պէտքէ շտապեմ նրանց մօտ:

Բաքիր աղան սկսեց անվերջ թախանձել. «Իմ ճաշը ձեր անուան համար է պատրաստուած, ստաց նա, ձեր գնալով ինձ անշափ վիրաւորած կ'լինիք, խնդրումեմ մնացէք»:

— Ես չեմ կարող այն մարդկանց հետ հաց ուտել, որոնք այսքան վիրաւորանք հասցրին թէ ինձ և թէ ինձ յանձնուած ժողովրդին, պատասխանեցի ես:

«Գէթ այստեղ, այս վրանի տակ, մի կտոր հաց կերէք, որ ես իմ խղճի առաջ հանգիստ լինիմ, որովհետեւ այս շարաբաստիկ հիւրասիրութիւնը պատճառ եղաւ ձեր բացակայութեանը, որից և օգուտ քաղեց շարանենդ մաքսապետը» ասաց նա:

Նրա երկար թախանձանքներին զիջանելով, թե-
թե ճաշ ընդունելուց յետոյ, Ռուբէնին և Յովաննիսին
այնտեղ թողնելով, ևս զնացի ժողովրդի մօտ: Գնա-
լուց առաջ իմ շնորհակալութիւնը յայտնեցի Բաքիր
աղային. որի աճեցողութիւնն արգէն տեսայ և որը՝
սաստիկ վիրաւորական խօսքեր էր շանթել մաքսա-
պետի երեսին առարկելով թէ այդպիսով անպատուեց
իրան և իւր հիւրասիրութիւնը. սակայն զուրս զնա-
լուց փաշայի հետ չ'տեսնուեցայ և իմ այդ վարմունքս
պակաս ազգեցութիւն չէր սրել նրա վրայ:

Ժողովուրդին սիրտ տուի մխիթարեցի, ապա
ցուցակազրեցի այն բոլորի անունները, որոնցից
մաքսապետը լիբաններ էր զուրս կորզել. մանրա-
մասնօրէն ցուցակազրեցի և իւրաքանչիւրի տուած
գրամները քանակութիւնը. նոշից խրախուսեցի, սիրտ
տուի և ապա վերագարձայ մեր բնակարանը:

Երեկոյեան մօտաւորապէս ժամը 8-ին, մեզ մօտ
եկան Բաքիր աղան և Նազմբէյը և յայտնեցին, որ
փաշան խնդրել է մեզ հետեւեալ օրը երեկոյեան շնորհ
տանել իւր մօտ շօրթայ վայելելու—այսինքն ընթրե-
լու: Եւ մինչև իմ սլատասխանն ստանալու, իրանք
բարեկամաբար խորհուրդ տուին զնալու, առարկե-
լով որ այդ օրը փաշան սաստիկ վրդովուել է և
մինչև անգամ յոնդիմանել է Բաքիրին թէ հիւրերի
հետ ինչպէս կարելի է այնքան անփոյթ վերաբերուել:
Զիջանելով նոցա, խոստացայ միւս երեկոյեան ընթրի-
րի զնալ փաշայի մօտ:

Հետեւեալ առաւօտեան մեզ մօտ եկաւ Բաքիրը
և յայտնեց, որ հեռագրի պատասխանն ստացուել է
և հրամայուած է. «Այս ժողովուրդից ոչինչ չ'պահանջել,
իսկ այսուհետև եկողներին առանց անցազրի,
չընդունել:»

Երեկոյեան զնացինք փաշայի մօտ: Ամենայն յար-
զանքով ընդունելուց յետոյ մօտ ժամը 8-ին առաջար-
կեցին մեզ թէյ, որից յետոյ քիչ ժամանակ չ'անցած՝
բացին ընթրիքի սեղանը: Սեղանակիցները՝ փաշան
էր, Բաքիր աղան, Նագմբէյը, ես և իմ երկու ընկեր-
ները: Տաճկի սեղանը պահպանել է արևելեան հին
ճոխութիւնը.— առաջին սկուտեղում մատուցին ամ-
բողջովին տապակած դառը՝ փորը լեցուն զանազան
համեմներով, ապա մի շաքը մսեղէն, բրնձեղէն, բան-
ջարեղէն կերակուրներ և զանազան տեսակի քաղցր
թխուածքներ, մօտ տասնևվեց տեսակի կերակուրներ:
Բերրի երկիր, փաշայի հրամանը անսահմանափակ,
ինչ կասկած, որ նրա սեղանից այդ բոլորը զրեթէ
ամէն օր անպակաս պիտի լինէին: Նրանք կոնեակ
էին խմում, իսկ մենք բերել տուինք մեզ հետ ունե-
ցած զինին:

Փաշան ևս նախապատուեց զինուն, առարկելով
թէ ինքը Ռուսաստանում ապրէլ է ամբողջ ութ ամիս
և այնպեղ սովորել է զինու զործածութիւնը: Այլ և
պատմեց, որ այդ զէպքը եղել է Պէրսիայի պատե-
րագմի ժամանակ, երբ ինքը մի քանի փաշաների
հետ զերի էր ընկած ռուսների ձեռքը: Ա՛խ, սրբան

մարդասիրաբար էին վարվում նրանք մեզ հետ, սասայ նա. ես զգում էի թէ մեր տաննեմ ապրում և այդ ժամանակ ահա, այդպիսի հանգամանքների շնորհիւ ութ ամիս մնացի Ռուսաստանում—Ռոստով քաղաքում և բաւական չափով ընտելացայ այնտեղի հայերի կեանքին, որոնց մօտ և սովորեցի, ի միջի այլոց և գինու դործածութիւնը:

Ընթրիքի ժամանակ փաշան ցոյց տուաւ մեզ ստացած հեռագիրը, որի բովանդակութիւնը այս էր «այդ ժողովուրդից ոչինչ մի պահանջէք. իսկ յետոյ եկողներին առանց անցազրի մի ընդունէք»: Ապա փաշան աւելացրեց. «ուրեմն այս գաղթականները առանց նեղութեան կ'գնան Վան. իսկ ինչ մնում է դրանցից սուած դրամներին, այն էլ Վալիի կարգադրութեամբ ևս կ'ուղարկեմ Վան և այն տեղ կ'հասցնեն իրանց տէրերին»: Ուրիշ ճար չ'ունէի, լռեցի և ընթրիքը վերջացնելուց յետոյ, շնորհակալութիւնս յայտնելով դուրս գնացի, եկայ բնակարանս պատրաստվելու՝ Վան ճանապարհուելու: Կառապանին էլ արդէն տեղակացրի, որ միւս օրը ճամբայ պիտի ընկնենք. այս և այն կարգադրութիւնն էլ արի սակայն հետեւեալ օրը նազմբէյի մօտ, նախաճաշի ժամանակ Քաքիր ազան յայտնեց որ, իբր թէ ինքը տեղեկութիւն ունի թէ ինձ հազիւ թողնեն ժողովուրդին առաջնորդելու մինչև Վան:

Սիրտս տրոփաց, հազարաւոր մտքեր կայծակի արագութեամբ պաշարեցին ինձ:— Ժողովուրդը թող-

նիւ անտէր, Վեհափառ հայրապետի հրամանն անկատար, հայրենակիցներին յոյսերն ապարդիւն. . . ո՛չ, անկարելի է, պետքէ աշխատել, պէտք է գնալ:

Եւ ընկնելով ծանր վարանման մէջ, սաստիկ դիտելով Բաքիր աղային խնդրեցի որ ստուգէ այդ լուրը և շուտով հաղորդէ ինձ:

Նա գնաց փաշայի մօտ և եկաւ. մռայլուած դէմքով յայտնեց, որ ցաւ ի սիրտ լուրը ճիշտ է և հրամայուած է ինձ յետ ուղարկել: Այլ ևս չ'համբերեցի դուրս եկայ և դիմեցի դէպ փաշայի բնակարանը:

Փաշան նախ կեղծաւորի յատուկ բնաւորութեամբ ասաց. «Մենք որոշեցինք ձեզ այլ ևս նեղութիւն չ'տալ, դուք կարողեք հանգիստ սրտով վերադառնալ ձեր հայրենիքը. իսկ այդ ժողովուրդը բոլորովին անվնաս կ'գնան իրանց ծննդավայրը»:

— Բայց ես չեմ կարող այստեղից վերադառնալ, ասացի նրան. ես էլ պաշտօնեայ եմ, ինձ հրամայուած է մինչև Վան գնալ. վերջապէս մենք արտասահմանի անցազիր ունենք, մենք կարողենք առաջ գնալ, ուր և կամենանք:

«Այդ նշանակութիւն չունի, թէ դուք անցազիր ունիք» պատասխանեց փաշան. «ձեր գնալու դժուարութիւնները շատ են. վերջապէս ձեզ դրականապէս ասումեմ, թէ ինձ յայտնուած է, որ ձեր գնալն անկարելի է, դուք պէտքէ վերադառնաք:

Փաշան պատճառը չ'յայտնեց, իւր վերջին խօսքը նա այնպէս դրական ձևով արտասանեց, որ ես հաս-

կացայ թէ այլևս զուր կըլինի իմ ջանքը անօրոք տաճկին մեղմացնելու. թողեցի նրան և դառնացած սրտով վերադարձայ տուն:— Կարծես վշերի վերայ էի ընկած, անգաղար վարանում էի և շէի կարողանում հանգստանալ. ան, քանի քանի սրտեր պիտի վշրեմ: Իրար յետևից աչքիս առաջ պատկերանում էին Վեհափառ Հայրիկ, խեղճ գաղթականներ. թվում էր թէ նրանք ինձ յանդիմանումեն, ինձ խոցոտում և գոչում. ապիկան, ինչո՞ւ մեզ միայնակ թողեցիր, ինչո՞ւ բերար մեզ մինչև այստեղ և հանգամանքների շնորհին թողեցիր: Այս մտատանջութեան մէջնէի և ահա այս երեակայութիւններն իսկոյն իրականացան. յանկարծ աղմուկ, գրգոց թնդացրին բնակարանիս շուրջը: Դաղթականներն էին գրանք. իմ խնամքին յանձնուած մի ամբողջ հօտ: Դուրս եկայ և ահա ամէն կողմից դառնազին բարբանջանք է, որ թափումեն իմ առաջ:

«Ի՞նչ արիր այս», գոռում էին նրանք. «ինչո՞ւ բերիր մեզ և թափեցիր այստեղ. այժմ ինքզ կամենումես հեռանալ. ինչո՞ւ մեր անբաղղ մանուկները թրի ու կրակի յանձնեցիր»:

Կամենում էի խօսել, բայց լեզուս կարկամում էր. արտասուել, վրդովուած սիրտս էլ արտասուք. չէր քամում. ան, ինչ զերեմ խաղում ես. ո՞ւմնեմ փոխարինում. ո՞ր անբաղղ հովուի, ո՞ր ժողովրդակօրոյս կառավարչի, ինքս էլ չգիտէի, լուռ էի և այն խոցոտիչ ու վիրաւորիչ յանդիմանութիւնները դեռ լուռ

լուռ լսում էի, կարծես արժանի էի այդ բոլորին: Վերջապէս արտասունքս կաթեցնելով, դարձայ ուսացի:

— Մայրեր, քոյրեր, հայրեր և եղբայրներ, մի հայհոյէք ինձ և մի տրանջաք ինձ դէմ, ձեզ հետ սլատրաստ էի ոչ մինչև Վան, այլ մինչև Ձէյթուն ևս զնալ, բայց ինչ անեմ. ինչ միջոցի դիմեմ, քանի որ արգելում են, քանի որ ես անզօր եմ, միջոց, հնար չունիմ, թոյլ շին տալիս, ասացէք այժմ. ինչ անեմ, վարուեցէք ինձ հետ ինչպէս կամենումէք, բայց նախ լաւ իմացէք, տեսէք արժանի եմ այդ բոլորին: Չէ որ ես կառքը վարձելեմ մինչև Վան, չէ որ ձեր սիրոյ համար ես թողելեմ հազար տեսակ մտքերի մէջ մի բուն զաւակներ, որոնք այս իսկ բոլէին՝ ո՞ գիտէ, թէ ինչեր են մտածում իմ մասին, չէ որ նրանց թողած ձեզ եմ հետեւել, ձեր ետեւից եկել. ինչ անեմ որ անսիրտ ուժեղը ինձ արգելում է մխիթարել ձեզ և մխիթարուիլ ձեզանով. վերջապէս դուք էլ պէտքէ աշխոյժ, աչքաբաց լինէք. Փաշան իւր կողմից խոստացաւ հարիւրի չափ զինուորներ նշանակել ձեզ համար, իբրև պահապաններ. ես այդ զինուորներին վարձ կ'տամ, որ ձեզ լաւ հսկին:

Նրանք հանդարտուեցին: Ապա աւելացրի, որ Փաշայից երաշխաւորութեան թողթ պիտի առնեմ որպէս զի ձանապարհներին ոչոք իրաւունք չ'ունենայ նեղացնել:

Եւ իսկապէս այդ երաշխաւորութիւնը Փաշան

խոստացաւ, այլ և որոշեց 70 զինուոր պահապան նշանակել.—50 հետեակ զինուորնեւրից, իսկ քսանը հեծեալ ժանդարմերեայից: Նրանց համար էլ իբրև ուտելիաց վճար՝ ես խոստացի տալ 100 ուրբլի:

Իսկ դորանից առաջ ես Բաքիւր աղայի միջոցաւ առաջարկեցի փաշային, 250 ուրբլի. որպէս զի այդ վարձով իբրև պահապան նշանակուի նազըմբէյը իւր ստորադրեալ քառասուն զինուորներով, մանաւանդ որ ինձ ասացին թէ, ճանապարհներին կարող են քրդեր յարձակուիլ:

Բաքիւր աղան լուր բերաւ, որ Փաշան նախ այդ առաջարկութեանը համաձայն չէ, և երկրորդ՝ գուր եմ կարծում թէ՛ քիւրդերը կարող են յարձակուիլ, նրանք ոչինչ չեն անիլ, այդ կողմից ես կարող եմ ապահով լինել:

Փաշային կարելի էր հաւատալ, որովհետև որքան տեղակացայ, քիւրդերը գլխաւորապէս յարձակում են տեղական իշխանաւորների գիտութեամբ, հետեաբար կարելի էր յոյս ունենալ, որ Փաշան գէթ այս անգամ արգելք կըլինի քրդերի յարձակումներին: Եւ վերջապէս Փաշան չէր կամենալ, որ նազըմբէյն առաջնորդէ, այն էլ իւր զինուորներով, Ինչևիցէ յարգեցինք Փաշայի արած կարգադրութիւններին. ապա դիմեցինք քարվան վարձելուն: Այս գէպքում մեզ ճանձրացնում էր Փաշայի կողմից մեզ համար նշանակուած օգնական—Փօլիսը (ոստիկանը), որ իւրութանչիւր քայլում իւր մանրակրկիտ հարցերով ճան-

ձրոյթէր բերում մեզ: -- Ի նշքան եզր պիտի վարձուի, ինչքան գումէշ, ինչքան ձի և այլն:

Այս ձանձրութիւնից մեզ ազատեց մի պատուական հայ—Գասպար Էֆէնդին, որ կեանքի բովն անցած առևտրական առպարիզում տարիներ անցկացրած մի փորձած մարդէր. նա առևտրական յարաբերութիւն ունէր և Բագում, պ.պ. Եղբարց նարաթեանների հետ: Մի խօսքով այս մարդու հանդիպումը առանձին յաջողութիւն էր. որովհետև նա կարգադրեց ամէն ինչ ցոյց տուաւ քարւաններ վարձելու բոլոր ճանապարհները, այլ և նրա միջնորդութեամբ Զանդեղոս կոչուած գիւղի բնակիչներից վարձեցինք 100 հատ եզր, 50 ձի և իւրաքաշիւրը 3 ուրբի վարձատրութեամբ: Սակայն մի նոր պատուհաս ևս ձգեց մեզ նեղութիւնների մէջ:

Վարձուած զրաստների տէրերը առաւօտեան կազմ ու պատրաստ եկան մեզ մօտ, ապրանքները կշռելու, կապտելու, որպէս զի վաղօրօք պատրաստ լինին միւս օրը ճանապարհելու: Յանկարծ այդ միջոցին երևան եկաւ մեր անզգամ Փօլիսը մի երկու այլ անձանց հետ և յայտնեց, որ Փաշան հրամայել է այս մարդկանց յանձնել քարւանները և ոչ գիւղացիներին: Անշուշտ Փաշան այստեղ մի շահավէտ ստատա ունի, մտածեցի ես, բայց իրաւ ասած, նորեկների անճոռնի գէմքերն իսկ, ծանր տպաւորութիւն թողեցին ինձ վերայ: Այսուամենայնէլ նրանք առաջարկեցին ինձ իւրաքանչիւր զրաստի համար յիսուն

կոպէկ պակաս առնել, այնպէս որ համեմատաբար գիւղացիների պայմաններից, սոցա հարիւր քսան և վեց ռուբլի պակաս պիտի տայի: Մի կողմից մտածեցի Փաշային չ'վիրաւորել, միւս կողմից 126 ռուբլի կարող էի բաժանել ժողովրդին, որ ի հարկէ փոքր օգնութիւն չէր. ուստի և համաձայնուեցինք վերջիններիս հետ և սկսեցի կշռել դազթականների իրերը: Ընդամէնը 500 պուզ, որ զլխաւորապէս բազկացած էին երկաթի կտորներից, ցնցոտիներից, փայտէ արկղիկներից, մի խօսքով իրեր, որոնք ոչ մի արժէք չունին, սակայն որոնցից երբէք չէին կամենում բաժանուիլ: Այսպէս և իրերը կապոտած պատրաստէին: Եւ ես այդ կողմից փոքրինչ ապահով, պատրաստվում էի հետևեալ օրը նրանց ճանապարհ ձգել, մի կողմից էլ գոհ լինելով Փաշայից, որ մեզ համար էժան գրաստներ է ուղարկել: Սակայն ցաւ ի սիրտ այս դէպքում ևս ես սաստիկ խաբուած էի, որ տաճկական երկրում կարծեմ շատ էլ զարմանալի չէ:

Գրաստատէրերից մէկը, մի «քօռ» անզգամ, սաստիկ նեղութիւններ պատճառեց մեզ իւր խաբեբայութիւններով: — Փիլիսոփաներից մէկը գեղեցիկ սրախօսութիւն է արել, թէ այն մարդիկ, որոնք գուրկ են մարմնոյ որևէ անզամից, նրանց սրտում պակասում է և զգացմունքների մի մասը: Այդ քօռ տաճիկն էլ նոյնն էր: Այսպէս՝ մենք վարձել էինք 150 զրաստ և նա անխղճաբար խաբելով բերել էր 100 զրաստ: Մենք պայմանաւորուել էինք եզներին 8

փութ բեռը բարձել և որոշել էինք որ, ծերերը, հիւ-
ւանդները, թոյլերն ու երեխանները պիտի նստեն
զբաստների վերայ, իսկ երիտասարդները կ'զնան
յետիոտս, բայց սոյն մեր պայմաններից և ոչ մէկը
չ'կամեցաւ կատարել խաբեբայ աղուէս տաճիկը:

Հետեւեալ առաւօտը շատ վաղ վեր կացայ և զնացի
ժողովուրդի մօտ: Բնակարանիցս մինչև այնտեղ ըն-
կած երկար ճանապարհը ինձ չափազանց կարճ թու-
եցաւ, որովհետև խորասուզված էի հազարաւոր մըտ-
քերի մէջ: Քարւանի տէրերը իրանց քօռ ընկերի հետ
զբաստները բերին և սկսեցին բեռները բարձել: Ես
վաղօրօք պատուիրել էի, որ նախ՝ բոլոր բեռները
բարձուին, զբաստներով զնացողները տեղաւորուին,
սպա այսպէս կազմ ու պատրաստ ժամանակ բոլորին
համբմ, ճշտմ և յետոյ ճանապարհուին. բայց ինչ-
պէս յիշեցի այս դէպքում խիստ անիրաւաբար վար-
ուեցին մեզ հետ:

Այն միջոցին, երբ ես զբաղուած էի մէկի ու
միւսի խնդիրը, զանգատը, պահանջը լսելու, զբաստա-
տէր տաճիկները բեռնաւորում են անասուններին և
ճանապարհ ձգում: Այդ բանը նկատումէ Յովհաննէսը
և իսկոյն ինձ յայտնում: Սմբատին շուտով ուղարկե-
ցի որ առաջ զնացողներին, յետ դարձնէ. իսկ այն
աստիճանաւորին որ պէտք է սրանց հետ զնար, ասացի
որ թոյլ չտայ և ոչ մէկին առաջ ընկնելու: Իսկ
քարւանբաշինները (քարւանի տէրերը) այդ ձևով կա-
մեցան իրանց խորամանկութիւնն առաջ տանել: Նը-

Նրաց այդ դէպքում զլիաւոր աջակիցն էլ, ինձ համար օգնական նշանակուած փօլիսն էր, որի անունը Ալլա էր:

Տեսայ որ բեռները մեծ մասը դեռ մնում էին թափուած հարցնում եմ, ո՞ւր են ձեր անասունները: Պատասխանում են թէ նրանք բոլորն արդէն բարձուած են, և առաջին ձգել:

— Հապա այսքան հիւանդները, մանուկները, պառաւները ի՞նչպէս պիտի դնան, հարցնում եմ ես:

«Այդ մեր պարտքը չէ», պատասխանում են նրանք, «թող ոտով գնան»:

Սակայն նրանց խարեբայութիւնն արդէն բացւել էր: Մեր պայմանով իւրաքանչիւր եզան վրայ պիտի 8 պուդ բեռը բարձուէր, իսկ աւանակի վրայ 6 պուդ, բայց նրանք խարել էին և իւրաքանչիւրի վերայ բարձել էին միմիայն 3 փութ: այլ և 150 գրաստի փոխարէն բերելէին ընդամէնը 100 գրաստ: Այդ իսկ պատճառով նրանք կամենում էին բարձուածները շուտով առաջ ձգել, որպէս զի խարեբայութիւնը մենք չ'նկատենք: Իսկ եթէ մնացեալ բեռները բարձելու համար 50 գրաստ ևս պահանջէինք, գրանց համար էլ ուրեմն առանձին վարձ պիտի տայինք:

Այդպիսի անիրաւութիւնից սաստիկ վրդովուած կանչեցի «քօռ» քարլանրաշուն և ասացի, բեր այս բոպէին խոստացած քարլանդ:

Նա մի արհամարհական հայեացքով նայեց ինձ

ու պատասխանեց. «զլուխս մի ցաւեցնել, բաւական է, որքան բերել եմ»:

Նորա պատասխանը փառաւոր ապտակն էր. ապտակ, որի նմանը դուցէ նա կեանքումը երբէք չէր տեսել:

Նազմբէյը, այդ միջոցին որ փոքր ինչ հեռու, իւր ոսկեթոյր նժոյգի վերայ նստած դիտում էր այս բոլորը, իմ բարկութիւնը տեսնելով, մօտ եկաւ, առաւ մտրակը և մօտեցաւ «քօռիւ» «այս ինչ դալմադալ է, ինչ անիրաւութիւն է, որ դու անումես». այս ասելով մտրակի հարուածները հասցրեց նրա գլխին, երեսին ուսերին և առհասարակ ինչպէս հասնում էր. ապա դառաւ փօլիս Աղլլային. «Գո՛ւ անիրաւ» գոռաց նա. «ինչ ես շնիկի պէս մէջ տեղ ընկել, պոչ խաղացնում. լիւրք, անզգամ, այս ըրողէիս փոշի կ'զարձնեմ քեզ»: Այս ասելով մտրակը շարժեց. բայց ադուէս Աղլլան տրդէն այդ նախազգալով, յետ էր քաշուել: Իսկ Մահմէդ Էֆենդին, որ գաղթականների ուղեկցող զինուորների գլխաւորն էր, և ըստ արտօքինին բարեբարոյ անձնաւորութիւն, իսկոյն հրամայեց բարձած զբաստները յետ դարձնել, ստէնքի բեռները վերցնել և ապա բոլորին արձակել: Այսպէս էլ եղաւ: Եւ երկու օր քարւանի պատճառով ուշացանք: Տաճիկ պօլիցիականի անիրաւութեան շնորհիւ ժողովուրդի տրտուհիներից ու հագար մի բարբանջանքներից չէի ազատուում. այդ երկու օրնէլ ցերեկները բնակարանս չ'գնացի, այլ զրեթէ կիսաքաղցած, ծարաւ, սաստիկ

վարանման մէջ անցկացրի գաղթականների մօտ: Վերջապէս որոշեցի գիմել փաշային: Երեկոյեան գնացի նորա մօտ: Բաքիր աղան և Նաղմբէյըն էլ այդտեղ էին: Իսկ Մահմադը արդէն ամէն ինչ պատմել էր փաշային: Ես ասացի «Փաշա, եթէ մի օր էլ աւելի մնաց ժողովուրդը, իմացէք, որ Բայազէդը սով կնկնի. որովհետև նրանց հացը սպառուելու վրայ է. այլ և խնդրեցի իրաւունք տալ այդ երկու պարոններին, աջակցելու ինձ քարվաններ վարձելում և գաղթականներին հանդիստ ճանապարհ ձգելում: Նա համաձայնուեց և մենք միասին վերադարձանք բնակարանս այդ մասին խորհելու:

Վերադառնալունս պէս կանչեցին այդ անզգամ փօլիսին և խստիւ հրամայեցին՝ որ այլ ևս չ'խառնուի ոչ մի բանի մէջ և նոյն ըոպէին շտապէ բոլոր քարւանըաշիններին մեզ մօտ կանչելու: Քարւանըաշինները եկան և պայմանաւորուեցինք, որ 170 եղներ ու աւանակներ բերեն 500 ըուբլի վարձատրութեամբ: Հետեալ օրը բոլոր իրերը կշռեցինք, որոշեցինք ամբողջ քանակութիւնը. համեմատեցինք զբաստնների թուի հետ և ճշտելով, որ այլ ևս նեղութիւն չի կարող լինել, գաղթականներին էլ միամտացնելով և հանգստացնելով, ճանապարհուիլը թողեցինք միւս օր առաւօտեան:

Բայց որպէս զի այդօրն էլ տպարդիւն չ'անցնի, Բաքիր աղայի միջոցով փաշայից իրաւունք առանք և գնացինք Բայազէդի բերդը տեսնելու:

Անառիկ բերդի պատերի վերայ դեռ նկատվում էր թնդանօթի հասցրած հարուածները, բայց գեղեցիկ քանդակները տակաւին վկայում էին հինաուրց գեղարուեստի նրբութիւնը: Բերդը մտնելով, առաջ՝ գնացինք բանդապետի մօտ, որ մեզ ընդունեց սիրով և հրաւիրեց իւր սենեակը սուրճ խմելու: Այդ հրաւէրն ընդունելուց և փոքր ինչ հանդիստ առնելուց յետոյ Բաքիր աղայի և բանդապետի օգնականի հետ դուրս եկանք այս և այն կողմերը շրջելու: Գեռ սկզբում հանդիպեցինք բերդապահ զինուորներին, որոնց թիւը հասնում է 200-ի: Ամէնքն էլ առոյգ, զուարթերես մարդիկ էին. թէպէտ և նիստ ու կացի պայմանները շատ անգոյն էին: Այսպէս գորանոցում նրանք ապրում էին դետնին փռուած փրսիաթների վերայ կեղտոտութիւնը հօ աննկարագրելի է, սակայն ուտելիքի կողմից մենք ինչ որ տեսանք, հակառակ էր մեր լսածներին: Գուց է այդ օրը բացառութիւն էր, որովհետեւ խոհանոցն այցելելով, մենք տեսանք, որ նրանց համար եփում են լաւ միս և մինչև անգամ փլաւ: Այդտեղից անցանք, մտանք մզկիթը, բարձրացած մինարէթի գլուխը: Այդ բարձրութիւնից մարդու սարսափ է պատում ներքև նայելիս, աստիճաններից իջնելիս համարեցի մօտ 100 աստիճան, իւրաքանչիւրը $\frac{3}{4}$ արշին բարձրութեամբ: Մինարէթից իջանք, անցանք մզկիթի գլուխը, որտեղից ամբողջ Բայազէդը երևում էր բոլոր տներով, որոնք այնքան սղմուած էին իրար, որ բոլորի կտուրները կարծէս

միացած մի ընդարձակ տարածութիւն էր կազմում: Եւ առհասարակ Բայազէզը մի շնչին գիւղի տպաւորութիւն է թողնում: Հեռում երևում է Արակածի մի մասը, որտեղից և մշտապէս փչում էին կենարար գեփիւռները: Առհասարակ Բայազէզի օդը, ջուրը, եղանակները հրաշալի են: Քաղաքն էլ իբրև բերդ ունի բնութիւնից տուած մեծ յարմարութիւններ: Ռուստաճկական պատերազմից տուաջ քաղաքի բնակիչները թիւը հասնում էր 6,000-ի. իսկ այժմ ընդամէնը 600 խարխուլ տուն է մնացել. կէս հայ և կէս թուրք բնակիչներով: Քաղաքի պաշտօնեաները բացառապէս թուրքեր են:

Ներկայումս օտարազգիների մանաւանդ հայերի վերայ նայում են խէթ աչքով: Տեղական հայերի դէպի մեզ ունեցած սառնութիւնն էլ վերջը իմացանք՝ որ երկիւղից է այդպէս. որովհետև խիստ աչքով են նայում այն հայի վերայ, որը մի առանձին սէր ցոյց կտայ իւրայիններին ևս առաւել օտարականներին: Վերոյիշեալ Քասողար էֆէնդին, որ սկզբում մեզ օգնում էր քարւաններ վարձելու, այլևս չերևաց: Եւ իւր Նուզմբէյի տանը, նրան պատահելով, յայտնեցինք մեր նկատողութիւնը, նա ասաց որ նախ՝ իրան կանչեցին և արդելեցին մեզ՝ մօտենալ. երկրորդ՝ որ ինքը ստիկանական հսկողութեան տակ է, որ դժուարէ իրան աջակցել մեզ: Իսկ այդ հսկողութեան ենթարկուել է ինչ որ գարտակ ազգուսիւթեան համար:

Եյդ օրը ճաշի ժամանակ մեզ հետ ի միասին

Նազմբէյի մօտ հրաւիրուած էր նաև Գասպար Էֆէն-
զին: Այդ ազնիւ սպան, Նազմբէյը, որ սկզբից այն-
քան սերտ սիրով տրամադրուած էր դէպ մեզ. այդ
օրն էլ փառաւոր պատրաստութիւն էր տեսել: Խմն-
լիքներ ունէր կոննակ և մաստիքայ ասուած օղին:
Թէ Նազմբէյը և թէ բուքիր ազան սկսեցին քաղցրա-
լիր խօսակցութիւնների խիտ և կենացների առաջար-
կել. համառօտ ճառեր խօսել և կրկին ու կրկին
իրանց առ մեզ և առ բոլոր հայերն ունեցած անկեղծ
սէրն ու համակրութիւնը յալտնել: Առ որ ևս բա-
ժակ առնելով դարձայ նախ՝ Նազմբէյը հետևեալ խօս-
քերով: «Բէյ դուք վերին աստիճանի մարդասիրարար
վերաբերուեցիք թէ դէպի ինձ և թէ դէպ ինձ յանձ-
նուած հօտի հետ. ձեր վարմուկի իւրաքանչիւր
քայլը վկայում է ձեր սրտի ազնուութիւնը. ձեր բոլոր
շարժումները ի հարկ է արդիւնքի այն կրթութեան,
այն դատաւարակութեան որ դուք ստացել էք ձեր
ընտանիքում: Օրհնուի այն ընտանիքը, որ ձեզ պէս
անգամ ունի. Օրհնուին այն ծնողները՝ որ ձեզ պէս
սերունդեն պատրաստում. Գուք, յարգոյ Նազմբէյ,
պէտքէ իմանաք, թէ ինձ, թէ ուղեկիցներիս և թէ բոլոր
գաղթականների համար միշտ անմոռանալի պիտի
մնաք: Հաւատացէք, որ ձեր արածը երբէք չի կոր-
չիլ. բարի սերմը մացառների մէջ կանաչ ոստերով է
աճում: Գուք հարիւրապետ էք, կ'աղօթեմ Աստծուն,
որ շուտով հազարապետ դառնաք, տպա զօրաւար և
աւելի բարձր աստիճանաւոր. կ'ինդրեմ որ այսուհետև

ևս չ'մոռանաք հայ ժողովուրդին, նրանք ձեր հարազատներն են. նրանք էլ նայում են նոյն երկնքին՝ որին նայում են բոլոր ազգերը, մեր կրօնը մեզ համայում է բոլոր մարդկանց հաւասար աչքով նայել, բոլորին էլ սիրել հարազատ ելբօք նման. եթէ շեմ սխալվում Գուրանի իսկական դաւանանքն էլ այդ է, միայն անբաղդաբար ձեր հոգևորականներից շատերը սխալ են քարոզում այդ միտքը: Ես մեծ յոյս ունիմ, որ դուք ձեր ազնիւ բնաւորութեամբ եղբայրաբար կ'վերաբերուիք ամենքի հետ, ինչպէս վերաբերուել էք մինչև այժմ. անչափ շնորհակալեմ ձեզանից»:

Իմ խօսքերը մանրամասն թարգմանեց Գասպար Էֆենդին. առ որ նազմբէյը պատասխանեց, «ընդհակառակն ես չ'կարողացայ իմ սրտի ուզածի պէս օգնել այդ անբաղդ գաղթականներին, այլ և չկարողացայ Քէչիշ Էֆենդիին յարգել իրան արժանի ձևով. իմ արածները կատարեալ ոչինչն են, շատ շնորհակալ եմ ձեր մաղթանքների համար: Միշտ իմացէք, որ ինձ համար հայերը սիրելի են հարազատների և այն էլ անկեղծ հարազատների նման»:

Եպա առաջարկեցի Բաքիր աղայի կինացը, առ որին դարձայ հետևեալ խօսքերով. «Բաքիր աղա, դուք մեր հրկրացի էք և ես ձեզանով շատ ուրախ եղայ. մանաւանդ ուրախացայ՝ տեսնելով ձեր ղէրը և այն խորին մտերմութիւնը, որ ունիք դուք Փաշայի հետ. դուք շատ լաւ էք հասկացել և ըմբռնել. տաշ գիւյսերն հայսեր գԱտոռծոյն Ատոռծոյ: Ձեզ ինչ-

պէս ճանաչեցի, ինձ այժմ թւումէ թէ՛ եթէ Համի-
դէի ամբողջ զօրաբանակը ձեզ յանձնեն, այնուհետև
այս երկրում իսպառ կ'վերջանայ խղճութիւնը, խար-
դախութիւնը և արդարութիւնը կատարելապէս կ'վերա-
կանգնի, շատ շնորհակալեմ ձեզանից, երբէք չեմ
մոռանալ ձեզ:

Կենացները տեղի տուին զանազան խօսակցու-
թիւնների և իսկոյն անցանք դէպի գաղթականները,
որ մաղթեցինք նրանց բարի ճանապարհ և երկար
առողջութիւն: Ապա խօսեցինք քարվանսների մասին,
որ հետևեալ օրը պիտի օրինաւոր կերպով բարձուին
և այս երկու պարոնների աջակցութեամբ հեշտու-
թեամբ ճանապարհուին դէպի իրանց ծննդավայրերը
— դէպի Վան:

Հետևեալ առաւօտեան, հինգշաբթի Յունիսի
11-ին շատ վաղ շտապեցի ժողովուրդի մօտ: Փամբ
6-ից քարւանները բարձեցին և ուղիղ ժամը 7-ին
ամէնքին ժողովեցի շուրջս հրաժեշտի ողջոյնս տալու:
Գնացէք — ասացի նրանց. Գոուեցէք ձեր քաղցրալիը
վաթանը և վերջ դրէք աստանդական լինելուն. ամէնքդ
էլ մի տուն, մի ընտանիք դարձէք. ամէնքդ էլ սերտ
սիրով կապուեցէք, հարազատ քոյր ու եղբայր եղէք
և միշտ օգնեցէք իրար. տեսաք ինչպիսի սիրով
Բազւայ հայերը ձեզ պահպանեցին և ինչպէս ճանա-
պարհ ձգեցին, չմոռանաք Բազուեցիներին. . . »:

Խօսքս չ'վերջացրած ամէնքն էլ միաբերան օդը
դրդրդացրին «կեցցէ՛» բազուն, կեցցեն՛ բազուայ հայերը:


Ապա «Տէր ուղղեան» ասացի, վերջը պահպանիչով օրհնեցի նրանց. իսկ երբ կամեցայ ասել «մնաք բարև» այլ ևս անկարող եղայ արտասուքս գնալի, շատերը նոյնպէս արտասուեցին: Նորից օրհնեցի և յիշեցի Փրկչի խօսքերը «ես ինչպէս ձեզ արարի, նոյն պէս և դուք առնիջիք միմեանց»: ապա խնդրեցի որ ամենքն էլ իրանց բեռներին ուշ դաշձնեն, անտէր չ'թողնեն:

Այդ բոլորից յետոյ սկսեցին մնացեալ զրատները բեռնել և տկարներին նրանց վրայ տեղաւորել: Այստեղ այդ ժամանակ բարձրացաւ սարսափելի խառնաշփոթութիւն. ազմուկ, ճիշ, ազազակ, գոռում գոշում՝ զըզըզում էր ամեն կողմ: Ամէն մէկը շտապում էր իւր իրերը պնդացնել, մինչև անգամ առողջներից շատերը սուտ հիւանդ էին ձեանում՝ անասուններից մէկը հեծնելու: Նետուումէի այս և այն կողմը, նետում էին և ընկերներս սակայն չէինք կարողանում հանգստացնել: Մէկը գոռումէ «ինչի կիրակոսի կինը կըյղիանայ») և եզ կը հեծնի, իմ կինը չի յղիանալ և եզ չի հեծնիլ»: — Ինչի Արթինը սուտ հիւանդ կ'ձեանայ, գոռում է մի ուրիշը և աւանակ կ'ընրատ է ու ես ոտով կ'գնամ: Եւ իսկապէս շատերը խաբում էին, բայց 800 մարդու հետ ինչպէս վարուիս, ինչպէս կարգադրես, այնուամենայնիւ տարաձայնութիւն պէտք է անպատճառ լինէր և ահա ես իմ ընկերներ-

*) Իսկապէս ցոյց տուին Պիրակոսի կնոջը, որ շորերով բարձրացրել էր փորը՝ թէ յղի է հարևան կինը համարձակուեց մեր ներկայութեամբ բարկութեամբ մօտենալ և նրա շորերը բարձրացնելով հանել թագցրած շորերը:

րիս օգնութեամբ մի կերպ հանգստացրի. մի հարիւր
ուուրլի էլ տուի մի քանի առաջաւորներին, որ առա-
ջիկայ գիւղերից մէկուս, եթէ իսկապէս հարկ լինի
անասուն վարձելու, այդ գումարով վարձեն, ապա
ճանապարհ ընկնել Այդ իսկ ըոպէին էլ մի քանիսը
բռնեցին իմ փեշերիցս և մի քանի ուուրլի էլ առնե-
լով հեռացան:

Քարւանը ճանապարհ ընկաւ. ևս բնագդմամբ
հայեացքս առի երկնքին, բարի ժանապարհ մազթեցի
և սրտազին օրհնելով երիցս տեառնազրեցի ու երբ
քարւանն հեռացաւ և այլևս չ'երեւաց, վերադարձայ
քաղաք և ուղղակի գնացի Փաշայի մօտ, շնորհակա-
լութիւնս յայտնեցի և սիրալիբ «գնաք բարեններն»
առնելով դուրս եկայ: Սրտաշարժ մնաս շարեւննրով
բաժանեցինք նազմբէյից և Բաքիը աղայից: Ամէն-
քիս էլ միատեսակ թւում էր թէ տարիներից 'ի վեր
կապուած բարեկամներից էինք բաժանուում: Ապա
բնակարանիս տէր այրի կնոջն էլ փառաւոր վարձատրե-
լուց յետոյ, բազմեցինք կառքը և ճանապարհ ընկանք
դէպի Իգդիր: Ղարարուլաղում մեր զբան ստանալով,
ճանապարհը շարունակեցինք և 2ինգիլլիի սահմանա-
գլխում ժամը 4-ին մեր ծանօթ երկու պարոնների
մօտ նախաճաշ վայելելով, ճանապարհ ընկանք և գի-
շերւայ ժամը 11-ին հասանք Իգդիր:



Առաւօտեան որոշեցի գնալ պ. Գաւառապետի մօտ. նախ՝ շնորհակալութիւնս յայտնելու և ապա խնդրելու՝ որ կարգադրէ գաղթականներին առ ժամանակ չ'շտապեցնելու. որովհետև տաճկաց կառաւարութիւնը ընդդէմ էր առանց անցազրի այլ ևս ոչ մի գաղթականի չնդունել և ընդամին յայտնելու նաև այն, որ սոյն կարգադրութիւնը մնայ, մինչև որ Վեհափառ Հայրապետը այդ մասին կ'ըսանակցի թէ՛ նախարարութեան և թէ՛ Կովկասու կառաւարչապետի հետ: Բայց Գաւառապետը Իզդիրում չէր, պաշտօնական գործով գնացել էր ապահանք — Կողբ գիւղը: Եւ որովհետև ցանկութիւնս էր անպատճառ տեսնել գաւառապետին, ուստի որոշեցի գնալ Կողբ: Յաւ ի սիրտ գաւառապետը Կողբումն էլ չէր: Եւ որպէս զի մեր նեղութիւնը բոլորովին ապարգիւն անցած չ'լինէր, վճռեցինք հանգամանքից օգտուել և Կողբ գիւղը իւր հռչակաւոր աղահանքով լաւ աչքի անցնել: Այս Կողբը իմ նախահայրերի հայրենիքն ևս է: Մեր Ղազախսու գաւառի մէջ գտնուող Կողբը, սորա անունով է հիմնուած: Նորա ժողովուրդի նախնիքը 300 տարի առաջ այստեղից են գաղթել և Ղազախին մօտ նոր գիւղ հիմնելով, Կողբ անուննեն տուել նորան: Ներկայումս սոյն երկու (գիւղացիք) կողբացւոյ բաւրառները միատեսակ են: Եւ Ղազախի կողբացիք իրանց բաւրառով միշտ տարբերուումն, իրանց շրջապատող գիւղերի բնակիչներից:

Յովհաննիսի և Սմբատի հետ որոշեցինք իջնել

տեղական քահանաներից՝ մէկի տանը: Կառապանը կառքը քշեց դէպի մի քահանայի տուն. բայց քահանային տանը չ'գտնելով, լաւ համարեցինք կառքը առ ժամանակ թողնել եկեղեցւոյ մօտ և ոտով դնալ դէպի աղահանքերը:

Եկեղեցւոյ մօտով անցնելիս՝ մի երեխայ մօտեցաւ մեզ ու հարցրեց. «նմա՞նք ուզում, Տէր հայր. մեր տէրտէրին, ահա այս է նրա տունը». այս ասելով երախան ցոյց տուաւ մի տուն, որի դուռը բաղխեցին, դուրս եկաւ մի փոքրիկ աղջիկ և մեր հարցին քաղաքաւարութեամբ պատասխանելով յայտնեց թէ, տէրտէրը տանն է և իսկոյն կ'կանչ է նրան: Նա դնաց և ըոպէ չ'անցած դուրս եկաւ քահանայի հետ:

Քահանան մեզ ներս հրաւիրեց: Մենք յատնելով մեր անունը՝ նրան և նա-Հայր Եզնիկը նորից սեզմեց իմ ձեռը, ուրախութեամբ յայտնելով և առարկելով, որ ինձ դեռ չ'տեսած էլ լաւ է ճանաչում: Նա իսկոյն պատմեց իւր հօրեղբայր հայր Տէր-Յովսէփի մասին, որը յայտնի քահանայ էր այդ կողմերում. վիճակի գործակալն էր և որի հետ դեռ 16 տարի առաջ Ղազախում իմ տանը բարեկամանալով, երկար ժամանակ նամակագրութիւն ունէինք, Իսկ այժմ նա վաղճանուել է, որպիսի կորուստը այժմ սաստիկ զգալի է Կողբայ վիճակի համար: Հայր Եզնիկը մեզ լաւ հիւրասիրելուց յետոյ, պատրաստականութիւն յայտնեց առաջնորդելու մեզ դէպի աղահանքերը և մեծանուն, երջանկայիշատակ Եզնիկ Կող-

բացու գերեզմանը: Սոյն մատենագրի գերեզմանը տեսնելով, արտասուքից և գայրութից ճնշուեցի: Մի անշուք դամբարան, ընկած կեղդոտութիւնների մէջ տեղ, որի հետքը, գուցէ դժուարին չէ գուշակել, որ մի օր պիտի աճեա՞նայ, եթէ այդպիսի անխնամ դրութեան մէջ մնայ:

Սրտագին համրոյրս գրոշմելով սուրբ գերեզմանի սառած քարերին, տխրութիւնս սրտիս խորքում ճնշելով, ուղեկիցներիս հետ անցանք Կողբ գիւղը, որի բնակիչների կեանքը հայր Եզնիկը շատ տխուր գոյնով էր նկարագրում: Ծոյլեն, ասումէր նա, պղերգ, տղամարդիք օրուայ մեծ մասը գինետներումն են անցկացնում և հէնց այդ է պատճառը՝ որ գիւղում ընդհանուր ազբատութիւն է տիրում: Տեսանք նաև աղահանքերը և իսկապէս մարդ պէտք է անձամբ այցելէ և տեսնի թէ ինչ մեծ քանակութեամբ աղ կայ:

Մի քանի տեղեկութիւններ ևս առնելուց յետոյ հայր Տէր-Եզնիկին մեր շնորհակալիքը յայտնելով, վերադարձանք Իգդիր և իջևանեցինք մեր վաղածանօթ Սուրէնի տանը: Այդ օրը պիտի մկրտէին Սուրենի նորածին եղբօրը, և ես նրա լաւութիւնների փոխարէնը հատուցանելու համար, խնդրեցի որ թոյլ տան ինձ կնքահայր լինելու: Առաջարկութիւնս սիրով ընդունեցին և մկրտութիւնը տեղական քահանաների ձեռամբ կատարելուց յետոյ անունը դրինք Աբգար, ճաշեցինք, ապա շնորհակալիք յայտնելով պ. Սուրէնին, իւր հայր Կարապետին և բոլոր Իգդիրցոց, ուղևորեցինք գէպի Ս. Էջմիածին:

Ս. Էջմիածին հասնելուն պէս նախ՝ շտապեցի համբուրել Սրբազնագոյն Հայրիկի ս. աջը և գեկուցանել ճանապարհորդութեանս բոլոր մանրամասնութիւնները: Այս անգամ էլ Վեհափառ Հայրապետն ինձ ընդունեց նորակառոյց թանգարանում: Այդտեղ յանձնեցի նորին Սուրբ Օծութեանը՝ այն գրութիւնը, որ տուել էր ինձ Բայազետի Փաշան - Վեհին հասցնելու: Այդ գրութեամբ Փաշան յայտնել էր թէ 800 գաղթական ողջ և առողջ հասել են Բայազետ: Ապա որ ինքը կարգադրեց մեզ վերադառնալ Ռուսիա և որ այսուհետև այլ ևս ոչ մի գաղթականի թոյլ չի տրուիլ Տաճկաստան անցնել, եթէ չ'ունենայ օրինաւոր անյազիր: Վեհափառը շատ ցաւեց ինձ վերադարձնելու համար, իսկ աւելի վերջին կարգադրութեան. սակայն ինչ կարող էր անել. ճակատագիրը այդչան բաժին է հանել թէ Վէհի և թէ գաղթականների համար:

Վեհափառը յայտնեց, որ միւս օրը գնում է Բիւրական և ինձ հրամայեց, որ Էջմիածնում սպասեմ մինչև իւր գալը: Յովհաննիսին և Սմբատին էլ ընդունեց Ս. Հայրապետը, տուեց նոցա իւր սուրբ օրհնութիւնը և դուրս եկանք այդտեղից:

Յովհաննէսը գնաց Երևան, իսկ ես սպասեցի Վեհափառի վերադարձին, որ իսկապէս երկու օրից վերադարձաւ Ս. Էջմիածին: Վերադարձած օրը գնացի ս. աջը համբուրելու, օրհնութիւնն առնելու և վերադառնալու Բագու, կամ նախ՝ Ղազախի Կողբ գիւղը, որտեղ ամբողջ գերդաստունս գրէթէ սպասումէին

ինձ արցունքով. որովհետև նրանք արդէն համոզուած էին, թէ ինձ հետ արդէն պատահել է սրեւէ անբաղ-տութիւն և այդ իսկ պատճառով մի շարք հեռագիր-ներ էին ուղարկել Ս. Էջմիածին, Երևան, Իգդիր. սակայն այդ օրը Վեհափառը մի կարևոր յանձնարար-ութիւն տուեց, որ պարտական էի շտապիլ Զամախի: Սուրբ Հայրապետն օրհնեց ինձ և այդտեղ շնորհեց աւագ քահանայութեան ատախճանի Սրբատառ կոն-դակը, որ քաղցր յիշատակի համար, գետեղումնս դրքիս մէջ առաջիկայ երեսում:



ՄԿՐՏԻՉ ԾԱՌԱՅ ՅԻՍՈՒՍԻ ՔՐԻՍՏՈՍԻ ԵՒ ԱՆ-
ՀԱՍԱՆՆԵԼԻ ԿԱՄՓՔՆ Աստուծոյ եպիսկոպոսապետ և
Կաթողիկոս Ամենայն Հայոց Ծայրագոյն Պատրիարք
համազգական նախամեծար Աթոռոյ Արարատեան
Առաքելական Մայր Եկեղեցւոյ սրբոյ Կաթողիկէ
Էջմիածնի. Արժանապատիւ Տէր-Արգար քահանայի
Տէր-Յարութիւնեան Միաբանի Ս. Աստուածածին եկե-
ղեցւոյ Բազու քաղաքի, հարազատի Մայր Աթոռոյս
ողջոյն և օրհնութիւն:

Ջանձնանուէրն քո հոգածութիւն և անկեղծաւոր
ջանս որ ցուցեր տարազիր գաղթականաց ՚ի բազում
ժամանակաց հետ է որպէս տեսաք անձամբ թէ ՚ի
լինելն մեր ի Բազու և թէ ՚ի Մայր Աթոռոյս, որ
որպէս հայր զթառատ սփոփեցեր զնոսա և առաջնոր-
դեցեր ՚ի սահմանս երկրի իւրեանց, պարտիս ՚ի վերայ
Մեր զնեն որպէս Հօր հասարակաց սովին Հայրապե-
տական Կոնդակաւ վարձահատոյց լինել Քեզ: Ուստի
և ի տրիտուր ջանից քոց և վաստակոցդ Մեր Հնոր-
հեմք բեզ գպատիւ աւագութեան, լիայոյս գոլով զի
հետ այսու ևս առաւել ունիցիս յարատելի յայդմ օրի-
նակելի և ՚ի քրիստոնէական պարտիսդ զոր Տէրն
ուսոց իւր հաւատացելոց:

Ողջ լինել ցանկամբ Քեզ ընդ երկայն ամս: Ամէն:

՚ի 17 Յունիսի 1898 ամի և ըստ տոմարիս
ԹՅԵԼԻ ՚ի Հայրապետութեան Մերում Ե,
ամի յԱրարատեան-Մ. Աթոռ Ս Էջմիածնի
՚ի Վարդաշապատ. Թ. 760.

Մ. Կ. Ա. Հայոց.

Այստեղ պէտք է ասել, որ գաղթականների պատկանեալ դրամներն շտուի իրանց անձամբ տանելու, երկիւղ կրելով թէ ճանապարհին կ'կողոպտեն նրանց. ուստի ամէնքից հաւաքեցի և ամէնքին էլ ապահովագիր տուի. խոստանալով Երևանից ուղարկել Վանայ Ռուսաց հիւպատոսին: Եւ ահա Ս. Էջմիածնից Երևան գալով, նախ շտապեցի գէպի փոստատուն իմանալու թէ ինչ միջոցաւ կարողեմ ուղարկել Վան, 170 օսմանեան լիբայ: Փոստատանը յայտնեցին որ դրամական ծրարով չի ունդունուիլ, այլ կարելի է մի կապոց շինել և գնահատել 1600 ռուբլի. և այնպէս ուղարկել: Այդպէս էլ արինք և այդ կապոցը Կ. Պօլսի վրայով ուղարկեցի գէպի Վան: Միայն 120 ռուբլի թղթագրամ ընդունեցին Վան ուղարկել զբամական ծրարով: Այդ կարգադրութեամբ ուրախացած, մի գրութիւն ուղարկեցի Վանայ Ռուսաց հիւպատոսին, խնդրելով որ այդ գրամները նեղութիւն կրէ ցուցակի համաձայն բաժան է տէրերին. մի գրութիւն էլ Վանայ առաջնորդական փոխանորդին գրեցի, որ գրամները բաժանելու ժամանակ ներկայ գտնուի: Ապա հեռագրեցի վանայ առաջնորդական փոխանորդին, որ գաղթականների մասին մի տեղեկութիւն հաղորդէ. հեռագրի պատասխանն ստացայ, որ ամէնքն էլ ողջամբ հասելեն Վան: Ուրախութիւնս կրկնապատկուեց:

Երկու օր Երևանում պ. Տէր-Մարութեանցի տանը անցկացնելուց յետոյ՝ ուղևորուեցի գէպի Ազատափայ և այնտեղից էլ շտապեցի Չամախի: Այնտեղ էլ հինգ

օր մնալով, վերադարձայ Բապու, ուր տասը օր անցկացնելուց յետոյ միայն կարողացայ վերադառնալ դէպի Ղազարխի Կողբը, ընտանիքիս այցելելու:

Սակայն չհայած որ տանջանքներից և յոգնածութիւնից դեռ վերստին չէի կազդուրուած և ահա երկու ամիս անցած, Երևանից նամակ եմ ստանում, որ դէպի Վան ուղարկածս շիրանները նորից վերադարձել է Երևան: Եւ յուզմունքը նորից տիրեց իմ սրտիս մէջ, նորից վարանումներն ու անհանգստութիւնը տանջեցին ինձի. որովհետև ըոպէսբար աչքիս առաջ եկան գաղթականները և ըոպէսբար ճնշեց ինձ այն միտքը թէ՛ նրանք կարողեն կատկածանքով յիշել ինձ թէ. . . ինչպիսի վիշտ. կարողեն մտածել, որ ես չեմ ուղարկել. . . : Ուստի նոյն օրը դիմեցի քաղաքիս փոստատան կառուարչին ներկայացրի Երևանի փոստատան տուած ստացականները և խնդրեցի ըստ կարելւոյն շուտափոյթ ինձ վերադարձնել այդ գրամները:

Լիրաները ստանալուն պէս, պ. Տ. Մելիքեանի գրասենեակի կառուարիչ և հաշուապահ պ. Փ. Մարգանեանի օգնութեամբ վերածելով ուսական դրամներին, Պօլտոյ դեսպանատան միջոցաւ ուղարկեցինք Վան՝ Ռուսաց հիւպատոսին, որ մի ամսից յետոյ յայտնեց մեզ դրամների ստանալու և բաժանելու մտտին, այլ և ստացանք ապահովագրերը, որոնք ես տուել էի գաղթականներին՝ դրամներն առնելու ժամանակ: Իսկ մինչև այդ դրամներն ստանալը թէ՛ սրբան էր յուզ-

ուած ժողովուրդը, դորա ապացոյցը՝ մի շարք նամակներ էին, որոնք լի էին անվերջ գժգոհութիւններով. մինչև իսկ սպառնալիքներով ուզարկում էին ինձ:

Դրանցից միայն մարդկանց կարճամտութիւնը ընորոշելու համար զետեղումներ այստեղ, միայն երկու նամակ, որոնք ստացել եմ Վանայ առաջնորդական տեղապահից:

Առաջնորդարան հայոց Վանայ համար 533

Բարևչնորհի Տ. Արգար Առագ քահանայ

Տեր-Յարութիւնեանց

Կի Քագու.

Ստացաց եմ Ձեր վերջին մի գրութիւնը: Հակառակ Ձեր ըրած կանխահոգութեանց՝ գաղթականաց գրամն տակաւին տեղը չ'հասաւ և թշուառ գաղթականք ամեն օր արիւն արցունք թափելով մեզ կ'ղիմեն և կհարցանեն. ինչ եղաւ մեր դրամը: Պատասխան չեմք կարող տալ այդ խեղճերուն. հիւպատոսարան կ'ղրկեմք, այնտեղ ալ պատասխան չեն կարող տալ: Ինչ եղաւ արդեօք այդ գրամները, այստեղ ոչոր տեղեկութիւն չունի, երկինք ելաւ արդեօք, ինչ եղաւ: Այսչափ միայն գիտեմ, որ Ձեր տուած տոմսակներն կեզժ գրամի պէս, խեղճերու ձեռք կ'փայլին:

Ջանացէք շուտով գտնել այդ գրամն ուր որ կը գտնուի և զրկել տալ տեղս. և եթէ կորսուած է գտնէ տեղեկութիւն տուէք, որ գաղթականք այլ ևս մոռանան և գլխնուն ճարը տեսնեն:

Կմնամ աղօթարար՝ Առաջնորդ տեղապահ Վանայ

1898 չոկտ. 7
Առաջ Վանայ

Ստեփան վարդապետ Աղազադեանց:

3. Գ. Այս մասին բանիցս ռուսական հիւպատոսարանին զիմած և պատասխան ստացած ամէն անգամ թէ տէգեկութիւն չունիմ: նոյն

Առաջնորդարան Հայոց Վանայ
համար 601

Բարեւոյնք Տ. Արգար Առագ քանական Տեր-Յարութիւնեան և ու մեծ պ. Համբարձում Մեշիքեան
ի Բագու:

Գաղթականաց զրամի համար առ Ձեզ ուղղածս չոկտ. 7 թուակիր զրութենէս յիտոյ, տեղս հասաւ վերջապէս նոյն գումարն և ռուսական հիւպատոսարանի ձեռամբ տէրերուն տրուեցաւ և անոնց ձեռք եղած ընկալազիրներն առնուեցան, որք Ձեզ պիտի զրկուին հիւպատոսարանի միջոցաւ: Միայն Բաղիշեցի Համբարձումի 8 ոսկի զրամն մնացած է, իր տեղն հեռու լինելու պատճառաւ, տակաւին կարող եղած չէ զալ և զրամն ստանալ, երբ որ վճարուի, անոր ընկալազիրն ալ պիտի զրկուի Ձեզ:

Գաղթականք մեծ ուրախութեամբ ստացան իրանց սեպհական զրամները և երախտագիտութեամբ օրհնեցին զՁեզ: Թէև գումարի յապաղումն բուական յուսահատեցոյց գաղթականները և մեզ ալ առիթ տուաւ ուղղելու Ձեզ հոկտ. 7 թուակիր զրութիւնը, որոյ համար ներողամտութիւններ կ'խնդրեմք, սակայն գումարները ստացած ժամանակ մոռացան նախկին մտատանջութիւնները և յուզումները և նորէն վերսկսան Ձեր Ազնութեանց մասին նոյն գովեստներ

և օրհնութիւններ, գորս իրենց վերադարձին ՚ի վեր յեղյեղելու սովորին երախտագիտական պարտաւորութեամբ:

Երկու ամիսէ ի վեր տեղոյս ռուսական հիւպատոսարանն կ'գտնուի Չեր զրկած 266 օսմ. լիբայի մի գումարն, որոյ գործածութեան մասին բանմը գրած լլալնուդ, մինչև ցարդ անձեռնմխելի կմնայ, մանաւանդ որ ռուսական վսեմ հիւպատոսն ցարդ բացակայ կը գտնուէր քաղաքէս:

Արդ կխնդրուի, որ նոյն գումարի գործածութեան մասին բարեհաճիք շուտով յայտնել Չեր կամքը, թէ՛ արդէօք ինչ տեսակով կուզէք, որ գործածուի նոյն գումարն, միմիայն վերադարձող գողթականաց բաշխիլ կ'կամիք, թէ՛ ընդհանուր բոլոր կարօտելոց: Մեր կարծիքով ընդհանրապէս բոլոր կարօտելոց բաշխիլը աւելի բանաւոր պիտի լինի:

Կը յուսամ, որ որչափ կարելի է կ'հաճիք փութացնել Չեր պատասխանը. վասն զի երկրի մէջ այն աստիճանի կարօտութիւն և յուսահատութիւն կ'տիրէ, որ շատեր մի պատառ հացի համար կը պարտաւորին հեռանալ իրանց մայրենի եկեղեցւոյ ծոցէն. ինչպէս որ արդէն մինչև ցարդ ցաւօք սրտիւ լրագիրների մէջ կարգացած էք, և եթէ Չեզպիսի մարդասէր անձինք շուտով օգնութեան չ'հասնեն յառաջիկայ ձմրան մէջ խիստ շատեր անօթութիւնից պիտի մեռնին:

Սպասելով Չեր պատասխանին, կխնդրեմ ընդունել նաև մեր խորին երախտագիտութիւնը Չեր անձ-

նուէր ծառայութեանց համար, զորս անշափ վեհանձնու թեամբ մատուցիք գաղթականաց:

Կանամ ողջոյնիւ և օրհնութեամբ
Առաջնորդական տեղապահ Վանայ

1898 Նոյեմբ. 25
յԱռաջ Վանայ


Ստեփան Վարդապետ Աղազատեաւնց:

Ցաւ ի սիրտ պէտքէ ասել, որ գաղթականներէց շատերը՝ աշնանը դարձեալ պարսից սահմանով վերադարձան Բագու, այգքան նեղութիւն և տանջանք կրելուց յետ. ի հարկէ մեծ մասամբ Վանայ Գղա դիւղից և Գաւառից, որոնց սովորութիւնն է Բօշայական կեանք վարելու: Նոյնիսկ եթէ նոցա բոլորովին ևս ապահովել, դարձեալ չեն մոռանալ իրենց սովորական թափառումն մի քաղաքից—միւսը:

Իմ վերադարնալուցս յետոյ, նախ իմ բոլոր գործադրած գրամների հաշիւ ներկայացրի պ. Մելիքեանին և ապա իսկոյն հրաժարականս տուի՝ Ջամախուոյ վիճակային Ատենին, ազատ կացուցանելու ինձ Աղքատանոցի կառավարչութիւնից, որը՝ տարւոյս հազիւ թէ Գեկտեմբեր ամսուս յանձնուեց նորընծայ Արժ. Գարեգին քահանայ Ղուկասեանցին և մինչև հայր Ղուկասեանին յանձնելը, հսկում էր պ. Աստուածատուր Կաճկաճեանցն, որը՝ իւր հայրական ջերմեռանդ հոգևով հսկում էր թէ աղքատանոցում մնացած հին աղքատներին և թէ նորեկ վերադարձեալ գաղթականներին. մինչև որ նա ևս համոզուեց տեսնելով այդ անշնորհք, ծոյլ թափառական գաղթականների վատ

սովորութիւնները, որոնք մեծամասնութեամբ գող-
թականներ չէին կազմում, այլ թափառական մի
խումբ. այնու ամենայնիւ նա չէր խնայում իր հոգա-
տարութիւնն այդ դժբաղդ հայերի վերաբերմամբ
առանց յուսահատութեամբ օգնումէր, խտրութիւն
չգնելով լաւին և վատին. հետեւելով աւետարանի
քաղցր խօսքերին— «Երանի ողորմածաց, զի նոքա
ողորմութիւն գտցեն»։ (Մատթ. Ե. զլ. 7 համար)։





Handwritten signature or initials in the bottom left corner.

Handwritten signature or initials in the bottom left corner.

5547

5548

5641000

2013

